



12

N

31

Ex Bibliotheca
majori Coll. Rom.
Societ. Jesu

N

73.6.4.

43
6
20

12
18
2
4

Δ

SYSTEMA PESTIS PHYSICUM,

Elaboratum à R. P. JOANNE SAGUENS,
Ordinis Minimorum, & his diebus ite-
rum Provinciali Tolosano.

*Dedicatum Clarissimo Viro Domino D. JOANNI
FANTONO, Professori Primario Medicina in
Alma Regia Taurinensi Academia, Consiliario
Regio, & CAROLI-EMMANUELIS,
Serenissimi Subalpinorum Principis Medico.*

Accessit Appendix ad elucidationem
Systematis.



COLONIÆ AGRIPPINÆ
Typis BALTHAZARIS ab EGMOND.

M. DCC. XXI.

CUM APPROBATIONIBUS SUPERIORUM.







DOMINO SUO COLENDISSIMO
D. JOANNI FANTONO;
REBUS IN OMNIBUS PHYSICIS
ATQUE MEDICIS
SUPRA MODUM EXCULTO;
MECOENATI SUO
AUTHOR CLIENS,
ET ΔAIMONEIN.

S I quid in hac Epistola
Dedicatoria, DOMINE
COLENDISSIME, vide-
bitur tua importunum mo-
destia, mihi culpam imputa-
minus, quàm tuo nomini,
cujus Fama te prodidit. Illa
non ferens intra fines Italia
contineri, jamdiu pererrabat
Europam, & his novissimis

EPISTOLA

diebus Tolosam appulit. His, aïo, diebus, quibus sudanti adhuc sub prælo isti Systemati Pestis Physico, ambiebam avidissime Mecœnatem, qui exercendæ Medicinæ attulisset mentem comprehensione rerum physicarum altissimâ præparatam, & qui de suo in eis judicio requisitus, alter quidam esset Hippocrates, tam nesciens falli, quàm fallere.

Ex Macro-
b.o.

Habes, dixit Fama, quem ambis, alterum in FANTONO Hippocratem. Ille Patris doctissimi, notissimi Scriptoris, Medici Regii praxim medicam quum sectari cœpit, jam

DEDICATORIA.

*antè noverat virtutes Ele-
 mentorum, naturas anima-
 lium, differentias Plantarum
 & virtutes Radicum : jam
 antè poterat disputare super
 lignis à Cedro, quæ est in
 Libano, usque ad Hyssopum,
 quæ egreditur de pa-
 riete. Tum mores & Urbes
 diffitarum Nationum vidit :
 ibi cum Viris ^{ιατρικότητος} fami-
 liariter vixit : inde secum
 tulit sine numero Lumina &
 Arcana : hæc autem ut sine
 fictione didicerat, ita sine
 invidia communicavit per
 Lectiones Academicas &
 Editiones, in quibus celeberrima est, que inscripta est,
 ANATOMIA CORPORIS*

Sap. 7.

3. Reg. 4.

EPISTOLA

HUMANI. Tandem jam non mirum, si ut veri ac præclari nihil ignorat, ita falsi, aut ambigui nihil pronunciat.

Talem te mihi nunc nuperime pingebat Fama : nec omittebat Medicum Caroli-Emmanuelis Serenissimi Subalpinorum Principis renunciare. Quo audito, illam dimisi, satis superque hinc capiens, qualem quantumque virum esse oporteat, cui fuerit concredita salus Filii super Adonidem omnem amabilis, jamque Paternam invictam fortitudinem, & Maternam dulcissimam pietatem propemodum attingen-

DEDICATORIA:

*tis. Quid comparabile fuit
in Æneæ & Creusæ Filio,
Trojano Principe,*

— Genus unde Latinum,
Albanique Patres, atque altæ
mœnia Romæ ?

*Major is est, unde confi-
ditur venturos Reges iis si-
miles, è quibus prodiit, Eu-
ropæ Arbitros, ut est Arbi-
ter, VICTORIUS - AMEDEUS,
qui regnat. Quam esse decer-
nit Europæ faciem, ea est:
ponit metas rerum & tem-
pora: eas pro arbitrio nu-
bilat, aut serenat: adeò me-
ruit divisi cum Jove Im-
perii fortunam Casaream
obtinere.*

EPISTOLA

*Habes, EXIMIE DOCTOR,
in Aula illa, cæterarum for-
ma, ubi Arti regnatrici reli-
quæ omnes adsunt & ser-
viunt, occasionem amplam,
quâ tibi demerearis multæ
hominum millia, si diutissimè
ab invaletudine omni libe-
ram & immunem servave-
ris, quando id interest Popu-
lis tam multis, quibus Alpes
intra, ultra & citra vivi-
tur. Et ecce novus surgit
eventus, unde tibi, cum totius
Orbis gratitudine immensa,
parias gloriam nullo lapsu
temporum desituram, nullâ
satîs representabilem aurea-
rum multitudine statuarum.
Quis crederet? Poterit hoc*

DEDICATORIA.

Systema meum, imò jam tuum, esse tibi scaturigo illius gratitudinis, illius gloriae. Nam Cic. Tuscul. Quæst. Lib. 3. *Medici, causâ mali inventâ, curationem esse inventam putant. Si causam Pestis ego inveni, tu curationem invenisti.*

Confidenter aio, sciens tuam illam simplicem curandi methodum, & hac ex parte omnibus, qui operati fuerint, salutarem. Illam tibi scientissima Parens Natura suggessit: amica vitæ, inimica necis, quò plus est in aliquo morbo periculi, eò simplicius & familiarius esse voluit medicamen illius: eò magis ad ma-

EPISTOLA

num est , licèt occultum ; ac præsertim ob quæsitam à Medicorum plerisque compositionem , quæ morbos implicat & venenat. Hinc institutum à Natura contra Pestem remedium , esse simplicissimum arbitror : tantum causam Pestis antè inveniri oportuit. Fortè in infusa mineralis , aut metalli alicujus tritura : fortè in planta alicujus succo : fortè in rerum magis obviarum, aut sapore, aut odore , aut vapore consistit. Utut sit , argumento mihi est , illud aut à nullo , aut à te inventum iri , quòd præ omnibus naturam noveris. Creditus fuit Hippo-

DEDICATORIA:

crates Medicinæ Deus, quòd Pestem venturam ab Illyria prædixisset : an curaverit nescio : si quam non prædixeris, curabis, quem te prædicari oporteat ?

Sed tum, DULCISSE Hominum, si videbitur tibi vera illius mali (quod avertat Deus) causa, quam attuli, acquiesce humili petitioni meæ : inclinabit, ut confido, in eam tua illa mirabilis morum suavitas, ob quam D. LANCISIUS, celeberrimus Archiater Pontificius, in suis ad te Literis, in Libris eruditioni tuæ nuncupatis, te toties dulcissimum nominavit, tam-

EPISTOLA

*que optimo jure , ut locus sit
vaticinandi Posteritatem esse
te hoc ἐπιβέτω ἀντονομασικῶς vocaturam.*

*At quæ tandem est , aïes ,
petitio mea ? Hæc est. Nosti
quid evenerit olim Democri-
to. Multus erat in sermone
de suis atomis : quare Con-
cives Abderitani , putantes
hominem insanire , advoca-
verunt Hippocratem , ut cu-
raret. Audiit illum & cen-
suit sanâ mente non egere , sed
cateros. Parem hodiè fortu-
nam subeo. Non desunt è To-
losatibus nostris , qui audien-
tes me sermocinantem de In-
sectis pestiferis , putent è bono
judicio cecidisse. Itaque si te*

DEDICATORIA:

advocant , aut si te consulant , ut Hippocratem alterum , quem ex Fama norunt , fac Clienti tuo misericordiam amovendi virus tam iniquae suspicionis. Caterum , ob me nimis beatum ! si occasione Opusculi , ac simul Munusculi hujus , quod mitto , rependere mihi aliquid dignaberis de amore tuo pro mensura bona, & conferta, & coagitata, & supereffluente immortalis meae erga te Venerationis. Tolosa , hac die 24. Septembris , anno 1721.

F. JOANNENS SAGUENS,
Minimus.



PRÆFATIO

AD LECTOREM.

PATERE omnibus
veritatem, nondum esse
occupatam, & ex ea mul-
tum esse relictum posteris,
Senecæ mens illa fuit: &
hæc fuit Hippocratis; *videri*
hoc scientiæ votum & opus,
ut aliquid inveniatur eorum,
quæ nondum inventa fuerint.
Stimuli sunt, quibus vellem
eruditos vehementer incen-
di ad causas naturalium
omnium *καὶ νομένων* diu noctu-
que investigandas. Ut sunt
fortunata quædam dierum

AD LECTOREM.

noctiumque momenta, dum recogitatur de rebus bellicis, politicis, œconomicis & similibus rectè administrandis, ad suscipiendum & decernendum quod expedit; ita si veritatis deamatae investigatio assiduè urgeret Physicos, non deessent instantia quædam felicia, in quibus illa sese sine velo manifestaret, & quæsitae effectuum causas ostenderet.

Sed quid accidit? clario-
ra ingenia, ut plurimum,
pigrescunt, paucisque inter-
vallis laborant, cæteris in
otio manent, ac ferè in fasti-
dio studii. tardioribus labor
deseritur, cùmque longa sit

P R Æ F A T I O

veritatis attingendæ via , ferò ad hujus viæ metas perveniunt : perveniunt tamen , compensante tarditatem labore. Est in Viris Literatis , ut in hominibus Operariis , sua indoles : in istis , si qui Arte præcellunt , amant otia , & rarò accidit eos ditescere : antè ditescunt cæteri , quibus inest minùs Artis , sed plùs laboris : in illis advertere est eventum similem. Si qui nitent in studiis , ea facilè deserunt : cæteri autem labori , etiamque diutissimo , in eis sustinendo non parcunt : sicque fit ut istis præ illis rerum plurimarum veritas innotescat.

In via

AD LECTOREM.

In via est otio veritas, per
via labori, & ei præsertim,
quem egestas parit: calamo
ad victum, aut ad victus
commodum laboranti diffi-
cillima quæque veniunt ob-
viàm. Id habent Artes Libe-
rales cum Mechanicis com-
mune, Artificum labore si-
mul & inopiâ perfici. Jam
verò, siue in tardiorum, siue
in egenorum Scriptorum nu-
mero computer, hoc scio
vitam esse mihi laborem scri-
bendi, & vitæ hujus meæ
delicias esse, si quid veri scri-
bendo potuerim invenire:
atque in primis quidem, si
æquè utile ac verum fuerit.
Neque tecum fusiùs ago,

PRÆFATIO AD LECTOREM.

LECTOR OPTIME: cum
sit dijudicare, an aliquid
verum, an aliquid utile
scripserim in hoc Systemate.



S E R I E S

PROPOSITIONUM DUODECIM,
ex quibus hoc Systema Pestis physicum
coalescit.

PROP. I. **P**ESTEM non esse morbum ,
ut unum è ceteris sequentem ,
ex generatim constituta causarum na-
turalium efficientia, sed ad particula-
rem Providentiam Dei vindicis opor-
tere referri , p. 1.

PROP. II. Morbum omnem utcunque conta-
giosum , esse ac vocari posse pestife-
rum , p. 12.

PROP. III. Pro adinveniendis remediis idoneis
contra Pestem , tum praeservantibus ,
tum curantibus , omnino interesse , ut
ante omnia sciatur quid rei physicae sit
Pestis , p. 2.

PROP. IV. Quaecunque particulas inanimes
& cujuscunque figura , aut activitatis
lethiferae sint , esse physicam verae
Pestis quidditatem non posse , p. 39.

PROP. V. Naturam Pestis & illius proprie-
tates explicari rectè tantummodò per
Insecta posse , p. 52.

- PROP. VI. *Nullam esse impossibilitatem Systematis de hisce Insectis pestiferis invisibilibus,* p. 62.
- PROP. VII. *Nihil verisimilitudinis deesse isti Systemati de Insectis Pestiferis,* p. 80.
- PROP. VIII. *Esse argumenta multa, quae invictè oppugnant omne aliud Systema distinctum ab isto, quod est de Insectis pestiferis,* p. 97.
- PROP. IX. *Nihil contra praesens Systema de Insectis pestiferis objici posse, quod non pateat facillima solutioni,* p. 127.
- PROP. X. *Quàm difficile vitari Pests contagium possit: vitari tamen posse quibus praesertim mediis atque remediis videatur,* p. 160.
- PROP. XI. *Quàm difficilius curari Pests contagium possit, & quae remedia generatim ad illius curationem praevalent,* p. 195.
- PROP. XII. *Praeservari plures à morte per Pestem, & à morte citra Pestem, scilicet in casu Pests grassantis, per jussa Optimatum & Magistratum, quàm per quaecunque cogitabilia Medicina auxilia posse,* p. 221.

His Propositionibus duodecim accessit Appendix ad majorem elucidationem Systematis, p. 236.

SYSTEMA



SYSTEMA PESTIS PHYSICUM.

PROPOSITIO PRIMA.

*Pestem non esse morbum, ut unum è
ceteris, sequentem ex generatim
constituta causarum naturalium
efficientia; sed ad particularem
Providentiam Dei vindicis oportere referri,*



UJUSMODI Pestem in-
telligo, quæ longè latèque
sævians, Urbes, Provin-
cias, Regiones tam multas, intra
temporum intervalla tam modica,

I.
Quæ sit
notio Pestis;
de qua pro-
positionem
accipi oportet.

A

devorat & absument ; neque sine periculo perituri totius humani generis , & omnino delendi à facie terræ , nisi morbo , qui finis modum non habet , Deus modum imponeret. Pestem experimur esse instar incendii : per accensionem unius arbores omnes toto in nemore accenduntur ; & si quæ intacta præterit , portentum est. In Urbem populosam si quis Peste contactus intrat , sufficit hic unus Urbî ad internecionem omnium incolarum : ille vicinos , seu tactu , seu flatu inficit : & isti viâ simili virus idem transferunt in cæteros , qui accesserint ad ipsos , aut ad quos ipsi accesserint ; sicque de domo in domum & de vico ad vicum morbus provehitur , nemini ex sua indole parciturus. Tum hæc lues intra mœnia Urbis non ferens contrahi , protrahit se ad Rura ; inde per Villas & Pagos invadit Urbes cæteras , & quasi vires acquirat eundo , quò ulteriùs pergit , eò perniciùs instat , & fortiùs sævit. Visa fuit Pestis olim simul toto Romano Imperio fusa , & effusa

Pestem non esse morbum, &c. 3
ferè toto Orbe, atque hinc credita
vix tertiam partem hominum reli-
quisse illæsam.

Itaque de Peste, quæ in eum ut-
cunque modum, aut proximè similem
populariter grassatur, sicque videtur
per se tendere atque sufficere ad ab-
sorptionem speciei humanæ, aio
illam non esse *morbum*, ut *unum* è
cæteris, *sequentem ex generatim*
constitutà causarum naturalium effi-
cientia. Quia enim creavit Deus
hominem ad imaginem & similitudi-
nem suam . . . benedixitque illis,
& ait; *Crescite, & multiplicamini,*
& *replete terram, &c.* clarum est,
quòd causarum naturalium efficien-
tiam potius generatim disposuit ad
incolumitatem humanæ speciei,
quàm ad illius perniciem: quare
morbum ita contagiosum, ut prop-
ter illum pericliteretur extingui tota
humana species, quis rectè opinabi-
tur pertinere ad generalem causa-
rum naturalium dispositionem, &
non potius ad particularem, per
quam Deus suo tempore de rebel-

I i.
Pestis mōr-
bus est, qui
per se suffi-
ceret ad tot-
ius humanæ
speciei perā
niciem.

4 *Propositio prima;*

lantibus Populis , jamque propter
Rebellionem illam non suis , repor-
taret vindictam , & justè dilatandam ,
aut misericorditer restringendam ?
Hinc pariter aïo morbum id genus
epidemicum , cujus sævitia & vis
redundarent in totam speciem , non
esse ut unum è cæteris , qui videli-
cèt tantum nocent sparsim individu-
is quibusdam , pro quorum interitu
Deus & legem tulit , & causas læsi-
vas disposuit , & corpus attempera-
vit , ut certis horis atque momentis
dissolveretur , in eum , unde cœpit
esse , pulverem revertendo.

III:
Vindicta
per Pestem
exponitur
ab exemplo
vindictæ per
diluvium.

Propositæ veritatis convictionem
aliam duco ab aquis diluvii , quas
super Terram adduxit Deus ut in-
terficeret omnem carnem , illam vi-
delicèt omnem carnem , quæ corru-
perat viam suam. Istæ igitur aquæ ,
nisi Noë gratiam invenisset coram
Domino , utique omnem hominem ,
à reptili usque ad volucres Cæli , dele-
vissent à facie Terræ : quare hîc re-
currit Sacra Scriptura , non ad ullam
constitutam ab initio causarum na-

Pestem non esse morbum , &c. §
turalium efficientiam , sed ad parti-
cularem providentiam , per quam
rupti sunt omnes fontes abyssi mag-
næ , & cataractæ cæli apertæ sunt ,
ad sepeliendos sub aquis homines ,
quorum erat malitia multa , & co-
gitatio ad malum intenta omni tem-
pore. Habes hîc vindictam ex par-
ticulari causarum naturalium præpa-
rata efficientia ortam : atque in hunc
modum discurre potest de eventu
Pestis , quæ per se non magis parcer-
ret omni humanæ vitæ , quàm illud
• diluvium pepercisset , nisi Deus præ-
cepisset Noë , ut sibi arcam pararet ,
& mansuinculas in ea faceret , & bitu-
mine liniret , &c. Quamquam nec
sic Noë , & filii ejus , uxor ejus &
uxores filiorum ejus salvi fuissent ,
nisi Deus recordatus eorum , clau-
sisset fontes abyssi & cataractas cœli ,
& prohibuisset pluvias de cœlo. Et
hinc intelligo pariter fore ut Pestis ,
quæ grassari cœpit , nos omnino ab-
sumeret , nisi Deus recordatus nostri ,
propter bonum aliquem Noë , quem
nos nescimus , furori Pestis termi-

6 *Propositio prima ,*
num poneret , qualem furori maris
posuit dicendo : *Hucusque venies, &*
non procedes amplius.

IV.
Memoratur
Pestis , quæ
subsecuta
fuit ad cyni-
phes, in quos
versus fuerat
pulvis terræ
Egypti.

Deinde dubitare non licet eve-
nisse pluries Pestem ortam ex parti-
cularibus causis , quas divina ultio
ad id disposuit : unde tantum ma-
lum , quoties evenit , opus esse ul-
tionis divinæ , quisquis verè sapit ,
conjiciet. Pestem illam gravem in
exemplum affero ex Libro Exodi ,
quæ subsecuta fuit ad cyniphes , in
quos versus fuerat omnis pulvis ter-
ræ, & ob quam facta sunt in homini-
bus & jumentis ulcera & vesicæ tur-
gentes mortis prænunciæ. Fuit hæc
Pestis in pœnam ac vindictam cordis
indurati , quod opponebat contuma-
citer Pharaon Moyssi & Aaroni solli-
citantibus ipsum ad dimittendum
Populum Dei. Jam antè cor illius
emollire tentaverant per multa pro-
digia , quæ fecerant in conspectu
illius , jubente Domino , uti virgæ
in colubrum versæ , aquæ in sangui-
nem commutatæ, putrefactionis factæ
in fluviis, ac tum inficientibus pisces,

Pestem non esse morbum, &c. 7
 & ebullientibus ranas ; sed quia malefici & incantatores Ægypti simile nescio quid coram Pharaone representabant, aut faciebant, erat illi hæc prodigiorum similitudo utcumque in excusationem contumaciæ. Sed inexcusabilis factus est, quando post eductos cyniphes ex omni pulvere Ægypti, tentatum est id ipsum ab incantatoribus & maleficis iisdem, & non potuerunt ; sicque compulsi sunt ad dicendum : *Digitus Dei est hic*. Itaque fuit hæc Pharaonis pertinacia deinceps punienda per alias graviores plagas, inter quas erat Pestis, de qua jam dixi : & circa quam addo, quòd si fortè malefici possunt minores aliquas plagas inducere, hæc quæ Pestis est, induci tantum potest à Deo, qui solus novit illius causas particulares, & illas occultissimè præparavit ad effectus suæ vindictæ his & illis temporibus exercendæ, in quibus homines illum magis contra ipsos exasperant.

Alterum ex Lib. 2. Reg. c. 24.
 afferam exemplum Pestis, quæ im-

A iv

V.
 Memoratur
 alia Pestis,
 quæ refertur

non potest
nisi ad divi-
nam vindic-
tam.

missa in Israël fuit à Domino , & quæ à Dan usque ad Bersabee , intra tres dies , septuaginta millia virorum abstulit. Fuit autem immissa hæc Pests in poenam peccati , quo peccaverat David graviter nimis , dicendo ad Joab : *Vade , numera Israël & Judam.* Voluit haud dubiè gloriari & confidere in multitudine Populorum suorum : satis solitæ hæc est apud Reges jactantia ; hanc in Davide Deus non ferens , punire illico decrevit per plagam , quam reus mallet , aut Famis , aut Belli , aut Pests. Hanc tertiam selegit , sibi melius esse intelligens incidere in manus Domini , quàm in manus hominum. Et erat hæc Pests , præter stragem prædictam , adhuc statim dispersura Jerusalem , nisi Dominus misertus super afflictionem , dixisset Angelo percutienti Populum : *Sufficit nunc ; contine manum tuam.* Ubi extra rem meam adverto incidere nos per Pestem in manus Domini , & hoc nobis esse oportere , ut olim Davidi , pro spe ,

Pestem non esse morbum, &c. 9
 quodd multa misericordie ejus sunt ;
 sed ad rem meam contendo causas
 naturales , per quas , jubente Deo ,
 Angelus percussor hanc Pestem ex-
 citavit , esse hujusmodi causas parti-
 culares , quæ ad Providentiam Dei
 vindicis singulariter pertinent ; &
 ideo Pestem non esse morbum , ut
 unum è cæteris , sicut proposui.

Neque forsan ad rem meam non
 spectabit perpendere notionem He-
 braicam etymologicam Pestis : quam-
 vis enim nihil solidum præ se ferant
 observationes etymologicæ nomi-
 num occurrentium in linguis per
 usum & arbitrium nostrum tantum-
 modò adinventis , non idem sentien-
 dum est circa Linguam Hebraicam ,
 habentem id singulare , quodd nomi-
 na rebus applicata , proprietatem
 aliquam illarum exprimant. Nomi-
 na , quæ animalibus Adam imposuit,
 non fuissent sua , nisi quid unicuique
 magis esset proprium , expressissent :
 res etiam omnes meritò creditur vo-
 casse nominibus suis : hinc si quis per-
 fectè Linguam illam divinitus tra-

V I.
 Pestem esse
 opus divinæ
 ultionis of-
 tenditur ex
 etymologia
 Pestis He-
 braicæ.

ditam calleret, adverteret in dictio-
nibus singulis aliquid meditandum &
à mysterio non remotum. Myste-
rium esse puto in hoc, quòd apud
Hebræos Pestis vocatur *dever*, cu-
jus dictionis radix est verbum *davar*:
hoc autem verbum germanam signi-
ficationem habet *dicendi*, *loquendi*,
decernendi, *jubendi*, &c. Hinc au-
tem quomodò non prudenter conji-
citur Pestem morbum esse, cujus im-
missio ad singularem aliquam Dei
vindictis jussionem referri debeat,
certo tempore videlicet excitantis
causas, & eas impellentis contra Po-
pulos, quos voluerit absorbere: un-
de rursus ex tanta strage, quâ tam
citò per Pestem tot Populi absorbent-
tur, illam alio nomine Hebræi vo-
cant *belang*, quod est *absorptio*.

VII.

Qualiter
ad hoc ut
Pestis homi-
nem non
tangat, tan-
gi prior pœ-
nitentiâ de-
beat.

Exinde nec immeritò extendi hæc
cogitatio potest ad hoc ut affirme-
tur, quòd sicuti Deus olim homi-
nem creaturus dicebat: *Faciamus*
hominem . . . & præsit piscibus ma-
ris & volatilibus cæli, &c. ita dein-
ceps hominem veluti per Pestem

Pestem non esse morbum , &c. II
annihilaturus , ait : Deleamus hominem à facie terræ , ut *non præsit piscibus maris . & volatilibus celi , &c.*
Et reverà hoc malignus semel excitatum , nulli hominum parceret ; quando nullus est Peste tactus , qui non inficeret alium ; sicque tandem inficerentur omnes. Sola est divina bonitas , quæ huic malo sævienti potest modum & metam ponere ; & quidem ponit , si ut non Peste tangamur , pœnitentiâ tangimur : sed si nec in conspectu Pestis pœnitentia ulla nos tangit , annon pœnitebit Deum fecisse hominem , & delebit ? Qui promisit quòd per diluvium alterum non deleteret , non promisit quòd per Pestem aliquam non deleteret. At mihi , cui non licet introire penitus in talem eventum , sufficiet ostendisse Pestem esse sua ex natura luem ita periculosam * , ut in exitium esse possit humano generi , ac proinde talem morbum non esse ; ut unum è cæteris ex solita causarum naturalium efficientia pendentibus , sicque pertinere , ut erat ostendens

12 *Propositio secunda ;*
dum , ad singularem Providentiam
Dei vindicis , & ad quem , si sapi-
mus , *erunt oculi nostri , nè perea-*
mus. Exhibeamus illi nosmetipsos
in multa patientia , in jejuniiis , in
vigiliis , & in charitate non ficta :
oremus ad illum in jejunio & fletu ,
dicentes : Parce , Domine , parce
populo tuo , & nè des heredi-
tatem tuam in perditionem : conver-
tamur ad illum in toto corde nostro ,
& miserebitur nostri.

PROPOSITIO II.

Morbum omnem utcunque contagio-
sum esse , ac vocari posse pestiferum.

I.
Qualiter
contrahi vi-
rus possit per
contactum
immedia-
tum & me-
diatum.

MORBUS *contagiosus* , ut
præ se fert vis ipsa nominis ,
vocari solet ille omnis , qui commu-
nicatur aliis corpus ægrum plùs mi-
nùsve tangentibus : cujusmodi mor-
bi sunt imperigo , scabies , prurigo ,
psora , lepra , phthiriasis , tinea , &c.
Quia verò nec opus est , ut plurimum ,

Morbum omnem utcunque, &c. 13
 contactu immediato ad contrahen-
 dos id genus morbos , sufficitque
 contactus rerum , quas tales ægri te-
 tigerint , hinc morbus pro magis
 contagioso habetur , quando iste al-
 ter contactus mediatu perinde suffi-
 cit ad idem morbi virus illinc infe-
 rendum, hinc contrahendum. Tum
 verò isti morbi & similes pro maxi-
 mé contagiosis meritò reputantur ,
 quando videlicet ad eorum commu-
 nicationem promovendam neuter
 prædictus contactus desideratur ,
 sed sufficit sola quædam accessio &
 vicinia , ut illa est hominum invicem
 colloquentium , aut eidem mensæ
 assidentium , aut simul itineran-
 tium , &c. nam tunc vis morbi spar-
 gitur per exspirata ægrotantium ef-
 fluvia , quæ dum ad circumstantes
 perveniunt , illos plùs minùsve infi-
 ciunt : sicque similis ægritudo con-
 trahitur , nisi temperamenti , quod
 invaditur , *vigor etiam fluens* præ-
 valeat.

Hoc quod aîo , *vigor etiam
 fluens* , velim esse obiter dictum ,

I I:
 Quid sint
 bona & ma-
 la corporum

nostrorum
effluvia , &
quid ex illis
boni aut ma-
li oriri pos-
sit,

nec tamen sine nota prætereundum.
Certum quippe est omnes corporis
nostri partes abundare poris , per
quos,ut ab interno effluere vapor ali-
quis potest , sic ab externo potest in-
fluere : quod videmus, aut certè sen-
timus fieri per majora narium fau-
ciumque spiracula , id intelligamus
fieri pariter , quamquam insensibili-
ter , per minora : atque ita ut homo
bene sanus non tantum naribus fau-
cibusque, sed etiam toto copore spi-
rat salutiferè , ita homo malè sanus
toto se ipso spirat nocivè : hinc bo-
næ valetudini tam nocet conversari
cum malè habentibus , quàm prodest
illi cum bene habentibus agere dies
suos : nihil boni ex malo effluxu po-
test in nos influere : sed ex bono
nihil non boni. Hinc rursus sicut
bonus oris halitus ex malo interdum
aliquid , nihil interdum vitii ac con-
tagii recipit , ita sentiendum est ge-
neratim de toto corporis cujusdam
ægrî effluxu,per quem cætera corpo-
ra interdum vitiantur , interdum non
vitiantur , prout sunt robustius aut

Morbum omnem utcunque, &c. 15
 infirmius temperata ; sive , quod
 idem est , prout ipsa vel fortius , vel
 debilius effluunt , nullum vel ali-
 quem externis malignis influxibus
 locum relinquendo. Atque hîc mihi
 venit in mentem res fortè antehâc
 nemini cogitata , quòd sicut corpus
 sanum potest per ægrum infici , ita
 ægrum per sanum potest non mo-
 dicè roborari atque curari. Et hæc
 quidem valdè opranda esset *gratia*
sanitatum , maximèque in Medicis ,
 qui sic per conspectum atque con-
 tactum suum felicius , quàm per
 suum Æsculapium nos sanarent.

Quibus obiter dictis , sicque relic-
 tis , quamquam , si locus pateretur ,
 non arduis ad omnem convictionem
 perducere , assero quod proposui , nem-
 pè omnem morbum , qui utcunque
 contagiosus est , esse ac posse vocari
pestiferum. Ratio est : quatenus in
 morbo , quem simpliciter & absolute
 docti atque indocti *Pestem* vocant ,
 nihil magis pestiferum est , quàm
 quòd tam facile sese communicet
 tam multis Provinciis & Regioni-

III:
 Omnis mor-
 bus per hoc
 præsertim ,
 quòd est con-
 tagiosus , est
 & vocatur
pestilens.

16 *Propositio secunda;*

bus, unde fit ut pauci dies sufficiant ad multa hominum millia morte auferenda. Hoc igitur est quod propriè vocamus *Pestem*, esse ita lethaliter communicabilem: quare jam non est dubitandum esse ac vocari posse *Pestiferos* morbos omnes, lethaliter communicabiles, hac consideratione salvâ, quòd isti denominationi apponenda erit modificatio, prout accidit illis plùs minùsve lethaliter communicari.

IV. Possset equidem morbus, quem
Tunc morbus est maxime contagiosus, quando sola vicinia sufficit ad communicationem contagii. *solemniter Pestem* vocamus, non permittere morbis cæteris hoc nomen, etsi contagiosis, si tale ipsa haberet singulare contagium, quo præter contactum immediatum, aut mediatum communicaretur unica per solam viciniam & accessionem non-ægotantium ad ægrotos; sed hoc ipsi singulare non est. Pauci sunt è morbis contrahi solitis per aliquem contactum, qui non etiam contrahantur ad aliquam cum ægrotis viciniam, ac præsertim frequentem; nempe propter expirationes malignas,

lignas, qui ad circumstantes perveniunt, nec eis parum aut multum nocere non possunt. Hujusmodi saltem lepra fuit: quare leprosi, jubente Moyse, arcebantur procul ab omni societate. Vidi ego scabiosam nescio quam minutulam pruriginem in ægroto, non modò per quemcunque levissimum illius, aut per rerum illius contactum communicatam, sed per solum accessum ad cubile, in quo jacebat; ita quòd fortunatus haberetur, qui ad illud accederet, & non recederet scabiosus. Erat scabies hæc toto cubiculo sparsa per expirationes ægroti; neque aliter Pestem per alicujus cubiculi, aut cujusvis domicilii spatium sparsam intelligo.

Præterea nec ipse morbus, qui expressissimè *Pestis* vocatur, semper est in omnem modum pestilens: habet *Pestis* initia sua, incrementa, decrementa; nascitur, adolescit, senescit; plus minusve copiosum est per vices id physicum, in quo *Pestis* consistit: hinc necdum solo accessu

V.

Varix (per

cies *Pestis*

per colores

corporum

varios dis-

cernuntur.

non contrahitur, sed neque per contactum, etiamque independenter ab illo forti & felici temperamento, quod Pestem ipsam contrectat adspiratque tutò ac securè. Quin etiam plures Pestis species distinguuntur, quibuseadem pestifera vis non inest: fuitque hæc distinctio specierum facta ope colorum, quos in Peste tactis observare licet; sicque Pestis alia est *subcinericia*, alia *flava*, alia *cerulea*, alia *nigra*, alia *viridis*, alia *rubra*, & alia denique *alba*: neque parum utiliter hanc colorum varietatem Medici observant, quia pluries jam experti sunt morbi sævitiam incruduisse, aut elanguisse, quando sub istis, aut sub illis inductis coloribus æger apparet; sicque ab illis *περίγωσι* capiunt sperandæ proximius, aut desperandæ salutis, prout morbus ex acuto evaserit in acutissimum, vel ex acutissimo lapsus sit in acutum, unde chronicus esse possit, atque ita sanabilis. Hinc affirmari magis adhuc potest morbos omnes, in quibus est aliquid timendi

Morbum omnem utcunque, &c. 19
atque fugiendi contagii, haberi me-
ritò pro pestiferis.

Nihilominùs hoc totum non ob-
tat, quin præ morbis contagiosis
omnibus unus sit, quem non con-
veniat nominare singulariter *Pestem*,
atque is erit, cujus contagio om-
nes generatim homines, cujuscun-
que sint sexûs, ætatis, vigoris, &
ubicunque sint, obnoxii esse perhi-
bentur. Cæteri morborum sexum,
ætatem, vigorem seligunt cui no-
ceant, neque nisi certis in Regioni-
bus vim nocendi suam exercent; illos
Græci vocaverunt *σποραδικοῦς*: La-
tini *sparsos*, seu *disseminatos* vo-
cant; at morbus est, cui ad nocen-
dum tandem perinde est omnis se-
xus, omnis ætas, omnis vigor &
omnis locus: Hinc Græcis dictus
est *ἐπιδημικός*, quod est Latine
Popularis; quamquam & *Epidemi-
cus* vocari pariter consuevit, latini-
zando vocabulum Græcum, ut pas-
sim in multis. Et sic quidem Aris-
toteles *Pestem* accipiendam esse insi-
nuat in Sectione prima Problema-

V. I.
Proprie
Pestis est
morbus ille,
qui omnes
indifferentes
invadit, ut
affirmat Aris-
toteles.

tum ; videlicet , pro morbo communi & communicabili omnibus absque delectu : verba ejus sunt ,
 μὴν τῶν νοσῶν καὶνὴ ὅτιν ἅπασιν : sed quam communicabilitatem postmodum haud dubiè intellexit de magis aut minus, seu remota , seu proxima , pro vario affectu & statu corporum externo utique , aut interno. Quem in modum vulgò creditur generatim Pesti propius subjacere parvulos quàm adultos , foeminas quàm mares ; idem de juvenibus relativè ad senes Plinius credidisse videtur , quum dixit Hist. Nat. L. 7. c. 50. *Compertum est senes Pestilentiam minimè sentire.* Nec desunt isti & illi fidei rationes suæ , sed quarum intelligentia pendet omnino ex infra dicendis circa physicam quidditatem Pests.

VII.
 Comparatur
 contagium
 Pestis
 cum contagio
 lepræ.

Tandem non hærebo ulterius in hoc , quod proposui morbos omnes contagiosos posse reputari ac vocari *pestiferos* ; obiter tantum lepram commemorabo , quæ si Pestis ipsa non fuit , fuit Pesti simillima ; scilicet

Morbum omnem utcunque, &c. 21

Et non spectato morbo, sed spectato morbi contagio. Deus olim apud Israëlitas per illam, ut hodiè per Pestem, exercebat sapè suam vindictam, teste Mariâ sorore Aaronis; hæc enim, quia cum fratre suo murmuraverat contra Moysen, perfusa fuit leprâ candente, à qua medium carnis devoratum jam erat, quando clamavit Moyses ad Dominum dicens: *Deus, obsecro, sana eam*, Num. 12. 10. & seq. Teste iterum Rege Oziâ, *cujus in fronte orta est lepra*, eò quòd adoleret incensum Domino; quæ res non erat officii sui, *sed Sacerdotum*: ut legitur Paralip. 2. c. 26. versu 16. & seq. Deinde varia lepræ genera erant, quæ à Sacerdotibus per varios colores discernebantur & pronuntiabantur magis aut minus periculosa: per differentiam erumpentium papularum, per cicatrices albas & rufas, per maculas inhærentes carni, & supereminentes, aut subinfixas, &c. Hinc qui leprosus censeretur, mittebatur procul à Castris, ad hoc ut



Castra omnino non contaminaretur ;
adeò magna erat vis hujus con-
tagii.

V. III.

Memoran-
tur cautiones
olim adhibi-
tz ad non in-
currendum
in plagam
lepræ.

Arque ut magis compareat pleni-
tudo similitudinis inter Lepram &
Pestem ratione contagii vehementer
propagabilis, & hinc maximè formi-
dabilis , ecce vestimenta hominis
leprosi flammis comburebantur : nul-
lis vestibus , sive lineis , sive laneis
parcebatur : nulli etiam pellicæ su-
pellectili. Parum est : ipsi etiam parie-
tes domûs , in qua leprosus vixerat ,
radebantur , & ramenta longè inse-
peliebantur locis immundis : parum
adhuc est ; insuper & bonum Sacer-
dotibus sæpè videbatur , ut in im-
munda illa loca domûs destructæ la-
pides deferrentur. Quid etiam ? Ubi
quis ad Sacerdotem recurrebat di-
cens : *Quasi plaga lepræ videtur mihi
esse in domo mea* , Levit. 14. præci-
piebat Sacerdos , ut efferrentur omnia
de domo , sive nè domus magis con-
taminaretur , sive nè per contamina-
tionem mobilium , subiret Sacer-
dos majus periculum incurrendi in

Morbum omnem utcunque, &c. 23
 plagam lepræ : licet enim oporteret
 Sacerdotes , ad faciendum de lepra
 judicium , sese illi exponere , provi-
 debant tamen ac præcavebant , ut
 poterant , nè in plagam illam incur-
 rerent : imprudenter defuissent cau-
 tionibus, quas ex officio cæteros præ-
 monebant , ut ex his verbis planum
 est , Deuteron. 24. *Observe dili-*
genter nè incurras in plagam lepræ ;
sed facies quodcunque docuerint te
Sacerdotes Levitici generis , juxta
id quod præcepi eis : & imple solli-
cite. Liceatque mihi jam cursim
 advertere , quantulæ sint cautiones ,
 quas in casu Pestis afferimus , si
 cum illis comparentur , quæ tunc
 temporis afferebantur in casu lepræ ;
 & quas prætereà otiosas nemo , aut
 superfluas fuisse dixerit , nisi temerè :
 redundaret hoc verbum in Moysen ,
 imò in Deum , qui aliàs per Moysen
 otiosa & superflua hæc præcepta
 suo dedisset Populo.

Non tacebo sub finem istarum
 animadversionum , quas ex Sacris
 Paginis collegi , lepram , quæ toties

I X.
 Qualiter
 lepra ex Re-
 gionibus
 Asiaticis in

Europam de-
portata fue-
rit & vige-
rit diu.

Populum Israëliticum divexavit ;
morbum illum esse quem Historia
prodit fuisse diu in Palæstina & Syria
familiarem ; & tunc quidem in tali-
bus Provinciis magis efferbuisset ,
quando in eas Bellum Sanctum Du-
ces ac Milites nostri Crucigeri ge-
nerosè magis , quàm feliciter intue-
lerunt. Inde plures eorum retulerunt
lepram , parum antè notam Euro-
pæ , & omnino ignotam Galliæ :
tum per connubia sobolem procrea-
runt lepræ obnoxiam : serpebatque
hîc , ut alibi , hoc malum ita pericu-
losè , ut pro vitanda contagione
opus fuerit Familias tactas remove-
re ab Urbibus , construendo et fundan-
do *λεπροδόχεια* , quorum numerus ,
teste Matthæo Paris , per Europam
ad undeviginti millia assurgebat.
Deo volente lues illa post plures ge-
nerationes paulatim decrevit , atque
tandem evanuit ; & prædictæ piæ
fundationes commutatæ sunt in alia
opera pietatis. Ad quid autem hoc
etiam notare volui , nisi ut per trans-
feribilitatem lepræ, perinde ac Pestis ,

Morbum omnem utcunque, &c. 25
confirmarem, quod dixi de multa
inter ipsas similitudine; scilicet, si
minus quoad morbum ipsum, sal-
tem quoad morbi contagium.

Esset verò hujus similitudinis ar-
gumentum invictius, si adderem
lepram in prædictis Provinciis Asia-
ticis, atque in nonnullis vicinis
Ægypti jam parum aut nullatenus
vigere, sed frequenter vigere Pestem;
quod indicio est lepram in
Pestem, ob virus utriusque sympathi-
cum, transsisse. Inde in Europam
sæpè transmittitur Pestis, & hæc
quidem præsens Massiliensis, ut om-
nes putant, venit è Syria; scilicet;
è Portu maritimo Sydonis, Gallicè
Saïde, quæ est Urbs Syriæ; venit,
inquam, per merces, maximèque
gossipiacas, inde conductas, quæ ut
expansæ fuerunt, reddiderunt Pestem;
& hæc est, quæ jam tot ho-
minum millia necavit, & necabit
plura, nisi Deus nos juverit, extin-
guendo illam.

X.
Lepra Re-
gionum illa-
rum videtur
commutata
fuisse in Pestem.

PROPOSITIO III.

*Pro adinveniendis remediis idoneis
contra Pestem , tum præservanti-
bus , tum curantibus , omninò
interesse , ut antè omnia sciatur ,
quid rei physice sit Pestis.*

I
Falsum est
Pestem &
Famem sese
invicem ge-
nerare , ut
vulgus cre-
dit.

ERROR est turpissimus , sed
Plebe dignus , quòd vulgò au-
ditur Famem esse Pestis matrem &
filiam : Pestem esse vicissim Famis fi-
liam & matrem ; quamvis reverà
nihil Fames cum Peste , aut Pestis
cum Fame , non magis quàm Bel-
lum cum utraque , aut utraque cum
Bello commune habeat. Hinc Pro-
pheta Gad mala tria hæc tanquam
inter se distinctissima proposuit Da-
vidi ad optionem dicens : *Aut septem
annis veniet tibi fames in Terra
tua : aut tribus mensibus fugies Ad-
versarios tuos , & illi te persequen-
tur : aut certè tribus diebus erit Pest-
ilentia in Terra tua : nunc ergo
delibera , &c.* Tum potest quidem
Fames ex Peste ac Bello subsequi ;

quin imò rarum ac ferè inauditum est , si non subsequitur : at similiter subsequi ex Fame, aut Bello Pestem, veram aïo & strictè acceptam , de qua hîc agitur , non est possibile , sicque videbitur Lectori , qui mecum de hisce rebus lentè ac seriò philosophari voluerit.

Itaque ubi primùm rumor Pestis per urbem spargitur, propter vel unam familiam Peste ablatam , invadit cives omnes tremor : hinc qui Rura habent, fugam apprehendunt sibi que tollunt , quidquid habent pecuniæ & annonæ , ad cujus caritatem damnantur qui manent. * Quisquis eorum habet quid vænale, inde per lucra crudelia fortunam cogitat , unde accidit ut pauperes, imò modicè divites, rebus omnibus ad sanum victum necessariis subitò careant. Nihil è Rure in Urbem fertur : quidquid in Urbe idoneum repertum est , jam consumptum est ; alimenta quæcunque omnia magis aliena ab humano victu in esum veniunt , sicque in edentibus omnia procreant morborum genera ,

II.
Qualiter
tantum ex
occasione
Pestis , quæ
nimis time-
tur , Fames
consequitur.

28. . . *Propositio tertia ;*

pro quibus curandis , ut parum ad ægros acceditur sub obrentu Pestis , ecce miserè pereunt. Sed si non fuissent perterriti cives ; si Magistratus non fuissent turbati ; si utrorumque fuisset anima una & crumena una , Fames Urbem non invalisset , & citiùs quievisset Pestis , quæ per se ipsam præcisè acceptam non est *tam tremenda , quàm creditur.*

III.

Quomodo
Pestis per se
non sit pluri-
morum fune-
rum , quæ il-
li temerè im-
putantur
causâ.

Et hæc quidem verba confidenter pronuncio , quia si computarentur qui in casu Pestis per famem , per terrorem , per tristitiam , per desperationem , per anxietates , per deliquia , per insomniam , per deliria pereunt , addo per homicidia quæ ad rapacitatem & ad vindictam committuntur , comperiretur Pesti vix esse mortes imputandas decem pro mille. Narrat Portus L. 3. de Peste , cap. 8. Pestem Romæ intra diei unius spatium quinque millia hominum extinxisse : ego verò eventum illum Pesti minùs , quàm occasione Pestis tribuerem ; idque propter physicam Pestis naturam infra expli-

Pro adinveniend. remed. &c. 29
candam. Natura hæc nimis limitata
est, quàm ut extendi simul possit
ad tot millia hominum: si tamen ad
extensionem illius non mittitur An-
gelus ille, qui propter peccatum
Davidis intra triduum septuaginta
millia virorum per Pestem abstulit.
Talia miracula excludo, quum aïo
Pestem non esse causam tot fune-
rum, quot illi tribuuntur à nescien-
tibus, scilicet à non attendentibus
posse per præmissas commotiones
mentis & corporis in conspectu Pestis
subortas causari multiplicem sangui-
nis excandescentiam, unde Febres
putridæ oriantur, Apoplexiæ, Diar-
rhææ, Pleuritides, Gangrænæ,
quin etiam *ἐξανθήματα*, *ἐκρήματα*,
ἐκβράσματα, sive ardentes papulæ,
non valdè absimiles carbunculis
atque bubonibus, è quibus accipi-
tur indicium potissimum Pestis. Nisi
quodd in Peste tactis sæpissimè acci-
dit, nec carbunculos, nec bubones
hærere carni: atque hinc incer-
tiùs falsiùsque mortes plurimæ tri-
buuntur Pesti.

IV.

Sic etiam
Fames nun-
quam potest
veram Pestem proge-
nerare.

Quare non aliâ convictione opus est, ut affirmetur Pestem per se ipsam non magis causam Famis esse, quàm Bellum : licèt enim rarò in Exercitibus, ut in Urbibus obsessis desit Fames ob insuperabiles difficultates conducendi & conservandi quidquid ad victum abundantem & idoneum convenit, tamen id etiam sæpè non accidit, quando à Ducibus & Gubernatoribus benè cautum fuit, nè quid deesset : sed & idem accideret in casu Pestis, si ad parem sufficientiam illi, ad quos pertinet, providissent. Quare in hoc non immoror ; sed in hoc altero immoror, ut ostendam Famem, quæ in Urbibus, ac præsertim diu obsessis, solita est contingere, multam equidem stragem inferre posse, sed parere veram Pestem non posse. Et potest quidem hanc multam stragem inferre ; quatenus ; ut in causa Pestis, ita in casu obsidionis, cives, præter Famem, multas mentis corporisque commotiones & conturbationes patiuntur, concutiuntur terroribus,

molestiis vexantur, vigiliis obruuntur; unde fit tot homines, propter hinc subortas lethales ægritudines, mori simul, ut multi mancant insepulti: ad illos postmodum ut acceditur, flatus cadaverum fit accedentibus mortifer. Hoc Pestem vocant: hoc Pestem vocat Cæsar in Commentariis, dicens Massilienses gravi Peste conflictatos fuisse ob id, quod quum essent obsessi, vescebantur leguminibus & paninis exoletis. Fortè pejus quid edebant; non credo tamen eorum Famem attingisse illam Samariæ, quæ *tandiu obseßa est, donec venundaretur caput asini viginti argenteis, & quarta pars cabi stercoreis columbarum quinque argenteis, ut legitur* 4. Reg. c. 6. 25. Nec tamen ibi fit ulla mentio Pestis, quamvis ob tantam inedia fieri non potuerit, quin periret innumerabilis quædam hominum multitudo. Pestem commemorasset Sacra Scriptura, si Pestis fuisset hæc tanta strages.

V.
Stragem,
quæ ex ine-
dia fit in Ur-
bibus obfes-
sis, non esse
ullatenus
pestilentem
ostenditur.

Deinde veram Pestem non parit
Fames, quæ in Urbibus obfessis or-
dinariè accidit, & magnam civium
partem, si nimis perseverat, interfici-
cit; quia Urbe captâ, Victores sine
ulla ratione habita mortis, quâ ob-
fessi perierint, eorum perinde ac cæ-
terorum qui non perierint, pecunias
& vestes & supellectilem omnem
auferunt, si possunt: neque tamen
inde nocumendi pestiferi quicquam
patiuntur: quod signum est mortem
eorum pestiferam non fuisse. Hinc
ergo habemus Famem, quæ Pestis
est reputata non vera. Inter utram-
que autem hoc est discrimen, quod
ab ista non nihil, ab illa nihil sibi ti-
ment divites & potentes: per illam
vix istorum unus atque alter aufer-
tur, dum aufertur plebs misera: de
illa igitur loquebatur Cardanus, in
Tractatu de Arcanis æternitatis,
quando aiebat: *Pestis vomitum ex
humano genere abscindit, inertem
& belluinam vitam agentem par-
tem aufert: vix unum aut alterum
egregium virum Peste sublatum in-
venies.*

Pro adinveniend. remed. &c. 33
venies. Ab hac Peste, quæ per Famem venit ex caritate ac raritate annonæ, nihil sibi timere potuisset Rex David : ac proinde non hæc Pestis fuit, quæ illi à Propheta Gad proponebatur ad optionem : unde intelligitur aliam esse ab ista Pestem, quæ vera est. Sed neque ab illa Fame, quam parit, sive caritas, sive raritas annonæ, timendum quicquam fuisset Regi Davidi; quare obiter dico aliam esse ab ista Famem, quæ est timenda omnibus, etiamque Principibus potentissimis ; quando videlicet eripit Deus alimentis vim nutriendi, etiamque pani & aquæ ; sicuti legitur apud Isaiam, c. 3. i. *Ecce enim Dominator Deus exercituum auferet à Jerusalem & à Juda validum & fortem, omne robur panis & omne robur aquæ.*

His præmissis, jam supponamus Pestem illam, quæ è Sidone Syriæ transvecta fuit Massiliam intra sarcinas aliquas gossipii, esse veram Pestem ; nam quotquot aderant, exanimati sunt ad apertionem talium

VI.

Quæ nam sit illa Pestis, cujus naturam scduld inquire oporteat, pro inveniendō remedio.

farcinarum : & exinde profluens de Domo ad Doinum , & de Vico ad Vicum , infecit Urbem : neque hîc stetit ; sed invasit hinc & inde Rura , Pagos & Urbes viciniores , quas adhuc depopulatur : & meritò timeretur vagatura ulteriùs , si non caveretur in Provinciis vicinis contra introitum personarum , aut vestium , aut qualiumcunque mercium venientium è locis de Peste suspectis : hæc siquidem sunt potissima indicia veræ Pestis , quando sic traducitur & traducta promovetur per res quascunque jam tactas. Hæc igitur est , de qua proposui , omnino interesse pro adinveniendis idoneis remediis , ut antè omnia sciatur quid rei physicæ sit : & hoc nihilominus est , pro cuius investigatione parum insudatur ; atque in hoc peccatur : nam quomodo malum quod nescitur , curabitur.

V I I .
 Quid sollicitudinis
 olim apud
 Romanos
 si erit pro in-
 vestiganda
 natura Pestis.

Tantum certè interest hoc antè omnia scire , ut si adhuc viveret Epidauri Æsculapius , bonum foret illum huc quocunque pretio advo-

Pro adinveniend. remed. &c. 35
 care , sicut factum in casu simili
 fuit à Romanis , id testante S.
 Augustino , in Lib. 3. de Civit. Dei ,
 c. 17. Deus ille Medicinæ sine du-
 bio noverat quid rei physicæ Pestis
 esset , & hinc feliciter Romæ salu-
 tem reddidit ; sed mentem suam hac
 de re , aut scriptam non reliquit , aut ,
 si scripsit , liber omnino periit. Fuit
 Romæ postmodum alia Pestis , pro
 cuius quidditate physica rescienda ,
 (adeò putabant hoc antè omnia in-
 teresse ,) diu certatum est , & tan-
 dem creditum illam habuisse suam
 originem ex magna copia veneni ,
 cuius præparationi studebant Ma-
 tronæ plurimæ malignantes. Ubi
 quamvis id falsò crediderint , appa-
 ret saltem , quòd pro adinveniendis
 opportunioribus medicamentis , re-
 putabant præinvestigandum esse quid
in esse physico & concreto Pestis esset ,
 & non sufficere , si tantum statueretur ,
 ut hodiè solet , quid sit Pestis *in*
esse metaphysico & abstracto.

Ecce plerique Authores , quos
 legi de hac Peste hodierna Massiliensi

VIII.
 Inquiri
 oportet non
 quid meta-

physicè sit
Pestis , sed
quid sit phy
sicè.

tractantes , satis esse putant , si definitionem Pestis in genere metaphysicam afferant. Dicunt Pestem esse *febrem putridam , quæ ossa & carnes absorbit : esse venenum aëris interni coagulantis sanguinem , aut figentis : esse morbum horrenda symptomata procreantem : esse motum abnormem spirituum & humorum : esse agritudinem per se incurabilem & pharmacis omnibus prevalentem ;* tunc concionatores agunt & aiunt esse *divini odii semen : esse manûs supernæ flagellationem : esse renovationem antiqui exterminii , &c.* Sunt qui , præmissis definitionibus , seu metaphysicis , seu moralibus , addunt morborum ex Peste provenientium distributionem in varias classes , enumerando scilicet per ordinem affectiones plus minusve pestiferas , apparentes in pulsu arteriæ , in tono vocis , in colore vultûs , in toto habitu corporis , in excandescencia sanguinis , in exasperationibus viscerum , in excretionibus bubonum , aut carbunculorum , &c. Quæ in

conspēctu omnium perinde ac in
conspēctu Medicorum & Chirurgo-
rum posita benè fuit annotare ; sed
magis profuisset antè ingenio toto
disquirere , quis esset fons physicus
tot malorum ; nam quæ ignorat Me-
dicina , non curat : hoc autem quod
est causam physicam illorum igno-
rare , illa ipsa ignorare est.

Authorem ex omnibus unicū
reperi , qui saltem tentavit causam
Pestis hodiernæ physicam constitui-
vam invenire ; atque sic illam pro-
posuit & dixit consistere in sublimi
quodam corrosivo. Tum istud cor-
rosivum sublime ait componi ex
quibusdam mercurii moleculis exi-
lissimis , ad quas accedunt aliæ pa-
riter exilissimæ nitri , ac tum aliæ sa-
lis communis & vitrioli : & ita
quidem ex omnibus his conjunctim
hærentibus & adjacentibus fieri mo-
leculas paulò majusculas , velut acu-
leis quibusdam inhorrescentes , quæ
sint ut hericii undique pungentes &
exulcerantes id omne , in quod illa-
buntur. Igitur hîc saltem habemus

IX.
Proponitur
opinio de
Peste consis-
tente in heri-
ciis ex mer-
curio, ex ni-
tro , ex vi-
triolo , &c.
contextis.

aliquid physicum, quod si cum certa vi & idonea copia invadit corpus per quemcunque meatum, potest vitare illius texturam, tam in partibus fluidis, quàm in solidis, & sic exulcerare, inflammare, omninoque immutare illud usque ad internecionem. Hinc etiam aperiretur via quædam ad obsistendum Pesti, opponendo aliquid sulphureum & balsamicum, per quod talium hericiorum aculei obtunderentur. Hinc laudo conatum Authoris, quamquam aliàs benè chimæricum & inutilem, ut infra dicitur.

x.
Agnoscit
etiam iste
Author bu-
bones & car-
bones pesti-
feros scaterere
vermibus.

Tum Author istos hericios *hominis inimicum* vocat, &, quod sanè curiosum est, ait quòd si sub oculos ponitur aliquid de sanguine hominis Peste tacti, apertè videtur is inimicus cum illis suis aculeis ita horridis & furentibus, ut per eos possit depopulari Urbes, Provincias, & Imperia vastare, ac tandem inssepelire omne genus humanum. Non in modum magis tremendum de exterminatore Angelo loqueretur misso

Pro adinveniend. remed. &c. 39
 ad disperditionem terræ. Legi &
 Opusculum aliud, in quo Author re-
 fert observatos fuisse sæpius vermes
 in sanie carbunculorum atque bubo-
 num. Verumtamen & hericios il-
 los, & vermes istos pertinere posse
 minùs ad causam physicam Pests,
 quàm ad effectum illius aliquem
 physicum, ex dicendis apparebit.
 Interim satis sit hîc ostendisse, ut
 proposui, qualiter pro adinvenien-
 dis remediis opportunis, omnino in-
 ter sit scire antè omnia, quid rei
 physicæ sit Pests.

PROPOSITIO IV.

*Qualescumque moleculas inanimes ;
 & cujuscunque figuræ , aut activi-
 tatis lethifera sint , esse physicam
 veræ Pests quidditatem non posse.*

MOLECULIS generatim om-
 nibus, quæ valent ad letha-
 liter nocendum, tribuimus esse ve-
 nenatas & pestiferas: id est, eas &

Civ

I.
 Quid sit
 discriminis
 inter vene-
 num & con-
 tagium Pests.
 tis.

Venenum & Pestem vocamus ; quamvis de cætero inter sit hoc discriminis , quòd omnis quidem Pestis venenum est , non omne autem venenum Pestis est : uti si attendimus ad etymologiam veneni sic dicti , quòd venas invadat , nempe invasione lethali , sic illas invadit Pestis : sed hæc invasio contagiosa est , qualis illa non est , quæ venenis cæteris notioribus competit , cujusmodi sunt venena Scorpionis , Viperæ , Bufonis , Aconiti , Arsenici , Mercurii , Antimonii , &c. nam non possunt quidem hæc venena , quocunque pacto hausta , hominem non perdere ; sed hæc perditio non capropter adstantibus & tangentibus communicabitur. Quare nè omne venenum pro Peste accipiat , hoc obstat quòd illi desit lues contagii.

II.

Unde partibus , quæ venenum componunt , conveniat vis mortifera.

Tum quando examini philosophico supponitur , unde qualescunque moleculæ , sive elementares primigeniæ homogeneæ , sive mixtæ heterogeneæ , vim illam habeant venenatam , nobisque inferendæ necis

Qualescunque moleculas, &c. 41
capacem, recurrere ad aliud non
datur, quàm ad particularem illarum
contexturam, & simul mobilita-
tem: unde accidit ut per illarum in-
vasionem in corpus vivifica partium
solidarum & fluidarum temperies,
sive quies, sive agitatio amittatur:
& sic quidem, aut ex divisis partibus,
quas ad vitam oportet cohærere,
aut ex coagulatis illis, quas fluere
vel sic perniciousiter, vel sic lentè opor-
tet, vita hominis alteratur ac depe-
rit. Uno verbo tota vis lethifera
cujuscunque veneni referri necessa-
riò debet ad illius particulas, sive
moleculas, quæ intra corpus ad-
missæ, statum illius vitalem immu-
tant, vel nimis commovendo humo-
res, vel sistendo & coagulando
illos, & ad alios meatus, quàm ad
solitos divertendo, vel occludendo
vias spirituum, vel utcunque aliter
partibus solidis fluidisque adimendo
dispositionem, sine qua vita non
subsistit.

Sed prætereà pendet major rerum
istarum intelligentia ex Philosophia

III.
Pro vene-
no accipiunt.

tur omnes
primige-
nia particu-
lar, quæ le-
thaliter cor-
pus afficiunt.

elementari, sive corpusculari, & atomistica, juxta quam innumerabiles molecule obtinuerunt à Deo impressum ipsis motum continuò perseveraturum, salvis obviis impedimentis, & istis sublati repetendum: hujusmodi autem moleculas & secum conjungibiles, & abs se invicem divisibiles figuris diversissimis in utroque statu conjunctionis & divisionis esse præditas ut intelligitur; sic etiam intelligitur ex istis moleculis ita vel aliter figuratis pendere omnino varios effectus accidentes corporibus, quæ ab illis; aut tanguntur, aut invaduntur: nam sic quidem tanguntur, & invaduntur, jucundè vel injucundè, nocivè aut salutiferè; ac tum plùs aut minùs pro copia talium molecularum tangenrium & invadentium. Quando autem quibusdam moleculis id ex figura sua & ex suo motu proprium est, quòd invadendo corpus, lethali-ter illi noceant, eas pro veneno accipimus, & *veneni* nomine designamus.

Qualescunque moleculas, &c. 43

Talia molecularum nobis lethali-
um genera comperiri constat in multis compositis Herbarum, Mineralium, Metallorum, Reptilium, Aquatilium & Quadrupedum: atque ita plurimæ id genus moleculæ, quæ res alias animatas, aut inanimes temperant ad nativam consistentiam, nata, apta sunt ex adverso ad temperamenti nostri læsionem. Unde planum est venena esse respectivè dicta, quando esse unum & idem, aliis quidem veneficum, & aliis beneficum potest. Sic sturni cicutâ vescuntur, coturnices hellebôro, philomelæ ataneis, viperæ scorpionibus, &c. uti potest homo nuce vomicâ impunè, sed canis minime. Deinde verò multa, quæ per se venena non sunt, posse venena fieri, & quæ per se venena sunt, posse fieri non venena constat. *Primum* quidem ex arte venenaria, per quam venena conficiuntur & præparantur ad pigrius aut celerius nocendum: & *secundum* ex arte medicatoria, quæ venena, etiamque

IV.

Qualiter

omnia venena talia non sunt, nisi respectivè: unde venenum non omnibus venenum est.

nocentissima , per idoneam con-
temperationem permutat in reme-
dia.

V
Ad veneni
vim non suf-
ficere confi-
guratio ;
opus etiam
est vehemen-
tia,

Jam verò quia illæ omnes veneni
præparationes factæ in bonum aut
in malum finem , præstare aliud nihil
possunt , quàm conjungere vel dis-
jungere , densare vel attenuare præ-
dictas moleculas , & eis conferre su-
perficiem læviorem aut asperio-
rem , ac tandem eisdem esse sic in occasio-
ne agitationis retardatæ magis aut
incitatæ , valdè approbo , quòd pro
explicandis moleculis pestiferis co-
gitaverit prælaudatus Author illas
conglobatas instar hericiorum undi-
que pungentium ac lacerantium par-
tes corporis vivas , quibus sese ad-
junxerint , aut quas invaserint : vel-
lem ut addidisset , si poterat , istis
hericiis , & ungues ursi , & dentes
apri , cum tota utriusque ferocia :
nam sine ferocia utcunque simili ,
hoc est , sine vehemente aliqua ir-
ruptione simili non nocerent. Ac
tandem ut ad propositum veniam de
qualibuscunque moleculis ad instar

Qualescunque moleculas, &c. 45
hericiorum, aut urforum, aut
aprorum, aut utcunque aliter confi-
guratis, & cum quacunque vehe-
mentia irrudentibus, contendo non
posse in illis quidditatem physicam
Pestis consistere, si sunt inanimes.

Ac *primò* quidem certum est ve- VI.
Ad veneni
nenum quaecunque nocere homini vim mortife-
ad necem usque non posse, nisi per ram certa
certam illius copiam; ita quòd co- quidam il-
pia minor vitam molestarer, sed non lius copia
eriperet. necessaria
Quid autem aliud est hæc
copia major aut minor, quàm plures
aut pauciores uni certæ æquales mo-
leculæ, quæ per suam configuratio-
nem & agitationem, aut immediatè
partis alicujus principis, uti cordis,
cerebri, jecoris, &c. texturam vi-
tiant, aut mediatè per vitiatam antè
texturam sanguinis; unde in motu
illius vivifico nimia tarditas, vel ce-
leritas sequitur nocitura cordi, ce-
rebro, jecori, &c. ? Hinc intelligo
quòd unica talium molecularum uni
certæ æqualium exitialis non esset
homini; sed neque forsan decem
aut viginti, quæ illam comitaren-

tur , exitium ferrent : quare si supponitur triginta id genus moleculas ad id ex necessitate requiri pro certo temperamento , pauciores par temperamentum mortiferè utique non laderent. Quantò igitur minùs determinata veneni copia , quæ ex toto est necessaria ad mortem unius , sufficeret etiam ad mortem alterius ? & rursus quantò minùs sufficeret ad tollendam è vita multitudinem hominum ?

VII.

Quod verificatur de veneno in genere , de veneno Pestis in particulari debet intelligi.

Secundò annon similiter discurrendum erit de particulari veneno Pestis , & affirmandum quòd dum è Sidone Syriæ translatum intra merces fuit Massiliam , finita utique fuit & non infinita hujus veneni copia ? Erat itaque intra merces illas determinatus numerus molecularum pestilentium uni certæ æqualium ; & è quibus si triginta ex hypothefi necessariæ fuerunt ad tollendam homini vitam , determinatus erat perinde numerus hominum , quibus eripi vita per totum illud venenum posset ; si videlicèt totum exciperetur , seu

Qualescunque moleculas , &c. 47
naribus , seu faucibus , seu aliter ut-
cunque. Deinde verò intelligimus
quidem , quòd dum illæ merces ex-
pansæ sunt , venenum proximè ad-
stantibus nocere potuit per ipsius cir-
cumfusionem in auras ad modum ,
quo malis perinde ac bonis odoribus
circumfundimus est ; sed ut magis
nocere potuit iis , qui propius adsti-
terunt , ita minùs nocere poterat
iis , qui magis distabant. Ita si sup-
ponimus merces illas intra domûs
alicujus Apothecam expansas fuisse,
concipio potuisse venenum illud iis
omnibus nocere , qui intra illam
Apothecam erant ; quin imò etiam
plùs minùs iis , qui intra totam do-
mum erant , aut iis etiam , qui juxta
totum vicum erant ; sed tandem
quando nimis dispersum fuit vene-
num illud , jam nocere non potuit.
Uti si supponimus dolium unum
Antimonii fustum Parisiis , atque
in hunc modum ut in auras evaserit ,
quamvis toti Urbi Parisiensi nocere
potuisset , illius certè Suburbiis non
nocuisset ; sed multò minùs , imò

nullatenus nocuisset, aut etiam nocere potuisset Urbibus viginti aut triginta leucis distantibus: siquidem sic odores, etiamque malignissimi, è propinquo nocent; at è longinquo non nocent.

VIII.
Venenum
Pestis expli-
cari non po-
test ad instar
maligni odo-
ris sparsi.

Quare concludendum est, quòd si venenum pestilens, quale circumfertur illud, quòd è Syria delatum fuit Massiliam, non aliter sparsum, quàm ad instar malignantium odorum fuit; ita limitata vis illius fuit, ut longissimè abest, quin totam Urbem Massiliensem potuisset implere: quantò autem minùs implere potuisset & inficere totam illam Provinciam? ac tandem quantò minùs Provinciis aliis circumquaque vicinis ab illo timendum fuisset? Igitur physica quidditas Pestis nullatenus consistit in moleculis ullis, quæ inanimæ essent, & tantummodò spargerentur instar malignantium odorum: ac præsertim quia sic semper magis sævire deberet, ubi sævire incipit: & nihilominus sæpè in contrarium accidit, ut magis ibi sæviam, ubi sævire definit:

Qualescunque moleculas, &c. 49
definit, ac proinde omnino aliter de
moleculis constituentibus physicam
quidditatem Pestis, quàm de illis
quæ malignum aliquem ac tetrum
odorem physicè constituerent, dis-
curri oportet,

Præterea hîc mihi unum alterum-
que tacendum non est. *Unum* hoc
est, quòd malignis odoribus spargi
quidem est facile; sed recolligi diffi-
cile omnino est, imò est omnino
naturaliter impossibile. Hinc malig-
nus odor, qui sese spargendo po-
tuit in aliqua Civitate mille viros
interimere, mille alios interimere
non posset in Civitate alia: neque
enim id posset, nisi sese recolligen-
do: quomodò autem sese recolliget?
imò quomodò, si in nihilum non
abit, non ita dispergitur, ut abiisse
in nihilum videatur? Sic fumus,
qui domum occlusam implet, om-
niumque inhabitantium oculis no-
cet, si postmodum abit, fenestris fo-
ribusque apertis, nunquam sese re-
colliget, nunquam in alio domo
pariter nocebit inhabitantibus. Un-

IX.

Venena-
dum spar-
guntur, no-
cent, sed re-
colligi ad-
nocendum
non possunt.

de clarum est de moleculis pestilentibus , quòd si dum statim sparguntur , nocere viris mille possunt , viris totidem nocere non possunt alibi , nisi sese recolligere ibi possint : quia verò nunquam sese ibi recolligent , aïo moleculas qualescunque hujusmodi non constituere physicam quidditatem Pestis.

x.

Alterum est , quòd vis omnis efflu-
vis pestifera, vii odorosi , sive grati , sive ingrati ,
quæ esset consistit in motu ; in eo scilicet mo-
instar tetri tu , quo percutit afficitque totum
odoris , non sensorium , in quo recipitur : & sic
posset mi- quidem in eo tota vis odoris frangi-
grare de uno tur , nec valet ad percussione[m] , aut
subjecto in affectionem similem deinceps effi-
aliud. ciendam. Quare si Pestis apprehen-
 ditur , ut vulgò apprehenditur , ins-
 tar odorosi cujusdam ingratiissimi si-
 mul atque nocentissimi effluviï , quod
 hominem invadit, sive per aures , sive
 per nares , sive per fauces , sive per
 ipsam totius externæ cutis molli-
 tiem , &c. necesse omnino est , ut
 talis effluviï pestiferi motus franga-
 tur in iis omnibus subjectis , in qui-

Qualescunque moleculas , &c. 51
bus recipietur , ita quòd post effec-
tum , quem in eis produxerit , vim
habeat de cætero nullam ad effec-
tum similem ullibi producendum.
Hinc autem intelligitur vim eandem
pestiferam ex uno subiecto in aliud
migrare non posse , quatenus in pri-
mo retunditur , & in ipso , quem
ibi producit , effectus disperit : sicque
Pestis communicari & promoveri
non posset ad eum modum , quo
eam communicari & promoveri ,
misere nimis ac lethaliter experi-
mur. Ac tandem quia effluvium
quodcunque pestiferum nihil est
præter moleculas fluentes , ex qui-
bus constat , apertissimum est non
posse in illis quidditatem physicam
Pestis consistere , sicut proposui.
Atque ut propositionis hujus con-
clusio sit clarior præparatio ad se-
quentem , dico posse quidem tales
moleculas , ob figuram horridam
quam habent , & ob immanitatem
suæ intrusionis , vocari *Hericios , Dra-*
cones , Basiliscos , Aspides , &c.
utut volueris ; sed si tales Hericii ,

Dracones , Basilisci , Aspides , &c.
sunt inanimés , si non vivunt & ge-
nerant , impotentes omnino sunt ad
virus Pestis insinuandum & com-
municandum : si autem vivunt &
generant , omnino poterunt & illud
insinuare & illud communicare ,
sicut contingit fieri.

PROPOSITIO V.

*Naturam Pestis & illius Proprietates
explicari rectè tantummodò per
Insecta posse.*

I.
Quidquid
illud est ,
quod Pestem
constituit ,
esset statim
extinctum si-
ne aliqua no-
va multipli-
catione.

CUM Pestis sit haud dubiè ali-
quid corporeum , statim non
potest distinctiùs apprehendi , quàm
sub conceptu rei habentis multitudi-
nem aliquam partium , quarum sin-
gulae , dum corpus invadunt , singu-
lare quoddam inferunt nocumen-
tum : hoc autem nocumentum sin-
gulare , quod seorsim per se lethife-
rum non esset , tale utique sit per
conjuncta nocumenta , quæ fiunt à

certo quodam numero illarum partium. Hinc insuper concipimus rem, quam vocamus *Pestem*, eò amplius nocituram, quò plures id genus partes in suo quodam excogitabili toto complectitur: quare si loco unius navigii, quod è Syria Massiliam *Pestem* intra merces tulit, advenissent simul decem aut viginti naves onustæ mercibus *Peste* pariter infectis, clarum est quòd in hoc casu *Pestis* abundantius nocuisset per omnium mercium expansionem, nempè quia rei, quæ totalis quædam *Pestis* fuisset, partes fuissent in multitudine majori. Hac ratione non potuit à minori numero talium partium, quas *moleculas* vocavi hætenus, prodire idem effectus, qui prodire à majori multitudine potuisset: aut certè attentâ strage, quæ hætenus magna est, & quæ major posset evadere, opus est potuisse aliquâ viâ minorem talium partium multitudinem majorem fieri: & hæc est quæ antè omnia occurrit consideranda mul-

tiplicatio , sine qua omnis Pests
esset citò extincta.

II.
Pestis fa-
ciliùs per
moleculas
animatas ,
quàm per
inanimatas
exponitur.

Facile intelligitur , quòd si priori-
bus mercibus , propter quas Pests
excitata in Urbe fuit , supervenis-
sent aliæ merces pariter vitiatæ ,
multiplicatæ pro ratione superve-
nientium mercium fuissent, moleculæ
Pests ; sed casu superventionis
hujus sublato , hoc est quòd nulla-
tenus intelligitur , quomodò multi-
plicari potuerint sine generatione
nova , cujus moleculæ qualescun-
que inanimatæ , tam activè , quàm
passivè sunt incapaces. At si mole-
culas illas supponimus organicas &
animatas , activæ ac passivæ genera-
tionis capaces , jam nulla circa illa-
rum multiplicationem superest diffi-
cultas ; nulla circa hanc magnam
stragem , quæ facta est per illas :
nulla circa majorem , quæ posset
adhuc per illas fieri. De cætero au-
tem erunt capaces perinde cujuslibet
configurationis externæ horridæ , ac
proinde aptæ ad invasionem magis
pestiferam : quare nihil est Pesti ad

Naturam Pestis & illius, &c. 55
stragem connaturale ac proprium,
quod non promptius veriùsque per
istas animatas moleculas, quàm per
quascunque inanimes alias expli-
cetur.

Atque in hunc modum moleculæ
istæ sic organicæ & animatæ vera
quædam animalcula sunt per aërem
volitantia; sive, quod idem est, sunt
insecta volucra; & hæc intelligo
esse ovipara; unde fit ut multipli-
centur per vivificationem ovorum.
Tum quamvis non dubitem fore plu-
rimos, qui statim hæc insecta & ova
ridebunt, nihilominus confido quòd
rem seriam esse intelligent, seriòque
admittendam; si attendere digna-
buntur ad summam probabilitatem,
quam conciliabunt isti Systemati de
insectis volucris ratiocinia & ex-
perimenta non pauca declaranda in
decurfu toto hujus Opusculi. Cæte-
rùm hæc insecta, si quæ sunt, esse
genus aliquod muscarum satis con-
cipitur; atque ita vocari posse *culi-
ces, apiculas, cyniphes, pediculos,
cervulos volantes*, aut aliter; nam

III.
Proponitur
Systema de
insectis vo-
lucris Pestem confi-
tuentibus.

56 *Propositio quinta;*

de nomine parum interest: at ut plurimum *culices* vocitabo, quasi tantulum infra illos, quos sæpè intra columnam radiosam Solis vix videmus, extra non videmus.

IV.

Videtur hoc
Systema in-
sinuatum in
Sacris Pagi-
nis.

Et jam quidem ex Sacris Paginis excerpti possent multa, quæ favent isti Systemati de culicibus istis, pro explicanda natura Pestis & omni proprietate illius; atque illud imprimis, quod apud prophetam Isaïam legitur, spectans ad comminationem gravissimi cujusdam exterminii contra Israëliticum Populum. Sic igitur loquitur Propheta, c. 7. *Et erit in die illa, sibilabit Dominus musca, quæ est in extremo fluminum Ægypti, & api, quæ est in Terra Assur.* Hinc autem saltem constat seu factum esse, seu fieri potuisse magnum exterminium per muscas Ægypti & per apes Assur. Quare verò exterminium hoc de pestifero intelligere non licebit? Scio equidem omnino aliam esse interpretationem communioem, quæ est de Ægyptiis per muscarum insolentiam.

Naturam Pestis & illius, &c. 57
 tiam, & de Assyriis per apum sævi-
 tiam designatis, & contra Israël,
 Domino libilante, advolaturis. Ac
 irruerant jam antè sæpè Assyrii &
 Ægyptii: comminatio autem hæc
 est de eventu, quem nondum Israël
 expertus fuerat, ut patet ex versu
 præcedente: *Adducet Dominus su-
 per te & super Populum tuum, & su-
 per domum Patris tui dies, qui non
 venerunt à diebus separationis
 Ephraim à Juda cum Rege Assyrio-
 rum.* Quibus verbis significatur ali-
 quid omni bello præterito gravius
 eventurum: & ideo potest prædicta
 comminatio de muscis Ægypti &
 de apibus Assur ad gravissimam ali-
 quam pestilentiam referri, qualis &
 in Ægypto visa est contigisse, quan-
 do *terra corrupta est ab hujusmodi
 muscis*, Exod. 8. qualis & ibidem
 excitata est per cyniphes, in quos
 versus fuerat omnis pulvis terræ. Vi-
 de suprà Prop. I. n. 4.

Jam verò utrùm isti pestiferi cyni-
 phes, tam innumerabiles, fuerint
 aut aliquatenus, aut nullatenus vi-

v.
 Quando
 animalcula
 minora sunt,
 tantò magis
 sunt idonea
 ad nocen-
 dum.

sibilis, Scriptura non determinat :
 sed aliunde certum est eos , quò mi-
 nus visibiles fuerint , eò magis po-
 tuisse nocere ; quia sic minus abigi
 poterant & necari : ut & ipsi faci-
 liùs quoque poterant per quoscun-
 que meatus corporum introduci ad
 carniù putrefactionem per ulcera
 & turgentes vesicas patefactam. Nisi
 etiam quòd eò magis ostendit Deus
 potentiam suam in vindicta de homi-
 nibus referenda , quò minora sunt
 animalcula ; quorum ad id occulto
 ministerio utitur : hinc *potentia Dei*
in Ægyptiis plagis per parva anima-
lia ostensa est, & præcipuè per cyni-
phes. Sic D. Hieronymus relatus ab
 Aldrovando , L. 3. de Insectis , p.
 395. Isti autem cyniphes , qui Græcè
 dicuntur *κνίπες* , ut Hebraïcè
Kinnim , sunt , ut ipse Aldrovan-
 dus affirmat , *tam parvi culices , ut*
vix cernantur oculis : tum addit ad
 mentem prædicti S. Hieronymi ,
 quòd *Deus maximas res in usum hu-*
manum fecit , & minimas in puni-
tionem. Quare quò gravio rem vult

Naturam Pestis & illius, &c. 59

Deus Pestem immittere ad homines puniendos, illum eò minoribus infectis uti hæc Autoritas suadet.

Magis adhuc suadet hoc ipsum *Autoritas D. Pauli*, à quo docemur nihil esse tam infirmum, tam ignobile, tam contemptibile, tam nullum, per cujus opem non destruat Deus, si voluerit, quidquid fortius firmitusque in Mundo est; sic autem loquitur: *Quod infirmum est Dei, fortius est hominibus: ac tum, & infirma Mundi elegit Deus, ut confundat fortia; & ignobilia Mundi, & contemptibilia elegit Deus, & ea quæ non sunt, ut ea quæ sunt, destrueret.* I. ad Cor. I. Qualia verò jam cogitabimus ad mentem Divi Pauli, & illa *quæ non sunt*, & ista *quæ sunt*: ista *quæ sunt*, cogitabimus esse homines, qui se magnum esse aliquid putant: & illa *quæ non sunt* cogitare possumus esse cyniphe, siue culices prædictos, qui pro nihilo ab hominibus reputantur.

V I.

Et rursus

quod minora
fuer. eò ma-
gi. per ea
ostendit Deus
suam poten-
tiam.

VII.
Talia in-
secta, & in-
visibilia, &
multiplica-
bilia esse ne-
cesse est.

Tandem jam ferè satis constat quod propolui, videlicèt naturam Pestis exponi rectè tantummodò per insecta posse, hoc est, per insecta qualia jam explicui. Nam quia id physicum, quod est pestis, ad visum non patet, necesse est aliquid invisibile esse: sed tum aliunde necesse est invisibile illud esse multiplicabile; siquidem aliàs nulla esset Pestis contagio, aut certè nec talis, nec tanta esset, qualis & quanta passim advertitur. Nunquid enim non est ostensum moleculas inanimes, quibus tribueretur esse pestiferas, & conclusas intra merces, quæ Massiliam è Syria conductæ sunt, futuras fuisse certæ cujusdam multitudinis, & ideo tantum sufficientis ad interitum tot ac tot personis inferendum; quin etiam personis adstantibus aut vicinis, nullatenus autem absentibus aut remotis; quia videlicèt talium molecularum nulla fieri multiplicatio potuisset? Sed nec illarum fieri potuisset translatio sufficiens ad nocendum. Hanc autem multi-

Naturam Pestis & illius, &c. 61
 plicabilitatem simul cum transferibi-
 litate obrinemus per infecta, vel
 jam exclusa, vel mox excludenda
 ex ovis pestiferis, quæ supponeren-
 tur jacuisse inter merces prædictas,
 & è quibus invisibiliter avolassent
 post colligationem solutam. Quâ
 viâ simul obrinemus aliquid invisibi-
 le simul ac multiplicabile, sine quo
 explicari non posse arbitror id phy-
 sicum, quod est Pestis.

Atque hoc est, quod proposui,
 & quod *jam ferè satis constat*, ut
 mox aiebam: & aiebam quidem ob
 id, quòd licèt non paucos hucusque
 repererim, qui hoc meum Systema
 de infectis invisibilibus satès vident,
 plures reperi qui non vident, aut qui
 nolunt videre: quapropter ut isti,
 etiam nolentes, videant, mecum
 statui demonstrare, si potero, &
 quomodò nihil impossibilitatis sit in
 hoc Systemate; & deinde quomo-
 dò nihil ei desit ad omnem absolu-
 tam verisimilitudinem. Quin etiam
 ut perveniam ad hoc Systema invic-
 tiùs stabiliendum, antequàm satisfac-

VIII.
 Nihil est
 non possibi-
 le, nihil non
 verisimile
 hac in re,
 ut ostende-
 tur.

62. *Propositio sexta,*
ciam Argumentis quibus impugnari
posset, nonnulla egomet afferam,
quibus communior, quæ est apud
Medicos, de Peste opinio convel-
latur.

PROPOSITIO VI.

*Nullam esse impossibilitatem Sys-
tematis de hisce Insectis pestiferis
invisibilibus.*

i.
Quidquid
per molecu-
las inani-
mes fieri po-
test, quomo-
dò non per
animatas
fieri facilius?

UT demonstrem nihil impossi-
bilitatis esse in hoc Systema-
te, quid mihi nisi rescindenda sunt
omnia illa, vel saltem potissima,
difficultatum capita, unde conjici
posse illius impossibilitas videretur?
Atque ut ordinatim procedam, ag-
grediar ostendere nihil per quicquam
aliud pestiferum effici posse, quod
per hæc insecta, quæ voco *pestifera*,
æquè peragi non possit, imò promp-
tius atque sæviùs. Nam quid esse
illud *quicquam aliud pestiferum* po-
test, nisi aliquid *moleculare*, à

Nullam esse impossibilitatem, &c. 63
cujus nimis violenta invasione, aut
à cujus nimis aspera configuratione
fiat lethalis læsio in temperie, aut
in textura, sive solidarum, sive flu-
idarum partium nostri corporis: sic-
que Pestis aliud, nihil erit præter id
genus moleculas sparsas aut collec-
tas, quæ sic corpus invadendo, ad
necem perducunt. Cæterum hanc
vim perducendi corpus ad necem
illis tribuunt, licet inorganicis &
nullo spiritu intus agitante vivifica-
tis. Ego verò jam aio, quod si mo-
leculæ istæ organicæ essent, & per
spiritum aliquem intus agitantem
vivificatæ, cujusmodi sunt animal-
cula, etiamque invisibilia plurima
sub insectorum genere comprehen-
sa, essent capaces æqualis lethiferæ
invasionis, imò magis lethiferæ.
Æqualis equidem, quia parem ha-
bere possent configurationem exter-
nam, ut pariter asperam, pariter
horridam: parem habere possent
vehementiam invadendi, parem vim
atque modum irruptionis. Ac tum
magis lethiferæ; quatenus commo-

tio interna spiritûs vivificantis, externam non solum comitaretur, sed etiam augeret atque incitaret.

I I. Hinc quamvis nihil nobis notum
Hinc est
 saltem æquè
 probabile
 quòd Pestis
 per infecta
 volucra in-
 ducatur. esset de Peste inducta contra Ægyptios olim per cyniphes, sive per tenuissimos culices, visum aut omnino, aut propemodum fugientes, ratio sufficienter nos duceret ad conjiciendam possibilitatem Pestis sic inducibilis; imò Pestis non inducibilis aliter; nempe ob illius contagionem incomprehensibilem aliter, quam per viam generationis. Facile quippe concipitur, quòd animalcula, quæ forent hispida, hirsuta, cornuta, denticulata vel aculeata, &c. si turmatim corpus invaderent aut per os, aut per nares, aut per oculos, &c. valde illius texturæ ac temperiei nocerent: vel certè non eis minùs nocerent quàm ejusdem figuræ inanimata corpuscula. Quare si per ista potest induci Pestis, quomodò per illa induci non posset? ac præsertim quia sicut supponi potest ista coaluisse omnino ex primigeniis

Nullam esse impossibilitatem, &c. 65
geniis, particulis quibusdam vene-
natis, uti Antimonii, Arsenici,
Aconiti, &c. sic etiam supponi po-
test illa, quæ dixi, animalcula ex
iisdem aut similibus particulis male-
ficis coaluisse. Igitur hinc saltem
obtinemus parem inducibilitatem
Pestis per utrumque talium molecula-
rum genus inanimatum & animatum.

Imò si de contagione Pestis agi-
tur, non comprehenditur Pestem
induci aliter posse, quàm per præ-
dicta insecta, quæ dum ponunt ova
deinceps vivificanda, sese multipli-
cant in sua specie: atque ita sese
turmæ illorum pariter multiplicant,
& avolant huc atque illuc: unde fit
Pestem à levissimis initiis posse ad
gravissima incrementa perducì. Hac
igitur ex parte nihil impossibilitatis
est in isto Systemate de insectis
pestiferis: sed præsertim valdè lon-
gius amovebitur, si quæ adhuc est,
impossibilitatis hujus suspicio, per id,
quod ostendetur deinceps qualen-
cunque parvitatem & invisibilita-
tem insectorum hujusmodi nihil au-

III:
Parvitas
insectorum
nihil auferet
de maligni-
tate suffi-
ciente ad ef-
fectus Pestis:

ferre de malignitate sufficiente ad effectus omnes pestilentes ; imò verò illi addere , unde malum fiat insanabilius : quod interim insinuatum obiter velim à paritate , quàm valdè insanabilius est in humano corpore vulnus , quod per acutissimum mucronem , quàm quod per latum ensen infligitur. Sed quid prætereà , si quis feriretur simul per mille acutissimos enses , qui unius latum cuspidem non æquarent ?

IV.
Moleculæ
pestiferæ, si-
ve animatæ,
five inani-
matæ, sunt
perinde invi-
sibiles.

Deinde apud multos obstat præsumendæ possibilitati hujus Systematis , quòd hæc insecta , quibus tribuitur esse pestifera , omnino invisibilia sint : aiunt enim , quòd si quæ hujusmodi sunt , quando nos invadunt , ea videremus : ac saltem ea videremus , quando nos turmatim invaderent , ut sæpè fieret. At isti homines quomodò non advertunt posse hoc ipsum retorqueri contra illas qualescunque corpusculares moleculas , quibus & ipsi tribuunt esse pestiferas ob superficiem , quam habent asperam , aculeatam , hirsu-

Nullam esse impossibilitatem, &c 67
 ram, &c? Nam utique tales mo-
 leculæ non videntur, etiamque dum
 copiosè corpus, aut ambiunt, aut
 invadunt: quare vel per inanimes
 illas moleculas Pests non infertur,
 vel per istas animatas inferri potest;
 quando utrisque pariter invisibiles ef-
 se proprium est: unde insuper aio,
 quòd si aliqua causa physica Pests est;
 corporalis est; atque ideo vel nulla il-
 lius causa physica esset, quod repug-
 nantissimum est; vel esse potest &
 non videri, quamvis sit corporalis,
 quamvis in insectis consistat.

Addo jam innumera esse, quæ
 per visum humano acutiorem viden-
 tur, & per visum humanum ut ut li-
 bèt acutum non videntur; ut ea
 sunt, quæ vident lynces, aquilæ,
 philomelæ, hirundines, &c. ut
 nihil dicam de minoribus volucris,
 & de minoribus similiter,
 sive aquatilibus, sive reptilibus,
 quorum quantò minor est moles,
 ad tantò minora sufficit ipsorum
 visus; & sic quidem necesse est pro
 ipsorum victu. Videt formica id mi-

V.
 Invisibili-
 tas rei non
 sufficit ad ne-
 gandum
 existentiam
 illius,

nimum , quod vorat ; videt pulex id minimum , quod fugit , &c. Quantum autem abest , ut id minimum videamus : sed quantò adhuc magis abest ut videamus id quod vorant, aut quod fugunt mille animalium genera millies minora pulicibus & formicis. Quare de rebus corporeis infinitis pronunciare quòd non sint ex hoc præcisè , quòd eas non videamus , hoc infimi & nescientissimi vulgi hominibus condonari potest , cæteris non potest.

V I.
Per usum
microscopii
rerum alias
invisibilium
existentia
demonstratur.

Tum circa hæc insecta pestifera, ut etiam multi sunt , qui risum incredulitati addunt , aio ipsos esse potius ridendos hac in re perinde ac si cum risu exciperent serpentes , à quibus affirmaret quis procedere , aut saltem procedere posse acorem aceti. Ecce respiciunt intentis oculis ad acetum ; & quia serpentes nullos in eo innatantes vident , rident quod affirmatur ; sed tum rogantur ut adhibeant microscopium ; & sic vel in una parvissima gutta boni aceti vident , vel invitati , ser-

Nullam esse impossibilitatem, &c. 69
 pentes , seu decem , seu viginti , seu
 plures , ita ut meritò præsumatur
 esse in modico boni hujus aceti
 scypho multa illorum millia. Hinc
 confunduntur , ac præsertim quia si
 microscopium , sive compositum ,
 sive simplex, elaboratum fuit, ut artis
 est, non desunt hujusmodi serpen-
 tes, quorum alii longitudinis appa-
 reant unius pollicis , alii duorum ,
 trium , quatuor pluriumque. Ubi
 certum est , quòd si nondum inventa
 microscopia fuissent , quidquid Phi-
 losophi curiosiores cogitare ac spe-
 culari de his serpentibus potuissent ,
 haberetur adhuc pro risibili fabula.

Similiter si potus aquæ , ut aiunt ,
 corruptæ , sive quia coenosa est , sive
 quia infecta est variis , aut floribus ,
 aut virgultis , aut pannis , &c. ali-
 cui noceret , non crederetur ei qui
 diceret nocumentum illud procede-
 re , aut procedere posse ab insectis
 innatantibus , aut reptantibus in ea :
 quia enim hæc infecta oculos iner-
 mes omnino fugiunt , quidquid de
 illis affirmaretur , reputaretur gratis

VII.

Sed tum
 licet aliquid
 per microscopium non
 videatur, hoc
 adhuc non
 sufficit ad
 negandam
 illius exist-
 entiam.

inventum ; & nihilominus in guttula vel una illius aquæ , ecce per opem adhibiti microscopii apparent infecta multiplicis generis plura mobilissima , licet ut plurimum parva , quæ vix æquant partem millesimam unius è præmissis serpentinis infectis. Unde clarum est per modicum potum hujus aquæ deglutiri millia insectorum id genus multa , quæ nocere , vel nocere posse quis non intelliget ? Ubi adnoto quòd hæc infecta præ aliis prædictis invisibilibus possent *invisibilissima* vocari : quamquam adhuc hæc invisibilitas nulla est , si comparabitur cum invisibilitate partium singularum ex quibus extrinsecè atque intrinsecè coalescunt : ut si totum , quod illa sunt , venerit comparatum cum ipsorum oculis ; & quibus utique quòd non careant , hoc indicio est , quòd dum citissimè huc atque illuc feruntur , non incurrunt in invicem ; sed , quantum conjici potest , datâ operâ sese vitant , sese insequuntur , sese fugiunt , ut cæterorum omnium animalium est.

Nullam esse impossibilitatem, &c. 71

Atque hoc sufficit, ut suadeatur non sufficere ad non credenda qualiacunque insecta meram invisibilitatem illorum, sive per oculos inermes, sive adhuc per armatos lentibus microscopicis, ut fusiùs infra probabitur.

Et hinc quidem obiter emendabitur error eorum, qui putant nihil maculosum, nihil rugosum, nihil pilosum habere in genis, ex eo quòd nihil hujusmodi videant in eis, quantumcunque sese aspiciant in plano speculo, etiamque terribissimo. Nam ut agnoscant errorem suum, tantum loco speculi plani consulant concavum: ac tunc quidem in eo videbunt genarum suarum maculas, rugas & pilos, præter alias toto in vultu pravitates, distorsiones, incisuras, cæteraque id genus vitia multa, quæ vera & absoluta pulchritudo non patitur. Hinc quantum ab ista deficient puellæ, etiamque pulcherrimæ, intelligerent; si saltem aliquando speculis concavis uterentur.

VIII.

Res multæ, alias invisibiles, representantur per specula concava, uti per microscopia.

IX.

Parvitas

non impe-
dit, imò fz-
pè juvat vim
lædendi, cæ-
teris pari-
bus,

Tandem alios commemorabo ;
qui contendunt non posse infec-
tis , de quibus hoc Systema insti-
tutum est , ob parvitatem , quæ
infra omnem visibilem supponitur ,
inesse vim ullam lædendi , ac mul-
tò minùs vim ullam generandi , ut
illa est , ad quam à nobis pro expli-
canda Pestis contagione recurritur.
& nunc quidem , si de sola parvitate
sermo est , ob quam hæc infecta re-
putari debeant incapacia lædendi ,
jam antè retorsio facta est contra
qualescunque moleculas , quibus ipsi
tribuerent esse pestiferas ; quatenus
illas paris parvitatibus esse necesse est ,
siquidem pariter infra omnem parvi-
tatem visibilem constitutas. Quare
si nihilominùs illæ , licèt inanimes ,
læsionis alicujus infligendæ capaces
sunt , quomodò istæ , quæ animatæ
sunt , non erunt , non dico æquè
capaces , sed longè capaciores ?

X.

Attendi de-
bet ad mul-
titudinem
infectorum ,
ut capiatur

In hac igitur non immorabor diffi-
cultate , quæ omnium levissima est ,
maximè verò , quia si de duobus aut
tribus id genus infectis ageretur ,

Nullam esse impossibilitatem, &c. 73

fateor quòd læsio ab illis facta esset vis maxima, quam habent ad lædendum. reputanda pro nihilo, licèt aliqualis esset, quæ à singulis fieret; sed si de duobus illorum aut tribus centenis millibus agitur, omnino aliter annon discurrendum erit? annon de tot particularibus læsionibus una quædam communis fiet, quæ molestissima & funestissima esse poterit? Certè corpusculi cujusvis ignei scorsim spectati vires pro nullis reputare licet; sed ubi talia corpuscula colliguntur, jam habent vires notabiles calefaciendi: ac tum si adhuc magis colliguntur & instantius corpus invadunt, jam habent notabiliores vires urendi. Sic corpuscula odorifera singula per se, aut parum, aut nullatenus afficiunt olfactum; at ubi multa illorum millia simul invadunt, valde illum afficiunt, aut salutiferè, aut læsivè, pro configuratione ipsorum varia & varia vehementia invasionis. Formica una vix nocere homini potest; sed illum vorarent multa millia formicarum: sic nocere homini nullum ex istis

infectis seorsim , vel etiam in corde
admissum , posset utcunque sensibili-
ter ; sed istud unum cum mille milli-
bus junctum quomodo non noceret ?
Flocci facit unus gigas decem pyg-
maeos : sed decem mille illum atte-
rerent : quid officit floccus unus
nivis humano capiti ? sed illud obruit ,
si nimis multiplicetur : quæ & simi-
lia non egent fusiùs enumerari atque
perpendi.

X I.

Insecta
quò minora
sunt, eò fœ-
cundiùs se
multipli-
cant.

Jam verò quod aiunt de infecto-
rum hujus Systematis parvitate in-
sufficiente ad generationem , dig-
num est majori consideratione ac
responsione prolixiori ; vel præser-
tim quia hinc pender intelligentia
totius contagionis , quæ in Peste est.
Itaque unde talium infectorum steri-
litem arguunt , inde potius fœ-
cunditatem argui oportet ; scilicet
ex parvitate : nam experienciâ con-
stat Naturam id providisse , ut quò
minora sunt animalia , eò fœcundiùs
se se multiplicent. Neque difficilè ca-
pitur id ita providendum fuisse , vel
saltem propter hoc unum , quòd mi-

Nullam esse impossibilitatem, &c. 75
 nora majoribus in victum veniant :
 unde nisi ex minoribus plura, etiamque
 infinities plura, nascerentur, species
 non maneret : nè dicam adhuc minora
 sæpè à majoribus cædi ad libitum, aut
 aliter nè ab illis importunitatem aliquam,
 aut molestiam patiantur. Quare opus est ut
 majorum numerus à numero minorum
 infinities excedatur : hoc autem quomodo
 potest accidere, nisi ex fecunditate, quâ
 ista præ illis polleant? Annon sunt
 passerres plures quàm aquilæ? annon
 plures lepores quàm cameli? annon
 plures brucchi quàm balænx? atque ita
 de cæteris.

Maximè verò in omnibus animalculis
 oviparis apparet admirabilis quædam
 multiplicatio : atque hinc provenit,
 quòd valdè multa pariunt ova, quæ
 intra breve spatium sufficienter ad
 vivificationem foventur. Ad hoc attinet
 quod Scaliger in Theophrastum, de causa
 plantarum narrat apud Aldrov. L. 4. de
 Insectis, p. 495. se cicindelam marem

XII:
 Affertur
 experimentum
 Scaligeri circa
 fecunditatem
 insectorum.

deprehendisse in coïtu , quo ad meridiem diei alterius perducto mas abstinit : fœmina tum sub vesperam edidit ova multa , quæ intra viginti horas vivificata abierunt : id est , ut arbitror , avolarunt , prout vermibus commune est plerisque ponere ova , quæ tolluntur in papiliones , ut etiam papilionibus plerisque accidit ova ponere , quæ in vermes degenerant. Hinc apparet quantum ad fœcundiores progressum juvet tot ovorum editio , & tam præceptis vivificatio : cujus utriusque rei superfluum foret hîc referre mille alia experimenta , quæ apud Naturalistas leguntur , ubi de Insectis tractant. Tantum non tacebo istud de Insectis peunatis exilissimis , quæ certis anni tempestatibus ac diebus manè nascentia , per diem confertissima volant , coeunt , edunt ova , & sub vesperam moriuntur merfa in aquis , ubi ad paslum à pisciculis expectantur : postea manè altero ex ovis per noctem vivificatis totidem inòdè plura id genus insecta comparent sub

Nullam esse impossibilitatem &c. 77
 diei finem pariter extinguenda : ex
 qua unius diei vita occasio data fuit
 ea vocandi ἐφήμερα , & , quod idem
 est , μονήμερα . Cæterum de istis
 unius diei animalculis post Aristote-
 lem fuit tractatum à multis , & non
 sine aliqua dissensione : sed hæc dis-
 sensio nihil variat pro casu præsentē.

Tandem si hæc insecta, quæ per ocu-
 los inermes videmus , tantò fecun-
 diora sunt , quantò minora , similiter
 erit haud dubiè discurrendum de illis,
 quæ nisi per microscopium non viden-
 tur, & inter quæ non desunt , quæ vi-
 deantur millies minora aliis. Atque ut
 nullus omnino supersit dubitandi lo-
 cus , afferam experimentum à me
 multoties repetitum in serpentigenis
 & florigenis animalculis. De illis
 expertus sum , quòd si ab initio in
 una guttula aceti in phiala vitrea ser-
 vari apparebant serpentes duo vel
 tres , deinceps post multos dies in
 pari guttula comparebant decem aut
 plures , atque ita proportionaliter in
 decursu dierum. Unde mihi constab-
 bat de generationibus talium infec-

XIII.

Hæc ext-
 mia fecun-
 ditas appa-
 ret in infec-
 tis serpenti-
 genis & flo-
 rigenis.

torum multiplicissimis. De istis vero, quæ *florigena* vocare consuevi, ob id, quòd generentur in aqua, ubi ponuntur flores ad florendum diutius, & quæ utique prædictis illis serpentigenis sunt incomparabiliter minora, æquè toties expertus sum istorum fœcunditatem esse æquè incomparabiliter maiorem, ita ut numerus eorum, quæ ab initio deprehenduntur in gutta una talis aquæ, ferè nullus sit, si comparetur cum numero illorum, quæ post multos dies in pari aquæ gutta comparent, & quasi per chiliades computabilia. Unde autem procedere id potest, nisi ex maiori fœcunditate, quæ pro parvitate animalculorum augetur.

XIV.
 Similis
 quædam experientia facile fit in
mitis casei.

Est & aliud genus animalculorum, *mitas* vocant, ope microscopii apparentium in pulvere excusso ex crusta casei: & est certè mirabilis nova illorum multitudo, quæ quotidie nascitur. Tum in suis illis moleculis differentiam huiusmodi habent, ut alia quidem jamjam nata, & alia jamdiu nata discernantur:

Nullam esse impossibilitatem, &c. 79
considerari etiam possunt atque discerni vires eorum in illo labore, per quem sese extricant è massa pulveris, intra quem vivunt. Quid prætereà? conspiciuntur coïre, & puto quòd si quis visu perspicax patienter attenderet, deprehenderet etiam ova posita, ex quibus suo tempore vivificatis nascuntur. Mille id genus alia omitto, ut concludam nec aliter discurrendum esse, etiamque de infectis aliis fugientibus nostram visionem simul cum industria omni dioptrica; scilicet, propter suum illud parvitatis excessum: Atque ita *licèt essent omnino invisibilia* infecta pestifera, de quibus quæstio instituta est, non ea propter oporteret negare illorum foecunditatem, imò affirmare tantò majorem, quantò ipsa minora sunt. Dixi, *licèt essent omnino invisibilia*, quia forsan per acutissimum oculum microscopio adjutum accuratissimo viderentur. At hoc experimentum esset periculosum; quia dum inspicerentur infecta illa, possent in experientem advolare: uti possent se

militer Pestifera illorum ova , pullulare interim & invadere illum. Mitto plurima , quæ possem hîc addere ad ostendendam non - impossibilitatem Systematis , de quo agitur : ac præsertim mitto , quatenus quæ hîc racentur , occurrent declaranda in solutionibus objectionum , quæ postmodum ordinatim fient contra possibilitatem dicti Systematis.

PROPOSITIO VII.

Nihil verisimilitudinis deesse isti Systemati de Insectis pestiferis.

1.
Qualiter
fiat verisimile hoc
Systema de
insectis pestiferis.

AD afferendam isti Systemati omnem verisimilitudinem, unde postmodum veritas inferatur , in hoc maximè laborandum est , ut vincantur præjudicia eorum , qui si quid ipsis est invisibile , aut impalpabile , aut imponderabile , aut utcumque aliter insensibile , id è numero rerum existentium , ac præsertim è numero rerum alicujus activitatis capacium

Nihil verisimilitudinis , &c. 81
capacium pertinaciter auferunt. Quicumque tamen , & quotquot illi sint , qui tam falsò de rerum parvitate insensibili judicant , non dubito quin deinceps aliter de illa judicent , si attendere voluerint ad ratiocinia & experimenta sequentia. *Ad ratiocinia* equidem ; quatenus apparebunt nihil esse magis rationi consentaneum , quàm ut admittatur nihil esse sensibile , cujus non solum *primò-prima* , sed etiam *secundò-prima* , & *tertiò-prima* , quin etiam *millèsimò-prima* componentia seorsim accepta nobis insensibilia non sint ; scilicet invisibilia , impalpabilia , imponderabilia , &c. Ac tum *ad experimenta* ; quatenus mentio fiet experimentorum , quorum ope plurima , quæ veluti nulla , aut omnino inactiva creduntur , fiunt conspicuæ quantitatis atque virtutis. Et sic quidem omnino verisimile fiet quidquid de insectis pestiferis affirmatur.

Primò - prima componentia ea ^{i i.} ^{Qualiter}
voco , quæ sunt principia materialia ^{oculi valde} ^{minores vi.}

deant objec-
ta valde mi-
nora.

cum nullis aliis adhuc conjuncta ;
& hæc sunt incomposita , ac proinde sunt atoma , sive insectilia : igitur sic accepta seorsim nulli sensui paterent , nulli etiam paterent , etsi jungerentur duo , etsi jungerentur tria , vel quatuor , vel quinque , &c. imò forsan etsi jungerentur centum , aut mille ; quia sic conjuncta conficerent corpuscularem moleculam adhuc ita parvam , ut non esset proportionis idoneæ ad ullum sensum afficiendum , ac præsertim humanum , de quo jam agitur. Nam si supponitur objectum minimum ex iis omnibus , quæ visui humano patere possunt ; ecce objectum millies minùs patebit oculo formicæ : & aliud isto millies minùs pateret oculo acari ; & adhuc aliud millies minùs pateret oculo talium insectorum , quæ sine microscopio non deprehendimus. Atque ita sine alio discursu intelligitur esse innumerabilia millia molecularum , etiamque compositarum ex multis millibus partium primordia ;

Nihil verisimilitudinis , &c. 83
lium materialium , five atomorum ,
quæ attingi ab oculo humano non
possunt.

Tum moleculas istas ita parvas ,
ut visum humanum omnino fugiant ,
esse posse organicas perinde ac inor-
ganicas constat , quia mille ac mil-
lies partes continent conformabiles
in multa diversa corporalia organa ,
intra quæ reclusæ fuerint , & huc
atque illuc ferantur exilissimæ simul
omnium ac mobilissimæ parvitates
illæ , quæ ob id , quòd nihil ferè
participent de crassitie ac tarditate
corporea , passim vocantur *spiritus*.
Res certa est , si tantum agitur de
moleculis organicis & animatis ;
quas per oculos inermes non attingi-
mus ; nam in argumentum quòd
sint , ecce per microscopia depre-
henduntur ; & rursus ad parem cer-
titudinem accedit , si consideratur
insecta illa omnium minima , quæ
possunt per microscopia deprehendi ,
oculos habere , quos necesse sit esse
capaces videndi alia insecta , & for-
san millicies minora.

ratio permetteret admittere insecta alia minora aliis in infinitum ; nam illa eadem ratio , quæ demonstrat esse debere particulas materiales primordiales ita parvas , ut nulla esse minor possit , demonstrat pariter esse posse insecta ita parva , ut esse alia minora non possint ; uti quia pro constituendis organis ad vitam sufficientibus, requiritur certus numerus partium organicè disponibilium : sicque perveniri potest ad numerum, relativè ad quem nullus inferior sufficiat ad organicam vitalem dispositionem.

IV. Hæc veritas demonstratur ex pulvere intra solarem radium assurgente, relabente, &c. Neque de cætero mihi opus est ; pro afferenda omnimoda verisimilitudine meo Systemati, descendere in enucleationes tam singulares : mihi quippe abundè est probare v. g. moleculas illas , quas per aërem videmus intra radium solarem mille generibus & modis motuum assurgentes , relabentes , gyrantes nunc concentricè , nunc excentricè & efficientes veluti columnam sursum deorsum mobilem, &c. esse molis plùs

quàm sufficientis ad suscipiendam ex partibus, unde consurgunt, aptè adunatis organicam & vitalem conformationem: sic enim fierent tot animalcula volitantia, quæ pariter intra prædictum Solarem radium videremus. Jam verò quid clarius, quàm hanc conformationem esse possibilem, attento quòd per opem microscopii videmus animalcula, quæ non apparent majoris molis, quàm prædicta corpuscula illa aërea intra radium Solarem visa? Unde necesse est ut numerus partium illa componentium sit major numero earum, ex quibus constant animalcula, quæ nisi per microscopium non videntur. Id, inquam, necesse est; quia si ad organa vitalia sufficit numerus minor partium, major plùs quàm sufficiet.

Tum verò quia corpusculares illæ moleculæ, quæ intra radium solarem videntur, extra illum non videntur, nunquid idem accideret in similibus corpuscularibus moleculis

V.
Si pulvis ille
esset animatus, perinde intra radium Solarem videretur, sed extra non videretur.

animatis ? Atque ita essent in aëre innumera insecta volucra , quæ in oculos humanos non incurrerent , nisi quando reperirentur intra idoneum Solarem radium . Et rursus quia corpusculares illæ prædictæ moleculæ , si videntur intra radium Solarem , id habent ex collectione ipsarum ; nam aliæ seorsim ab aliis , nec intra illum viderentur ; quare non idem opinabimur de insectis volucris paris utique parvitatibus ? ita quòd nec intra radium Solarem viderentur , nisi forent valdè collecta . Ac tandem quantò minùs videri possent , etiam collecta , si forent milles minora , qualia essent , si utique accederent ad parvitatem , quæ est animalculorum , non aliter , quàm ope microscopii visibilium , ac ferè sub forma puncti sponte mobilis .

V I.
Refertur
experientia
culicum in-
tra radium
Solarem ap-
parentium ,
maximèque
in vere.

Addo ad abundantiam convictio-
nis pro possibilitate insectorum vo-
lucrum occupantium aërem , &
nihilominùs fugientium aciem visus
humani ; addo , inquam , pro ista
convictione , hoc experimentum ,

Nihil verisimilitudinis, &c. 87

quo præsertim sub initium veris, & deinceps, quando calidulus est aër, videmus, in hoc aëre per Solem illustrato, turmas culicum in omnem partem volitantium: sed si aëri obscuritas quædam accidit, turmæ illæ culicum jam non videntur: quantò minùs seorsim singuli viderentur. Et nihilominùs occupant perinde aërem, ac tum, & in domos, & in cubicula subintrant; quin etiam simul cum aëre invadunt pulmones; quare si culices isti nocivi essent, clarum est, quòd ægritudo non una propter ipsos ita spiratos contraheretur. At è contrà conjicitur illos esse salutiferos; quatenus aër vernus, qui culicibus illis abundat, comperitur ut plurimùm salubrior aëre cujusvis alterius annuæ tempestatis.

Cæterùm quo tempore abundat aër istis culicibus, accedere ac nidificare hirundines solent; & certè quòd hirundinibus cedant in pastum, in argumentum est, quòd istæ volucres totâ die volitent huc atque

VII.
Ut in aëre
sunt culices
invisibiles
salutiferi,
possunt in eo
pariter esse
culices pestiferi.

F iv

illuc per aërem , non quarentes
 alibi quicquam , unde se ipsas &
 pullos suos innutrient. Quis scit an
 etiam in aëre non volitent longè
 minores alii culices , unde isti pa-
 riter nutriuntur ? Sed neque rursus
 necesse est in istas minutiores confi-
 derationes venire , quando jam obti-
 nemus per aërem insecta , quæ à
 nobis , nisi Sol valdè luceat , non
 videntur , imò neque sic videntur , si
 non se offerunt turmatim nostro
 conspectui. Hinc si possunt esse per
 aërem culices salutiferi , qui à nobis
 non videantur , quare pariter esse
 non possent culices pestiferi per
 aërem sparsi , qui per externam ,
 aut per internam , aut per utramque
 appulsionem nos perimant.

V L I I I.

Afferitur
 aliud expe-
 rimentum
 de pediculis
 visibilibus ,
 qui pruritum
 efficiunt.

Transeo ab isto genere volucrum
 invisibilium ad genus aliud animal-
 culorum repentium , de quorum
 existentia constat , licèt sint invisi-
 bilia pariter : hæc sunt animalcula
 pedicularia , quæ in pedibus pue-
 rulorum causare solent graves pruri-
 tus. Circa quem morbum refero ,

Nihil verisimilitudinis, &c. 89
 quod legitur apud Aldrovandum,
 L. 5. de Insectis, p. 557. Curatur
 iste pruritus cum ovis recentibus
 induratis, quorum albumina frustim
 incisa inter duas tenuissimas vittas
 illigantur: post multas horas pedi-
 culi inficiunt superficiem vittæ inte-
 rioris, nec videntur; sed si vitta su-
 per prunas excutitur, audiuntur
 crepitare: ideo autem sic crepitare
 audiuntur, quia in unum conveni-
 runt: atque ita crepitus, qui si pau-
 corum pediculorum esset, non audi-
 retur, auditur, quia pediculorum
 turba est, quæ vittam internam
 infecit. Possunt esse cum istis invisi-
 bilibus pediculis, etiam multa illo-
 rum ova, & forsitan adhuc magis ex
 istis ovis provenit iste crepitus, qui
 auditur.

Est ultra *φθερσιαν* istam invisibi-
 lem, alia visibilis; sed cujus princi-
 pia non sunt minùs invisibilia. Ecce
 enim, ut nimis notum est, corpora
 humana sunt, è quorum carnibus
 prodeunt pediculi multi, & equidem
 aliquando ita innumeri, ut corpus

IX.
 Proponitur
 invisibilitas
 ovorum, unde pediculi
 visibiles
 oriuntur.

exedant , etiamque lethaliter. Hoc autem provenire non potest , nisi quatenus *animalcula id genus vivificata , vel eorum ova postmodum vivificanda* , admissa intra corpus fuerint , vel per cibum , vel per potum , vel per aërem adspiratum , aut aliter utcumque : ac deinde veluti sudorificè à centro ad circumferentiam repelluntur , scilicet generatim à venis in omnem superficiem corporis. Dixi *animalcula id genus vivificata , vel eorum ova postmodum vivificanda* , quia nempe ad rem istam sufficerent talium animalculorum ova , quæ esu vel potu sumpta , vel huc illuc lata vi aëris , & unà cum illo spirata per pulmones venirent in compositionem atque texturam sanguinis , in quo foverentur ad vivificationem , & exinde diffuerent instar sudoris per poros obvios. Atque in hac opinione Authores multi rerum naturalium studiosi consentiunt Plinio , qui de phthiriasi , seu morbo pediculari sic loquitur , L. 26. c. 13. *Nascunturque in san-*

Nihil verisimilitudinis, &c. 91
guine ipso hominis animalia exesura corpus : & alibi, L. II. c. 33.
Nascuntur in carne exanimi, & viventium quoque hominum. At hæc nativitas facta, sive in sanguine, sive utcunque in carne corporis, supponit ova, unde pediculi extri-centur.

Neque mirum videri debet quod ^{X.} dico de ovis istis, quæ sic invisibili- ^{Pulveres, quos vocamus impalpabiles, sunt sufficientis molis ad organa vitæ.} ter corpus invaderent; nam potest illorum exilitas non superare parvitatem granulorum componentium certos pulveres, quos *impalpabiles* vocamus, ob id quòd nullo tactu dijudicari possit, cujus superficiei sint granula illa, an lævis, an asperæ; cujus figuræ, an sphæricæ, an cubicæ, &c. tum verò granula illa, licèt seorsim invisibilia, omninoque impalpabilia, imponderabilia, &c. si per microscopium inspiciuntur, videntur utique habentia superficiem, alia quidem asperam, & alia lævem: item figuram, alia quidem cubicam, alia sphæricam, &c. quin & simul videntur omnia seorsim

molem habentia , quæ sufficiat ad internam dispositionem organicam germinis latentis , vivificabilis atque dilatabilis in animal , sicut ovorum est ita vivificari & dilatari. Et nè quid dicam de pulveribus ad impalpabilitatem chymicè præparatis , perinde potest peti exemplum ex pulvere , qui invisibiliter simul atque impalpabiliter vestes inficit : tum verò si succutiuntur , excutitur pulvis , qui super vitrum exceptus , ac deinde per microscopium inspectus , apparet divisus in granula , quæ ova esse possint : uti sæpè ova sunt , quæ in vestibus manentia & in eis idoneè fora , deinde vivificantur in tineas , blattas & alia id genus insecta , quæ pannos erodunt.

X I.
Qualiter
esse sparsa
per aërem
possint in-
secta , quæ
nullatenus
videantur.

Jamque satis clarè ostensum est innumera esse per aërem insecta & eorum ova , quæ videri nullatenus possint , nempe ob parvitatem , quæ secundum regulas opticas est insufficiens ad reflexionem copię radio-rem necessariæ pro afficiendo , ut par est , organo visionis. Ob hanc

Nihil verisimilitudinis , &c. 93
causam lièt videamus v. g. pulicem , non videmus tamen illius oculos , ac multò minùs oculorum cæterarumque partium pilos , aut apices pedum , &c. Unde nullæ paris parvitatis moleculæ , quæ per aërem essent sparsæ , aut in corporum superficiebus sederent , ullatenus viderentur. Quod autem oculus pulicis per microscopium videatur , id provenit ex dispositione lentis sphæricæ , ad quam pertinet colligere radios , qui sic collecti perveniunt satiscopiosè ad oculare punctum , in quo fit visio : sed neque lens illa sphærica id præstaret , nisi prædictus pulicis oculus esset ad distantiam modicam , extra quam microscopium esset prorsus inutile. Neque de cætero hîc dicam de conformatione oculari ad visum plùs minùsve acutum , aut obtusum nihil non conferente ; sed tantùm generaliter dicam , quòd servatâ proportionè inter magnitudinem oculi & distantiam objecti , oculi minores objecta minora vident. Hinc si oculus humanus sup-

ponitur millies major oculo pulicis;
videbitur ab isto res millies minor eâ
minimâ, quæ videri ab oculo hu-
mano posset.

XII.

Affertur
causa talis
invisibilita-
tis, & peti-
tur ex cras-
sities aeris.

Denique obstat præsertim quin
plurima insectorum genera per
aërem sparsa, & eorum ova cor-
poribus passim incidentia, videantur;
obstat, inquam, crassities aëris
intercepti, videlicet inter oculum
& objecta illa exilissima, quæ vix
sunt proportionaliter aëre crassiora.
Unde fit ut lumen in illa incidens,
quod valde modicum est, disperda-
tur propter obicem medii percur-
rendi: quo pacto si aër longè cras-
sior atque spissior esset, objecta cæ-
teroquin majora nullatenus viden-
rentur: sic nec è propinquo viden-
tur turres Urbium & ipsæ Urbes,
quando aër est per vapores nimium
incrassatus. Ut ergo se habet ma-
ior aëris crassities pro impedienda
visione objectorum majoris molis,
ita se habet minor illius crassities ad
impediendam visionem objectorum
minoris molis: atque in hunc mo-

Nihil verisimilitudinis, &c. 95
dum, licet alia non intercederet
causa, non esset mirum, si non vi-
derentur, & insecta, & eorum ova,
quæ dixi. Añ, licet alia non inter-
cederet causa; quatenus etiam su-
blatâ omni aëris intermedii crassitie,
nihil indifferenter ex omni distantia
videretur, ob insufficientem radio-
rum collectionem in oculo, quoties
objectum nimis distaret. Hoc no-
runt quotquot vel ipsa rudimenta
Optices didicerunt.

Neque prætereà parum confert XIII.
ad invisibilitatem insectorum, de Alia pro-
quibus dictum est, quòd nec ipse aër fertur causa,
sit visibilis. Ecce visio paratur per quæ petitur
incidentiam luminis in objectum, ex ipsa invi-
& ejusdem luminis remissionem ad sibilitate
sensum: (& hæc est visio reflexa, aëris, de
quæ una spectat ad casum præsen- qua redditur
tem.) Quare si accipiatur illa prima ratio,
& immediata aëris superficies, quæ
ambit oculum, hæc utique permittit
transitum luminis; at quomodò
illud reflecteret ad oculum, si tangit
illum immediatè, ut supponitur?
Ob eandem rationem secunda super-

ficies nihil luminis reflectet ad primam, nihil tertia ad secundam, & sic de cæteris. Hinc aër est invisibilis : hinc etiam quantò magis aliquid accedit ad tenuitatem aëris, tantò minùs erit visibile, quia sic magis conformatur cum aërea superficie, quæ non habet unde lumen reflectat & remittat ad oculum. Sed tum quia nihil est tam tenue, quod sit conforme omnino aëri, hinc videri equidem potest ; sed magnâ luminis copiâ indiget : quæ causa est, ut intra radium Solarem plurimas moleculas videamus, quæ extra illum non videntur. At si forent minores millies, unde habemus quòd intra Solarem illum radium viderentur ? Probabilius est, quòd non viderentur : cùmque insecta pestifera ex antedictis possint esse millies minora illis moleculis, quandoquidem non sine microscopio videntur animalcula paria illis sine microscopio visis, consequens est nihil jam ultra desiderari ad absolutam verisimilitudinem Systematis expositi hætenus de insectis

Esse Argumenta multa , &c. 97
infectis pestiferis : aut si quid desideratur , id *afferetur* inter solutiones poriorum difficultatum , quas mihi propositas audivi , aut proponi aliquando posse conjicio. *Id* , inquam , *afferetur* præter hæc multa , quæ in Propositione sequente vim habent ad elucidandum simul ac stabilendum prædictum Systema.

PROPOSITIO VIII.

Esse Argumenta multa , quæ invictè oppugnant omne aliud Systema distinctum ab isto , quod est de Infectis pestiferis.

LAUDANDA est consuetudo Physicorum , qui pro exponendis quibuscunque propositis Naturæ phænomenis , retinent Systemata , quæ ab antiquioribus Magistris jamdiu fuerunt constituta : honestè ac decenter præsumitur illos hæc non ita constituissè , atque in posteros transmisissè , nisi post longa & seriâ

*Si
Venerari
oportet anti-
qua Systemata ; sed in
quo deficiunt , deservenda sunt.*

studia , quibus paria non datur omnibus aggredi & exequi. Sed nihilominus non sic in anterioribus illis studiis confidendum est , ut non credatur posteriora quædam esse posse illis feliciora , & ad veritatem accedentia propius. Saltem nostrum est , si laborare nolumus vitio cæcæ ac pigræ credulitatis , illa in examen adducere , ac tum audacter repudiare , casu quo in illis retegatur falsitas , aut fatuitas aliqua. Ob hanc causam Viris eximiè doctis quibusdam sæculi proximè antecedentis contigit attendere seriò ad Systema Peripateticum de formis substantialibus & accidentalibus , per quas à tot sæculis Aristotelici exponebant Naturæ phænomena plurima ; cumque in eo nihil veri ac solidi deprehenderent , illud omnino abdicaverunt , & novam Physicam induxerunt ita munitam ratiociniis & experimentis , ut hac ætate pauci admodum retineant antiquas illas Peripateticas de geniminibus forma-

Esse Argumenta multa , &c. 99
rum substantialium & accidentalium chimæras.

Jam itaque à pari si suppositis
maturo examini omnibus causis ,
quas Physici , aut Physico - Medici
hactenus tradiderunt , esse Pestis conf-
titutivas ,prehenditur eas nihil
esse præter verba & voces , haud
dubiè fas erit excogitare Systema
aliud , & illud proponere ; præfer-
tim quando non desunt rationes &
experientiæ multæ , quæ illud sua-
dent , & fuerunt hactenus satis ex-
positæ. Atque ut non reputer ni-
mis leviter reprehendere causas præ-
dictas , quasi à me vel incognitas ,
vel incomprehenfas , de summa illa-
rum dicam sufficienter ; ac deinde
illas æquè sufficienter impugnabo
sex potissimis argumentis , quæ
uno conatu , & illas arguent fal-
sitatis , & novis ad hoc meum
præsens Systema spectantibus , om-
nem veritatis vim & formam con-
ciliabunt.

Autiores , qui medicè tracta-
verint de Natura Pestis , innumerè
occupantur

in confide-
randa prog-
nosi & diag-
nosi Pestis.

sunt : qui de illa tractaverint physice, vel certè physico-medice, pauci sunt : & hi quidem hætenus nihil bene physicum attulerunt. Omnes generatim fusissimi sunt in conglorandis & ad multas paginas dilatandis signis tum internis, tum externis Pestilentiae. Quando semel coeperunt loqui de re pathognomonica, uti de siti ardente, de inquietudine laboriosa, de ariditate faucium, de nausea, de vomitu, de cephalalgia, de lipothymia, de spasminis, ac tum de sudoribus frigidis, de eruptionibus sanguinis, de halitu foetente, de facie cadaverosa, de terroribus, de convulsionibus panicis, &c. & postea de bubonibus, de anthracibus, de maculis, de ulceribus, de vesicis, &c. suborientibus in inguine, sub axillis, pone aures, &c. nunquam finiunt. Inde veniunt ad remedia, vel quæ ipsi tentanda proponunt, vel quæ ab aliis tentata exscribunt pro curandis illis omnibus ac singulis signis pestiferis : & hæc rursus nunquam finiunt : sicque

Esse Argumenta multa, &c. 101
suos de Natura Pestis Tractatus clau-
dunt, antequàm de illa vel quid mo-
dicum dixerint, quod non possit pro
nihilò computari.

Cæterùm illa omnia signa pestife-
ra quid nisi morbi sunt, qui vel om-
nino ipsi, vel quibus omnino simi-
les perinde accidunt homini extra
casum Pestis? Nempe cum hoc
tantùm discrimine, quòd extra ca-
sum istum contagiosi non sunt:
quare talium signorum veritas dig-
nosci per solum contagium potest;
ita quòd salvo contagio declarari
morbus nullus possit pro indubitatè
pestifero. Hinc nesciri quid rei
physicæ sit Pestis, potest, nisi unà
sciatùr quale sit ejus contagium: &
ita quidquid afferatur, in quo affir-
metur Pestem consistere, si hoc
ipsum contagiosum non est, Pestis
non est: atque in hoc præsertim
posita erit vis Argumentorum, quæ
ordinatim hîc proferam contra com-
muniores opiniones de Physico
Pestis constitutivo, quòd valdè ne-
gligenter fuit hætenus quæsitum.

IV.

An aliquis
morbus sit
verè pesti-
fer, dijudi-
cari solidè,
nisi ex con-
tagio, non
potest.

Namque apud plerosque illorum , qui etiam prolixiùs tractaverunt olim de Peste , vix circa physicum illius constitutivum reperitur , nisi posse morbos pestiferos prodire ex nimia copia salium nimix volatil-
tatis & acrimoniæ ; unde inferunt consistere in illis omnem physicam entitatem Pestis. Tum cæteri , qui deinceps scripserunt , aut etiam his hodiernis temporibus scribunt , quid addunt , nisi quòd sales illos corrosivos designant nominibus mercurii , nitri , salis communis , vitrioli , &c. ex quibus coincidentibus aiunt fieri moleculas superficiem habentes valdè asperam , hirsutam , aculeatam , hispidam , spineam , atque ita variis variisque modis læsivam temperamenti partium viventium , in quas inciderint ? Hinc ut plurimum moleculas id genus , quas *pestiferas* vocant , cum hericiis comparant , quibus dum se conglomerant aut dilatant , proprium est posse nocere undique per pilos

Esse Argumenta multa, &c. 103
rigidos, quos infigunt.

Deinde isti Authores non immerito suis ex his principiis colligunt regiones calidiores, quæ talibus effluviis mercurii, nitri, viatrioli, &c. conformabilibus in moleculas ita nocivas abundant, esse magis Pesti obnoxias, ac tum ex illis in alias Pestem transferri; sed postea de modo, quo transferatur & de modo quo translationis suæ non habeat finem, atque ita de contagio Pests physico, nihil physici afferunt. Unum tantummodò & alterum Authorem legi, qui cursim scripserit contagionem Pests evenire ad modum, quo farinæ subactæ sit fermentatio, quæ licet ab initio modica sufficeret successivè pro fermento totius farinæ subagibilis, quæ in Mundo est: aut aliter ad modum, quo sufficeret pariter modicus ignis ad urenda ligna omnia, quæ in Mundo sunt, si ad illum è propinquo admoventur. Sed postquam paritates istas, in speciem splendidas, attulerunt, nullo ratiocinio

v.
Intracta re-
linqui solet
difficultas
præcipua,
quæ est de
transferibili
Pests con-
tagio.

illas communiunt ; satis est si dixerint paritates esse, licet, dum propius inspiciuntur, deprehendatur nihil in tali fermentatione, aut combustione aucta comperiri, quod cum vero contagioso incremento Pestis veniat comparandum. Qua de re mentem meam suo loco aperiā fuscè inter solutionem objectionum, quæ contra præsens Systema de infectis pestiferis ordinabuntur in Propositione sequente. Venio interim ad Argumenta quæ promisi pro veritate dicti Systematis abundantius stabi-
lienda.

ARGUMENTUM PRIMUM.

Y. I.
Qualiter
nulla efflu-
via venena-
ta, ut arse-
nici, anti-
monii, &c.
possent esse
contagiosa
inftar Pestis.

DEMUS esse Regiones aliquas, ut in Ægypto, calidas, quæ abundant effluviis minutissimis simul & sparsissimis mercurii, nitri, vitrioli, salis communis, sulphuris, & similibus conformabilibus in massulas, sive moleculas, quarum superficies asperitate suâ noceat, tum solidis, tum fluidis, tum externis,

Esse Argumenta multa, &c. Totum internis corporis humani partibus, atque in hunc modum, ut inducta vitiatio, fiat mortifera. Quid inde? Clarum est, quod homines, quorum externa, aut interna, aut simul utraque dispositio corporalis vadè notabiliter vitiabitur per massulas prædictas pestiferas, propriâ suâ vel extraneâ vehementiâ impulsas, vitam cum morte commutabunt. Rursus clarum est, quod tantò plures simili fato erunt obnoxii, quantò magis aër abundabit talium massularum copiâ, & erit in ampliùs spatium dilatatus: in hoc siquidem casu de aëre sic vitiato discurreretur, ut generatim discurritur de aëre, qui variis arsenici & antimonii, & aliis qualibuscunque spirabilibus venenatis flatibus esset plus minus, & ad brevius aut laxius spatium imprægnatus. Sed tum venenatorum flatuum illorum copia limitata esset; & ita si supponeretur sufficiens ad necem habitatoribus inferendam in toto intervallo milliarium decem, sufficientiam illam amitteret hoc ipso,

quòd ad intervallum amplius dispergeretur. Hinc autem satìs apparet quantum venenata hæc lues differret ab ea, quæ verè pestifera est, & idcirco ita contagiosa, ut sæpissimè non decrescat eundo, sed crescat.

VII.

In ea hypothesis non
posse transferri
ferri copia
Pestis mor-
talis.

Addo quòd non modò cresceret nunquam, dum transfertur, prædicta molecularis veneni copia, sed neque transferri posset sufficienter ad interitum vel uni homini affrendum. Atque ut id probem, assumo exemplum familiarius, quo, heu nimis! compertum est Pestem transferri per pannos ibi confarcinatos, ubi Pestis grassatur, & deinceps quâcunque unctione aliò delatos, etiamque longissimè. Ac tum dico illud venenum, quod in pannis confarcinatis involveretur, fore plus quàm sufficiens ad vitam adimendam illis, qui pannos confarcinarent: ad hoc enim opus est illos palpare, illos pertrahere, illos succutere, illos complicare, illos colligare, &c. ac proinde si qui ligant non pereunt, quâ ratione peribunt

Esse Argumenta multa, &c. 107
qui solvunt? Cubiculum intelligamus halitibus venenatis impletum, & esse hominem, qui ingreditur, ut pannos qui in eo sunt, complice atque consarcinet more consueto, annon plùs veneni hauriet, quàm recondat; atque ita si non exstinguitur, non colliget satis veneni ad extinctionem alterius.

Et adverto præterea, quòd si venenum illud, quod *pestiferum* vocant, consistit in talibus massulis, sive moleculis suâ superficie asperis, valdè ac rigidis, ac tandem hericiorum instar ab extrinseco hirsutis, quò magis cædentur & addensabuntur panni, ut cædi & addensari moris est pro consarcinatione magis idonea, eo magis intra pannos illos intricabuntur, ita quòd extricari deinceps non possent absque succussionibus violentis. At nihilominùs sola talium pannorum solutio, aut levissima explicatio sufficit, si vera quædam Pestis in eis latuit, ad hoc ut Pestem illico contrahant, quotquot illos solvunt & explicant, imò

VIII.

Tum ad transferendam Pestem panni magis villosi essent minùs apti: quod est contra experientiam.

quotquot illorum solutioni & explanationi satis è propinquo adsunt. Unde *meritò infertur Pestem esse quid diversissimum à predictis moleculis è mercurio, nitro, vitriolo, &c. compactis, & in quamcunque superficiem asperam conformatis.* Imò adhuc quò asperior esset hæc superficies, & quò magis pilosi essent panni, eò longè difficilius fieret extricatio illarum, & eò lentius ac tardius noceret, si tandem noceret : cum nihilominùs per experimentum valdè contrarium verificetur Pestem copiosius transferri per pannos villosiores : hinc gossipinæ sarcinæ præ omnibus cæteris mercibus secum plus Pæstis afferunt. Quare rursus, ut aiebam, *meritò infertur Pestem esse quid diversissimum à predictis moleculis, &c.* quandoquidem præter hoc, quòd è pannis aliisque mercibus villosis extricari non possent, licèt extricabiles supponerentur, non haberent agitationem, qualem habuissent in nativis regionibus calidis ; & licèt adhuc haberent

Esse Argumenta multa, &c. 109
 parem agitationem , saltem nullâ
 novâ multitudine augerentur , ob
 id quòd aliæ Regionēs , ad quas
 supponerentur pervectæ , non iisdem
 mercurii , nitri , vitrioli , &c.
 sparsis per aërem effluviis abunda-
 rent. Igitur saltem per id genus
 prædictas moleculas non posset ex-
 poni Pestis contagium , in quo ta-
 men id , quod maximè Pestis est ,
 haud dubiè consistit.

ARGUMENTUM SECUNDUM.

O PORTERET attendere, quòd
 si pestis consisteret in multi-
 tudine molecularum coalescentium
 ex particulis mercurii , nitri , vi-
 trioli , &c. in superficiem undique
 asperam & hericiorum instar forma-
 tis , ad retardandos & sistendos mo-
 tus , per quos externas , aut inter-
 nas corporis viventis partes exulce-
 rant , nihil opportunius videretur ,
 quàm opponere peristromata , vesti-
 menta , & quæcunque involucria
 valdè pilosa lanæ : sic enim dum

IX.
 In eo casu
 oporteret pa-
 vimenta ster-
 ni & mœnia
 vestiri pan-
 nis valdè pi-
 losis.

110 *Propositio oétava ,*

his texturis irremeabiliter inhærescerent , nihil detrimenti afferre deinceps possent. • Et nihilominus in Urbibus atque domibus Peste tactis experimentaliter scitur , quantum ex adverso noceant peristromata , & vestimenta , & quæcunque involucra illius generis : hinc parietes nudantur & in usu potiori sunt quæcunque vestimenta , sive serica , sive linea multum crassa : quin etiam obducta cereis linituris : nempe ut longius abigatur id , quod Pestis est , dum nihil è propinquo invenit , ubi quiescat & adjaceat ad nocendum facilius. Hic autem agendi modus , qui per experientiam tutior dignoscitur , dum Systema commune de prædictis inanimatis moleculis destruit , simul adstruit nostrum de insectis voracibus , quæ videlicet magis inhærescunt vestibus villosis , & in eis commodius foveantur ; sed postmodum per illas ad cutem pertingunt , aut ex illis avolant & spirantur cum aëre. Hoc autem , quod dico de istis insectis , æquè verificatur de

Esse Argumenta multa, &c. III

illorum ovis, quæ utique indumentis villosis adhærentius conjunguntur, & convenientius foventur ad vivificationem perniciores: sic autem vivificata propius instant homini ad extrinsecam & intrinsecam læsionem.

Hinc in opinione omnium est, quod si quis se posset totum contingere vitro, adhiberetur etiam larvæ vitreæ faciei, ut ut posset fieri, adaptatâ, sic longius à se Pestem abigeret; & reverà id nostro Systemati pariter convenit, quia insecta & insectorum ova vitro *non ita facile*, ut vestibis solitis, inhærent; sed tum comedere, bibere, loqui, spirare opus est: & ita dehinc instabit periculum Pestis incurrendæ ob id, quod prædicta insecta, & illorum ova nonne insident aëri, cibo, potui, &c? Cæterum etiam quod de illis dixi, videlicet quod *non ita facile* vitro, ut vestibis cæteris inhærent, fortè verius omitti potuit: cum enim videamus muscas & culices in speculis tersissimis perpen-

Y.
Et nihilominus magis præstat muros nudari, & quidquid valde pilosum est inde abigi.

dicularibus, non aliter quàm in muris
& pannis sic extantibus sursum ac
deorsum ire; ac ex omni parte
inambulare; quomodò non cogitabi-
mus animalcula illis millies & am-
plius minora pari facilitate vitro, ac
rebus quibuscumque cæteris inhæresce-
re: nempe ob non deficientes in
vitro poros capacissimos excipiendi
prædictorum insectorum vestigia.
Et exinde præsertim nascitur diffi-
cultas summa, imò impossibilitas
abigendi ab accessu, & incurfu, &
flatu nostro luem animalem illam
pestiferam, & omnem pestiferum
illius foeturi.

ARGUMENTUM TERTIUM.

XI.
Refertur
privata quæ-
dant opinio
de moleculis
mercuriali-
bus consti-
tuentibus
Pestem.

CUM omnino arduum sit, nè
dicam impossibile, videlicet
extra nostrum Systema de insectis
pestiferis, afferre causam physicam,
quæ Pestem augeat & promoveat ad
plures Urbes ac Regionem, eapro-
pter perpauci sunt, qui tentaverint
de illa vel obiter loqui; supponere
maluerunt

Esse Argumenta multa, &c. 113
maluerunt eam computandam esse
inter res, quæ humanæ comprehen-
sionis metas excedunt. Unum au-
dacio-rem cæteris inveni, qui præ-
ventus Pestem consistere in portio-
nibus mercurii, nitro, vitriolo, aut
quocunque alio salino effluvio ad
formam hericiacam investitis, affir-
mat provenire omnem Pestis mul-
tiplicationem ex illis portionibus
divisis, quarum segmenta, quâ parte
nuda sunt, statim novis id genus
salinis particulis, nempe ubique
abundantibus, in eandem formam
obte-guntur: quia verò materia, ut
putat, est divisibilis in infinitum;
hinc etiam, ut pariter putat, potest
unica id genus portio mercurialis;
quam *pestiferam* vocat, dividi in
multa millia portionum mercuria-
lium parem vim ac denominatio-
nem Pestis habentium: atque hoc
pacto Pestis poterit, etiamque in in-
finitum, multiplicari.

Sed si bene attendit Lector, huc
nihil advertit, nisi fisiones multi-
plicatas: nam quòd mercurius sit

XII:
Ostenditur
plures esse in
hac opinio-
ne fisiones

rerum phyfi-
carum veri-
tati contra-
dicentes.

materia ſubjectiva Peſtis , & quòd tota quædam modici mercurii portio ſit cooperta veluti rigidis quibuſdam pilis nitri , vitrioli , ſalis communis , &c. atque in hunc modum conglobata , ut hericii conglobantur , unde id Author probaret, ſi quis negaret ? Alia ruruſus eſt & ſolemnior fictio in hoc , quòd ſupponit diſiſionem mercurii ſubjectantis particulas nitri , vitrioli , &c, veluti factam in varia ſegmenta , quæ ſtatim novis id genus particulis congregantur : nam à quo dividitur ille mercurius ? & deinde quomodo quaſi ex condicòto, ubi dividitur , ibi reperitur nitrum & vitriolum ad illum ſimiliter obtegendum more hericii ? Ac denique fictionis incomparabilis eſt quod ait , poſſe quantulamcunque talis mercurii peſtiferi portionem dividi in portiones innumerabiles , quæ dum pariter inveſtientur , erunt totidem moleculæ pro peſtiferis reputandæ : nam tot diſiſiones , licèt eſſent abſolutè poſſibiles , hinc impoſſibiles eſſent ,

Esse Argumenta multa, &c. 115
quòd inassignabile sit agens à quo
fierent, & aliunde si fierent, annon
in eo casu segmenta, quæ sic in
infinitum minuerentur, non in in-
finitum amitterent vim pestiferam?
ac proinde Pestis divideretur qui-
dem, sed non augeretur; uti non
augetur auri copia, quando in plu-
res crumenas dividitur. Hinc quan-
doquidem omnes, qui pro quiddita-
te physica Pestis assumunt quales-
cunque moleculas asperas, hirsutas,
hispidas, & ex quibuscunque acri-
bus & volatilibus particulis habent
tibus vim veneficam compositas,
aut nullatenus, aut saltem non me-
lius explicant qualiter Pestis incre-
cat & multiplicetur, consequens est
constitutivum physicum Pestis esse
quid omnino aliud ab universis id
genus moleculis inanimatis quali-
tercunque ab intrinseco compositis,
aut ab extrinseco configuratis: vel
certè ex hoc uno titulo, quòd illis
nullatenus posse multiplicari, ut
Pesti, competit.

ARGUMENTUM QUARTUM.

XIII.
 Nulla in
 talibus mo-
 leculis con-
 figuratio ex-
 terna suffice-
 ret per se ad
 pestiferè no-
 cendum.

AUTHORES, qui entita-
 tem physicam Pestis expli-
 cant per inanimatas moleculas, illas
 quidem supponunt ita concretas &
 configuratas, ut dum invadunt cor-
 pus, exulcerare, corrodere, ac
 modis innumeris vitare possint par-
 tes illius consistentes & fluidas suffi-
 cienter ad necem ex inductis vi-
 tiis secuturam. Atque in hoc bene
 agunt Physicos; nam absque pari
 dispositione ad exulcerationem &
 corrosionem idonea nullum afferre
 corpori detrimentum pestiferum pos-
 sent. Sed tum ad hoc detrimentum
 corpori afferendum, nulla hujusmodi
 concretio, aut configuratio suffice-
 ret, nisi cum certa quadam vi &
 vehementia in prædictas corporis
 partes impellerentur. Ad quid enim
 sine hac impulsione valeret superfi-
 cies illarum qualitercunque aspera,
 vel hispida, vel hirsuta, & quibus-
 cunque investita spiculis atque acu-

Esse Argumenta multa, &c. 117

leis? Cultros, enses, falces, secures, omniaque talis generis arma offensiva intellige, sine motu: hæc licet ad omnem incisionem ac transverberationem idonea, nocebunt nemini. Intellige aprorum dentes, & urforum ungues, & Rhinocerotum cornua, & Elephantorum proboscides, &c. hæc omnia nemini pariter nocent, si contra neminem impelluntur. Quare dum cogitaverunt isti Authores de adaptanda suis illis inanimatis moleculis superficie ad pestiferam percussionem idonea, cogitare de vi percussiva debuerant, & eam illis ab intrinseco, aut ab extrinseco providere. Sed quomodo id potuissent extra nostrum hoc Systema de insectis volucris.

Ratio est, quia extra hoc Systema cogitari de moleculis illis nihil aliud potest, nisi quod ab aëre deferuntur, & sic in omnem partem feruntur, in quam aër, aut sponte fluit, aut coactè impellitur; sicque tota incurio Pestis ab incurione aëris dependeret. Hoc tamen falsum

XIV.

Quare præter figuram requiritur in his moleculis vehementia quædam vitalis sufficiens ad nocendum.

comprobatur ; nam nimis comper-
tum est , quàm inanis sit ad abigen-
dam luem pestiferam quæcunque
aëris agitati , seu venti ab omni cœ-
li plaga flantis , aut reflantis successi-
va mutatio. Certè omnis molecu-
larum illarum omnium confluxus sic
à vento propelleretur , ut fumus ; sed
neque aliter dispergeretur ; sicque
contingeret Pestem illico spargi &
abire in auras , amissâ potestate no-
cendi ; nec enim virus ullum no-
cet , nisi collectum ; vel tandem in
prædictis moleculis supponere opor-
teret vim intrinsecam resistendi com-
motionibus aëreis : sed resistentia
hæc intelligi sine virali conatu non
potest : ac multò minùs sine illo
intelligi potest pestifera invasio , quæ
post victricem resistentiam fieret.
Cæterùm si tot ratiociniis suadetur
admittendam esse in moleculis illis
vim loco - motivam , quasi anima-
ram , quare perfecta vis animata ,
seu animalis , non in eis potius ad-
mittetur ? vel præsertim quia illa non
sufficit , ista sufficit ad explicandum

Esse Argumenta multa, &c. 119
quodcunque assignabile Pestis incre-
mentum, in quo explicando Physi-
ci sunt operosius impediti.

ARGUMENTUM QUINTUM.

QUAMVIS hoc Systema de
insectis pestilentibus sit, vel
incognitum, vel improbatum Au-
thoribus, qui de Peste præsentem
scriptitant, Deo tamen volente, si quæ
pro illa removenda, vel curanda, sug-
gerunt Medicamina salutaria, hæc sa-
lutaria ideo sunt, quia vim habent ad
abigenda, vel ad enecanda insecta
illa, cæteroquin nullatenus pro-
futura, imò potiùs nocitura, si
Pestis in certo aliquo talium infec-
torum genere non consisteret. Ne-
que hîc loquar, nisi de suffitibus ge-
neratim, qui nisi vel incursum cædant
insecta, vel odore amoveant, quid
agent contra inanimatas moleculas
per aërem sparsas: huc atque illuc eas
potiùs incitarent quàm sisterent, vel
se illis ad perniciem majorem junge-
rent; vel ob id maximè, quòd suffitus

XV;
Qualiter
in contraria
hypothesi
omnes soliti
suffitus auge-
rent Pestem.

H iv

126 *Propositio octava;*

communiores fiunt ex sulphure, ex nitro, ex antimonio, ex pice, ex thure, ex myrrha, ex lasere, junipero, aloë aliisque multis bituminibus & lignis aromaticis resolubilibus in sales, per quos unaquæque pestilens molecula in molem commutaretur: vel si ex adverso divideretur molecula, cujus basis mercurialis supponitur, non deficerent ibi sales, qui factis segmentis illico adhærescerent; sicque omnia pestilentia fierent.

XVI.

Sic etiam Pestem nunquam curarent solita esus ac potus Medicina: & qualiter curarent.

Ac tum de omnibus esculentis & poculentis Medicatoriis, quæ ad amovendam vel curandam Pestem magis idonea creduntur, generatim tantummodò dicam talia esse, quæ abundant spiritibus congeneitatem majorem habentibus cum primigeniis & nativis, unde vitam accipimus. Sic quippe accidit, ut spiritus, qui nos vivificant, restaurentur ac roborentur ad pestiferi veneni repulsionem & extinctionem. Jam verò quòd isti spiritus ita restaurati & roborati abigere, ac insuper enecare possint insecta volu-

eria, de quibus sermo est, concipitur ab exemplo spirituum igneorum, quibus idonè ac sufficienter collectis illa utique non resisterent, sed intèrrent, neque ultra nocerent: habent autem spiritus, qui nos vivificant, activitatem non dissimilem igneæ, licèt igneâ, prout opus est, magis temperatam; sed de cætero sufficientem pro ar-cendis, aut etiam mortificandis insectis, quæ humanæ vitæ vim facerent. Unde si aliquâ viâ posset homo servare sibi ac providere talem spirituum vivificantium multitudinem, quæ ad perfectam valetudinem desideratur, nequaquam ab ullis insectis pestiferis læderetur; siquidem eveniret illis vel abigi, vel extingui.

Sed postmodum si consisteret Pestis jam, non in talibus insectis, sed in moleculis; ut aiunt, concretis ex mercurio, nitro, vitriolo, &c. superficiem habentibus valdè asperam, hirsutam, aculeatam, &c. quid contra moleculas illas efficient spiritus vivifici, qui sunt intra nos,

XVII.
Quæ sit vis
spirituum
vitalium
contra Pestem in nostra hypothesi: aliter nulla.

aut è nobis fluunt. An adhærebunt illis, an illas dividunt, an incitabunt, an sistunt: adhærendo augebunt; dividendo multiplicabunt; incitando roborabunt, & sistendo non immutabunt. Dracones intelligamus volantes, atque imminentes nobis, ut devorent: si sagittis confodimus, non nocebunt: sed tum, si loco draconum machinas ferreas intelligimus omni ex parte acutas suisque ponderibus super nos instantes casui, quid contra illas efficient sagittæ nostræ? possent immutare casum, sed impedire non possent: atque ita variari perniciēs posset, vitari non posset. Imminuamus nunc dracones illos, quos videremus, ad insecta pestifera draconibus pejora, quæ non videmus; imminuamus & sagittas ad ictus proportionem; atque hinc intelligemus posse insecta ista per humanos spiritus vitales, sive igneos, sive igneis æquivalentes, sagittari ad necem, posse contundi, posse transverberari, posse saltem sic abigi & dispergi, ut nihil potestatis ad nocendum retineant,

ARGUMENTUM SEXTUM
ET ULTIMUM.

EXTRA hoc Systema de in-
fectis pestiferis clarum est ,
quòd pro explicanda quidditate
physica Pestis , oporteat recurrere
ad aliquid corporale inanimatum ,
quod cum sufficiente multiplicitate
possit per superficiem suam asperam
lacerare, rodere , exulcerare, ac tan-
dem utcunque lethaliter vitare ab
extrinseco , aut ab intrinseco partes
humani corporis , nempe consisten-
tes , vel fluidas. Hinc Pestem consti-
tuunt in aliquo voracissimo corrosi-
vo : voracius autem aliud postulare
non possunt , quàm illud quod saxa
& metalla corrodit atque absumit ,
cujusmodi est aqua *fortis* , aut *rega-*
lis , ut vocant : & nihilominus deri-
deretur , qui talem aquam *Pestem*
vocaret : cùm è contrà nihil adeò
pestiferum sit , quod per eam non
illico esset voratum atque absump-
tum. Quare id præcisè , quod aptius

XVIII.

Si quid est
maximè cor-
rosivum ; id
constituere
physicè Pestem non po-
test : & qua-
re.

esset ad lacerandas , rodendas ,
exulcerandas partes qualescunque
internas, aut externas humani cor-
poris, minimè potest pro Peste accipi;
vel tandem pro Peste accipi possent
venena omnia , quibus id nativum
est , ut ulcus afferant partibus , quas
attingunt. Quin etiam penderet
multum Pestis inductio ab artifici-
bus Chymicis , apud quos viget
elaboratio talium spirituum pulve-
rumque omnis corrosionis capacium.

XIX.
Qualiter
nihil sit
commune
Pesti & sali-
bus corrosi-
vis.

Pergo jam & dico, quòd sicut en-
titas physica Pestis consistere præ-
cisè non potest in illis spiritibus &
pulveribus corrosivis , ita nec con-
sistere potest in qualibuscunque
corporeis moleculis , compositis aut
coopertis quibuscunque spiritibus
illis , aut pulveribus , aut salibus
aliis vim corrosivam habentibus :
licèt enim ad Pestem vis corrosiva
pertineat , non tamen omne quod
corrosivum est , Pests est. Ad Pes-
tem pertinet non ubique abundare :
& nihilominus illi spiritus , illi pul-
veres , illi sales , &c. hinc ubique

abundant, quod possint ubique confici. Ad illam rursus pertinet non impunè deferri: at illi deferuntur impunè, imò adhiberi possunt salubriter. Ad illam denique pertinet multiplicari: atque hic est scopulus, ad quem alliduntur acumina omnia opinionum, in quas extra Systema illud nostrum de infectis, sese Authores plurimi diviserunt: nam quidquid inanimatum est, dividi quidem potest, transferri, dispergi potest, sed multiplicari non potest.

Hoc tantum igitur superest, ut intelligamus esse in quibusdam Terræ Regionibus, ut in quibusdam thesauris divinæ vindictæ, latentia insectorum illorum semina, quæ vivificata occupant aërem, & hominem undequaque invadunt, infligendo ipsi extrinsecè & intrinsecè tot vulnera, sive tot ulcera, quæ uni lethali, plùs quàm prævaleant. Tum de istis infectis comprehenditur, quod sua rursus fundant semina, & ova pariant, quæ sive per aërem ferantur, sive quibuscunque corpo-

XX.
Quàm bene omnia
Pestis symptomata
cohereant
Systemati de infectis pestiferis

tibus lapsa inhærescant , dum vivificabuntur , & huc atque illuc volabunt , parem perniciem homini afferent : atque ita deinceps. Tum si , ubi hæc insecta sic multiplicantur & sæviunt , adsint panni ab illis & eorum ovis occupati , qui deinceps complicantur , & in Regiones alias deferantur , clarum est quòd dum explicabuntur , occasione erunt ad exclusionem insectorum ex ovis , quæ contenta in illis esse supponitur , si fortè antequàm explicentur , jam non sunt exclusa , jamque parata ad avolandum atque nocendum. Atque hîc supersedeo , nè quid repetam ex omnibus ac planè multis , quæ pro dissuadenda impossibilitate hujus Systematis , ac tum pro suadenda illius possibilitate , imò verisimilitudine ad certitudinem attingente , superiùs à me proposita & probata sunt.

PROPOSITIO IX.

*Nihil contra præsens Systema de
Insectis Pestiferis objici posse,
quod non pateat facillimæ solu-
tioni.*

HOC omni Systemati recenti,
aut recenter instaurato solet
accidere, quòd plerique contra il-
lud, veluti contra monstrum, insur-
gant, & enitantur, aut ad petram
allidere, aut suffocare in cunis:
adeò veritatem suis Inventoribus
vel Instauratoribus invident. Cæte-
rorum autem nemini veritatem in-
videntium mos est laudabilis tan-
tùm perquirendi quid illud sit, quod
de novo audiunt, & nondum capiunt.
Illis resistendum, istis obtemperan-
dum est. Quare præcipua quæ pos-
sent, aut malignè opponi, aut curio-
sè inquire, attexam hîc ordinatim,
ut per responsiones idoneas stabilia-
tur adhuc magis & illustretur hoc

I.

Quæ sit in-
ter Literatos
consuetudo
impugnandi
aut disqui-
rendi nova
Systemata..

præfens Systema physicum Pestis: Cæterum quòd reputetur *inventum*, aut *instauratum récenter*, meâ equidem parum interest: hoc tamen scio, totum id, quod ad illius substantiam spectat, mihi cogitatum antè fuisse, quàm ullibi lectus mihi esset vel unus apex eorum omnium, quæ ad illam suadendam & adornandam deinceps scripsi, utens ad rem meam cogitatis alienis, sed valdè dispersis, & quæ interpretari nemo possit; nisi veluti quædam initia, seu consilia, seu specimina Systematis, cujus elaboratio mihi relicta fuerit. Hanc autem lubenter communico, eo nempe fine, ut ubi ego Physicus desino, illinc incipiat Medicus meditari, quâ viâ possit, ut à necè nos liberet, necem inferre insectis illis, à quibus provenire arbitror virus omne pestiferum.

OBJECTIO PRIMA.

Attent. quòd
juxta hoc

SI quæ insecta pestifera essent; hujusmodi essent, qualia concipimus

primus posse nasci ex corporibus putrefactis, ex foetentibus excrementis, ex sordibus in cloacas coniectis, ac generatim ex rebus omnibus terre olentibus atque corruptis. Tum quid hinc sequeretur, nisi quod ob id genus materiam nimis intra & extra Urbes praesentem, lues pestifera frequentissime passim grassaretur? Et nihilominus constat eam grassari raro, saltem in Regionibus istis, imò potius nunquam, nisi ex Orientalibus quibusdam calidioribus deferatur, uti ex Aegypto. Hinc autem recte conjicitur Pestem non consistere in infectis ullis ex quacunque materia putri nascentibus, sed potius in salibus corrosivis, sive in moleculis per hujusmodi sales concretis, & abundantibus supra modum omnem in eis locis, ubi Pestis grassatur ferè per annos singulos: ergo inde ad nos transfertur, vel maxime per merces, illis, ut ita dicatur, impraegnatas, & ubicunque deinceps explicabuntur, perniciem hanc, quam

Systema
Pestis frequentius, &
in locis pluribus grassaretur.

vocamus *pestiferam*, allaturas.

III.

Sed non ex
omni mate-
ria, quam
quam putri-
nascuntur
infecta pes-
tifera.

Respondetur non in omnibus corporibus, seu putridis, seu foetentibus, seu quocunque pacto corruptis inesse omnia quorumlibet insectorum visibilium, aut invisibilium semina: imò quamvis inessent, vivificabilia tamen non essent per qualemcunque aëris plüs minüsve calefacti temperiem. Quare licet infecta pestifera invisibilia ex quibusdam corporibus putrefactis, & incalefactis per singularem aëris insidentis temperiem, possent exoriri, non sequitur ea pariter exortura esse, sine ullo delectu, ex omni putredine ututlibet temperata. *Non omnis fert omnia tellus*: nempe quia vel non iisdem seminibus abundat, vel quia si fortè illis abundat, non eandem in ea vivificationem possunt accipere, deficiente idoneâ, sive internâ, sive externâ dispositione: quod itaque verificatur de seminibus herbarum, plantarum, arborum, &c. quare non pariter valebit pro seminibus insectorum: Et certè si de

Nihil contra præsens; &c. 131
 Insectis visibilibus agitur, nihil tam
 compertum est, quàm pro mille va-
 riis generibus putredinum nasci mil-
 le varia genera insectorum, uti mus-
 carum, culicum, papilionum, &c.
 atque ita non aliter erit de invisibi-
 libus discurrendum. Nisi etiam quòd
 ut ex visibilibus, si quædam sunt
 benefica, scilicèt pro varia ipsorum
 patente, aut latente textura orga-
 nica, ita & non aliter discurrere de
 invisibilibus oportebit. Atque in
 hunc modum temerè crederetur
 omnia insecta invisibilia, quæ ex
 quibuscunque putredinibus, sive
 sordibus orirentur, fore pestifera.

Cæterùm vellem *primò* ut adver-
 terent Physici, seu paulò maturiùs
 considerarent id, quod vel inviti
 advertunt circa insectorum visibi-
 lium generationes quorannis & in
 statis tempestatibus comparentes;
 ita quòd suas scorsim ver, æstas,
 autumnus & hyems habeant, ac suc-
 cessuras constanter, videlicèt prop-
 ter semina, sive ova, de quibus,
 etiamque sæpè invisibilibus, nesci-

IV.
 Qualiter
 varietas
 tempesta-
 tum conse-
 rat ad va-
 rias genera-
 tiones insecto-
 rum,

mus ubi ponantur , suo tempore animanda. Sæpè quoque insecta ipsa ita ingeniosè sese occultant , ac præsertim per hyemem , ut tam ipsa , quàm ipsorum ova nesciantur. Vellem *secundo* , ut quid simile judicarent de invisibilibus insectis , quibus proinde , uti nec ipsorum ovis , defint sua loca idonea simul ac tempora pro successione ac comparitione generationum cohærenter ad anni varias tempestates. Atque hinc facillimum fieret , si præsertim hoc crederetur de insectis volucribus aëreis ; explicare differentias aëris , quæ penè innumerabiles sunt relativè ad id , quod est esse plùs minùsve sanum , aut malignum certis mensibus ac diebus anni , aut etiam horis diei. Ad illas siquidem differentias magis conferunt species & multitudines talium insectorum , quàm quidquid de vaporibus & exhalationibus vulgariter affirmatur.

v. *Possunt insecta invisib.* Hinc ulteriùs procederetur dicendo , quòd sicut ex visibilibus

infectis plurima sunt sic ad invicem inimica, ut aliorum copia copiam aliorum fuget aut fugiat, ad dispersionem usque, vel etiam extinctionem, sic pro invisibilibus potest accidere: atque ita fieret ea benefica, quæ aërem implent & salubriter spirantur, à veneficis, sive pestiferis advenientibus disperdi, vel etiam extinguui. Ad quod attendisse videtur Philo Judæus, in Libro de Gigantibus, ubi postquam dixit necesse esse, *ut aër sit plenus suis animalibus*, quæ nobis tamen *invisibilia sunt*, infert pestilentiam non aliunde accidere, quàm ex vitio aëris, qui, ut ait, *singulos animat*: unde subdit *etiamsi reliqua elementa nihil animalium parerent, tamen solum aërem animalia parere, quando singulari Opificis gratiâ indita sunt huic animarum semina*; nempe ad singulos animandos. Quæ & similia quædam alia, etsi raptim à Philone dicta, vim habent non modicam pro statuendo Systemate isto de infectis pestiferis.

bilis, perinde ac visibilia, sibi mutuo contrariari

V I.
Nulla se-
mina essent
verè pesti-
fera, si vivi-
ficari non
possent.

Neque postmodum expressâ & singulari ullâ responsione opus est ad rejiciendum id , quod additur de salibus corrosivis , uti mercurii , nitri , vitrioli , &c. abundantibus in Ægypto , ex quibus moleculæ pestiferæ fiant , & inde afferantur in alias regiones , uti præsertim operum mercium , quarum textura illas secum habeat implicatas : satis enim constat ex prædictis qualiter moleculis illis ututlibet corrosivis , & qualitercunque translatis nunquam conveniret vera pestis notio , quæ est contagii. Cæterum potest equidem fieri , ut semina pestifera ex hujusmodi salibus corrosivis constent : & Ægyptus potest his seminibus abundare : quin & abundare meritò creditur ; sed tum ibi nonnisi per idoneum caloris gradum vivificantur : quando autem semel sunt vivificata , tunc sunt infesta habitatoribus ; tunc adhærescere possunt , ut & ipsorum ova , mercibus ibi venalibus : ac tum merces istæ , quocunque translatae fuerint , ibi explicatae

suppeditabunt mala illa genimina ,
quæ per nares , per aures , per fau-
ces , per omnes corporis poros in-
volantia , perniciem lethalem affe-
rent, & illorum ova , ubi & quando
vitam accipient : atque ita deinceps:
& hoc illud verum est , quod ex ge-
nerationibus istis pender , conta-
gium.

OBJECTIO SECUNDA.

INSECTA hujusmodi pestifera ;
si quæ essent , non fortuito fie-
rent , sed ex seminibus , quæ Deus
ab initio creasset , & in hujus Mun-
di locis , vel multis , vel paucis re-
condidisset ad perniciem humani
generis. At probabile non est Deum,
qui tam multa bona paravit ad vi-
tam hominis , creasse id genus semi-
na tam immisericorditer homini no-
citura. Cæterum cum illa semina
invisibilia sint , ac nullo etiam sen-
su deprehendi possint ; quin etiam
nesciatur in quibus Regionibus sint
recondita, hinc omnino misera esset

V.
Añunt .
quod pro-
ductio semi-
num pesti-
lentium non
videtur per-
tinere ad bo-
nitatem di-
vinam.

fors hominum ubique ac semper victurorum in timore ac metu : sed longè miserior illorum esset , in quorum terra major esset seminum illorum copia : ibi enim Pestis frequentius grassaretur , ut refertur de variis Provinciis Ægypti : atque ita hoc esset magis mori , quàm vivere.

VIII.
Sed nun-
quid Deus
produxit se-
mina ani-
malium &
plantarum
nobis nocen-
tium ?

Respondetur ad Deum pertinere , ut vivificet & mortificet hominem ubi & quando, & quomodo voluerit : si tot animalium genera produxit ad victum , & ad vestitum , & ad famulatum illius , quare non etiam oportuit , ut alia produceret ad illius cruciatum atque interitum ? Cæterum quot animalia sunt plena veneno mortifero , aspides , basilisci , viperæ , bufones , scorpiones , & mille aliorum genera , quæ toties homini nocent ? An hæc Deus , & eorum semina non produxit ? an non pariter produxit semina herbarum innumerabilium , quarum esus est veneficus homini ? Cum ergo pertineat ad Deum pariter producere omnia mortis perinde ac vitæ se-

Nihil contra præfens, &c. 137
 mina, quomodo non ad illum
 pertinebit productio istorum, quæ
 vocamus *pestifera*? Neque obstat,
 quod hæc præ omnibus mortifera
 sint, quia in manu Dei perinde est
 omnium ac paucorum vita hodiè,
 aut alio tempore finienda: liber &
 arbitrarius illi est nationum exitus ut
 introitus, & ideo legitur Sap. 12.
Quis tibi imputabit, si perierint
Nationes, quas tu fecisti?

Deinde nihil affertur hîc pro re-
 jiciendis infectis pestiferis & eorum
 seminibus, quod non illico retor-
 quendum offeratur contra quales-
 cunque sales pestiferos in aliquibus
 terræ locis pariterque incognitis re-
 conditos. Nam ubicunque sint, creati
 ab initio ibi fuerunt; & rursus ubi-
 que fiant ex eorum effluviis &
 concursibus grumi per internam, aut
 externam asperitatem pestiferi, an-
 non ut ibi fiant, provisum à Deo fuit?
 Quare hac ex parte si quæ esset, ubi-
 que par esset inclementia Dei & mise-
 ria hominis: nam perinde Nationes
 perirent & in constante pereunditi-

I X.
 Quidquid
 opponitur
 contra infec-
 ta pestifera,
 retorqueri
 potest contra
 sales pesti-
 feros.

more viverent, sive animata sint, sive inanimata corpuscula sint illa pestifera, quæ stragem illam inferrent. Sed tum ad Physicos spectat inquirere, an id physicum, in quo Pestis consistit, sit quid animatum, aut inanimatum: & hoc quidem ad eos tantò utiliùs spectat, quantò faciliorem potest decisio hæc aperire Medicis viam curandi hoc malum.

x.

Lucretius à multis creditur aliquod tetigisse de insectis istis pestiferis.

Tum verò licet hac ætate paucissimis ac ferè nullis sit in satys serio cultu opinio de insectis pestiferis, pro qua stabilienda liber iste conscribitur, fortè tamen antiquis Physicis placuit, atque illis præsertim qui Philosophiam elementarem corpuscularem sectabantur, cujusmodi fuit illa Empedoclis, Epicuri, Zenonis, &c. Lucretius saltem, qui Athenis sub Zenone studuerat, creditur agnovisse insecta invisibilia æreæ, quæ nobis ad vitam profunt, & alia quæ ad mortem nos ducunt: ac simul quidem creditur explicare per ista voluisse Pestem illam immanissimam ex Ægypto Athenas latam,

Nihil contra præsens , &c. 139
quam ducentis circiter elegantissi-
mis versibus describit; sic enim præ-
cinit , Lib. 6. de Rerum Natura ,
sub finem.

————— *Primum multarum semina*
Rerum

Esse suprà docui , quæ sint vi-
talia nobis ,

Et contrà quæ sint morbo , mor-
tique necesse est

Multa volare , &c.

Quod autem aio , *creditur* , XI.
subintelligo , *multis creditur* , mihi Sed mihi
autem certè non creditur ; nam ex non videtur
toto contextu illo Poëtico præce- loqui , nisi
dente ac subsequente clarum est de inanima-
semina illa vitalia , & vitalibus con- tis effluviis
traria intelligi debere sicut inanima- invisibili-
ta cætera omnia effluvia corpuscula- bus.
ria invisibilia , per quæ passim Poë-
ta physicus explicat nobiliores na-
turæ effectus. Sunt qui vim faciant
in hoc verbo *volare* ; sed quis nescit
hoc verbum aptari rebus inanimatis

plerisque jactis atque missis per aërem ? sic sagittæ , sic lapides *volant*. Neque hîc immoror : mihi longè minùs quæruntur authoritates , quàm rationes sufficientes & idoneæ ad persuasionem hujus mei Systematis.

OBJECTIO TERTIA.

XII.
Opponunt,
quòd sic Pestis,
quæ grassari
cepisset,
semper perseveraret.

AT T E N T O modo , quo physicum Pests constitutum per insecta volucra explicatur, Pests illa , cœpta semel grassari , continuò invalesceret , ac nunquam tandem abstereretur. Etenim insecta illa , ut volumus , sunt ovipara , & ova quæ pariunt , postea vivificantur , fiuntque insecta ; quæ similiter ova parient suo tempore vivificanda , &c. Imò quia supponimus insecta illa esse mirè foecunda , ita quòd ova multa uno partu excludant , & quòd hæc ova intra breve tempus vitam accipiant , facile ac sine mora ferè ulla totum Orbem implerent. Res in aperto est : nam

si animalium visibilium tot alia genera, & minùs foecunda, potuerunt in tantum, ut videmus, multiplicari, quid non cogitare oporteret de multitudine talium insectorum, quorum continuata generationum series inciperet à multis parium millibus, scilicèt uno tempore ortis, quando Pestis fervere incipit? Atque ita satis apparet talia insecta non pertinere ad physicum Pestis constitutum; sed ad illud pertinere potiùs alia corpuscula inanimata, scilicèt hujusmodi texturam habentia, quæ partes viventes corrodere & exulcerare possint lethaliter, sicut prædictis insectis falsò tribuitur.

Responderetur hoc totum eventurum fore, ut objicitur, si talia insecta nulli essent alterationi atque corruptioni obnoxia, si nullo suffitu possent abigi, si nullo ardore possent absumi; sed si ex adverso tam facilè tamque citò pereunt ac nascuntur, ut ephemera illa, de quibus dictum est, Prop. 6. n. 12. si disperdi per varios suffitus possunt: si

XIII.
Redditur
ratio cessationis
sue in tempore, ut
mos est in serie rerum
omnium.

per effluxus varios , ac præsertim igneos aduruntur : si tandem , ut est certa quædam cœli temperies , per quam factum est illa nasci , certa quædam alia est , per quam ea interire necesse sit , quomodò Pestis illa , ut grassari cœpit , non desinet ? Tum an Deus , qui causas naturales disposuit , ut certis temporibus & in certis Regionibus Pestis haberet suum initium & incrementum , non easdem disposuisse credendus est , ut similiter acciperet aliquando ibidem decrementum suum ac terminum ? Deus misericordiarum Dominus , qui suum habet tempus vindictæ , annon habebit clementiæ ? Visa est olim Pestis furere per decem annos in Imperio Romano : visa est simul occupare ac diu in Europa , in Asia , in Africa Provincias multas ; sed venit finis , venit tempus quo desinit per obices , quos ulteriori cursui , sive Ars , sive Natura posuit , sive per utramque Deus , quum voluit.

XIV.
In Sylle-
mate opposi-

Deinde verò quare non attenditur , quòd in hypothese de Peste

consistente in qualibuscunque inani-
matis moleculis salinis ob asperita-
tem suarum texturarum pestiferis,
longè difficilior esset decrescere ac
finiri Pestem, quæ semel orta paulu-
lùm crevisset? Quomodò enim mo-
leculæ illæ, quando jam cœperunt
multiplicari, non multiplicabuntur
continud? An eadem necessitas,
quæ multiplicat primas, non multi-
plicabit secundas? Quamquam hoc
est quod negatur posse ullam multi-
plicationem pestiferam sine genera-
tionibus factis intelligi. Sed intelligi
similiter nequit, quomodò non suffi-
tus aromatici, & incursus ignei
non potius abigerent, aut destrue-
rent insecta, de quibus sermo est,
quàm inanimes illas moleculas pesti-
lentes? Cùmque illas concipiant ins-
tar hericiorum hispidas atque hirsu-
tas, facilè suaderi hoc potest, suppo-
nendo esse per aërem invisibiles par-
vitaris ejusdem hericios animatos &
inanimes: illi faciliùs necarentur,
quàm destruerentur isti per qualem-
cunque suffitum atque incursum;

to Pestis diu-
tius perseve-
raret.

illi ex partibus organicis constarent; ad quarum vel unius notabilem læsionem nex sequeretur: isti autem ex partibus inorganicis, è quarum unius læsione non ita sequitur totius ruina. Itaque proposita difficultas, vel non ferit nostrum Systema, vel oppositum ferit multò invictius.

OBJECTIO QUARTA.

X V.
Opponitur,
quòd insecta
illa statim
intra corpus
morerentur,
& sic non
nocerent.

S I C aïunt: Dato quòd Pests consistet in prædictis insectis volucris per nares, per oculos, per fauces, &c. aut etiam per quoscunque partium molliorum poros intra corpus sese ferentibus, & ibi occupantibus cerebrum, cor, stomachum, pulmones, &c. satis clarum est, quòd post invasionem istam non viverent, atque jam nocere desinerent. Quomodò enim viverent? An adhuc intra corpus volarent? Ac tum quomodò spirarent? Ad quæ & alia propemodum infinita interrogabilia, cum nihil evidens & solidum responderi possit, inferri potest non esse magis

Nihil contra præfens ; &c. 145

magis considerandum in suppositione illa de insectis pestiferis , quàm in omni alia plenè arbitraria fictione.

Respondetur utrumque Systema ,
hinc de moleculis animatis , illinc de inanimatis , quibus tribuatur esse pestiferas , patere gravissimis difficultatibus. Tum aïo nullam isti Systemati de insectis opponi tam gravem , cui sua desit solutio satis evidens ; & hoc sufficit ad non declinandum ab illo : vel præsertim quia gravitas difficultatum urgentium alterum Systema , parem ullam solutionem non habet. Itaque ad id , quod nunc objicitur , dico corpus humanum obnoxium esse vermibus atque pediculis : atque in hunc modum , ut visi sint homines scatere miserè vermibus atque pediculis toto corpore ; sed relinquo extremum istum eventum , & hæreo in omni alio solito & vulgari , quem advertere licet in multis , ac præsertim in parvulis ; tum sic discurre. Cum vermis unus aut pediculus non

XVI.
Sed ab
exemplo ver-
mium & pe-
diculorum
in homine
viventium ,
patet solu-
tio difficul-
tatis.

magis ex fortuito atomorum con-
 cursu fieri possit , quàm totus Orbis
 potuerit , necesse est vermes illos
 omnes atque pediculos , qui exeunt
 ab homine , antè introductos fuisse,
 aut per esum , aut per potum , aut
 per aërem spiratum , &c. introduc-
 tos , inquam , fuisse , vel dum erant
 parvitatibus adhuc invisibilis , vel dum
 adhuc erant in seminibus suis. Si
priori modo : intra hominem creve-
 runt ; si *posteriori* modo : intra ho-
 minem è suis seminibus , sive ovis ,
 exclusi sunt , & ibi pariter creve-
 runt , donec exierint.

XVII. Hinc planum relinquitur qualiter
 Tantò fa- infecta pestifera , de quibus sermo
 ciliùs pos- sunt sic vi- est , possint in hominem introduci ,
 sunt sic vi- vere , quan- sive per spiratum aërem , intra quem
 rò minora sunt , & for- sparsa sint , sive per esum aut po-
 tèt non respi- rant. tum , quibus adhæserint , vel per se
 ipsa , vel per ipsorum semina. Sic
 autem introducta , & jam vivifica-
 ta , vel post vivificanda , dum in cor-
 pore vivent & crescent , partes il-
 lius , & solidas , & fluidas cur ma-
 lignissimè vitare non poterunt , cur

non mordere ac dilacerare, ac mille modis aliis nocere per ulcera ex his morsibus & dilacerationibus secutura? Sed quomodo, ut objicitur, intra corpus volarent hæc insecta; nam à nobis supponuntur volucra? Sic etiam non supponuntur apoda: quare incederent ut pediculi: & si fortè apoda essent, ut vermes repèrent. Rursus quomodo spirarent? certè facilius, quàm pediculi & vermes: cùm enim millies minora sint, millies minorem desiderant ad spirandum copiam aëris. Sed quid, si ad vitam non opus est spirare? poterunt hæc insecta vivere & non spirare, ut illa de quibus Plinius dixit, in Proleg. L. II. *Immensæ subtilitatis animalia, quando aliqui neque spirare, & sine sanguine esse etiam prodiderunt.*

Tandem si hoc totum benè attenditur ab Adversariis: intelligent hanc suppositionem nostram de insectis Pestiferis non esse tam arbitrariam, ut antè conjiciebant; quando expugnatur tam facile id, per quod

XVIII.

Rursus

quantò mi-

nora sunt.

tantò plùs

virium ha-

bent ad ne-

candum.

videbatur posse fortiùs impugnari. Tum hæc insecta, si vim habent ad nocendum, quæ pestifera vis est, quantò minora sunt, tantò, proportionè servatâ, plùs habent virium; atque hinc tantò credibilius est Deum illis uti ad tantò invictiùs simul & invisibiliùs frangendam hominis, superbissimæ animalis, jactantiam. Forsan & hæc ipsissima insecta, sunt illa ignobilia Mundi, & contemptibilia, & nulla, de quibus loquitur Apostolus, 1. ad Cor. 1. ubi postquàm dixit: *Quæ stulta sunt Mundi elegit Deus, ut confundat Sapientes*, addit, *Et infirma Mundi elegit Deus, ut confundat fortia: & ignobilia Mundi, & contemptibilia elegit Deus, & ea quæ non sunt, ut ea quæ sunt destrueret: ut non gloriètur omnis caro in conspectu ejus.* Vide Prop. 5. n. 6.

OBJECTIO QUINTA.

XIX.

Opponitur,
quòd talis
Pestis aufe-
rens homi-
nes, perinde
auferret ca-
nes, feles,
&c.

OPPONUNT, quòd si Pestis physicè consisteret in prædictis insectis volucribus, Pestis illa, quæ aufert homines, perinde aufer-

Nihil contra praesens , &c. 149

ret canes , feles , mures , &c. & deinde boves , equos , oves , &c. quin etiam columbas , passeris , muscas , &c. arque uno verbo animalia terrestria & aërea omnia , quæ nobiscum unum & eundem aërem spirant. At nihilominus ita non accidit , ut experiëntiâ constat. Saltem Pestis illa , quæ nocet hominî ad necem , hoc ipso , quòd pariter spiraretur , vel utcunque aliter admitteretur intra cæterorum animalium corpora , noceret eis ad aliquam ægritudinem inferendam : quòd rursus ita non accidit : accideret tamen , quia insecta , quæ possunt inferre carnibus nostris ulcus lethale , quanquam minùs exulcerarent carnes alias viventes , exulcerarent tamen : & hoc ulcus sine aliqua ægritudine non accideret. Unde planum est Pestem , de qua sermo est , non consistere physicè in ullis aëreis insectis volucris , quibus tribuendum sit esse pestifera.

Respondetur nihil hîc opponi , quòd non possit efficacius retorqueri

xx.
Retorquetur , quòd id

Kij

potius veri-
ficaretur ad-
mittendo sa-
les pestife-
ros.

contra Systema de quibuscunque illis salinis corrosivis moleculis , quibus tribuunt esse pestiferas : neque necesse est id probare , cùm clarissimè pateat : quare hac ex parte nihil affertur propter quod deseri nostrum Systema debeat. Sed tum dico corpora viventia , nec ea solùm quæ sunt diversæ speciei , sed quæ sunt ejusdem , esse ut plurimùm ita diversimodè temperata , ut unum & idem alimenti genus ad valetudinem aliis proficiat , aliis noceat. Ecce sturni cicutâ vescuntur , coturnices helleboro , philomelæ araneis , &c. quibus si vesceremur , instaret obitus : ecce adhuc nos nuce vomicâ impunè utimur , illâ pasti canes , illico moriuntur : sic etiam nec iisdem esculentis ac poculentis æquè salubriter nutrimur omnes : quot sunt quæ sanitatem aliis, & aliis ægritudinem pariunt ? Sed neque illa eadem eidem homini semper sunt jucunditatis & sanitatis ejusdem. Nihil in omni esu ac potu ferè salutiferum est , nisi respectivè ad personas & ad ætates.

Hinc concludo aërem , quem pestilentem supponimus , posse non esse pestilentem , non dicam omnibus animalium speciebus , sed neque omnibus individuis speciei unius , uti humanæ. Et reverà grassante Peste multi hominum bene habent ; sed & multò plures bene haberent , nisi prorsus inediâ , insomnio , metu , labore nimio infirmitates multas contraherent , propter quas , licèt omnino Peste intacti , pereunt. Quomodò tunc possunt non perire omnes , quibus alimenta defunt , aut bona non adsunt ; quibus remedia nulla sunt , vel insufficientia sunt procurandis malis , extra casum omnem Pestis , perinde ac intra , solitis necem inferre homini , uti sunt febres malignæ , pleuritides , peripneumoniæ , apoplexiæ , &c? Hinc quamvis Pestis , quæ potest auferre homines , posset auferre canes , feles , mures , equos , boves , &c. non auferret tamen ut plurimum , quia vacant metu ; ex quo praesertim mala innumera veniunt ho-

XXI.

Qualiter

omnis Pestis
sic respecti-
va pro inte-
ritu aliorum
præ aliis, ob
diversum
tempera-
mentum.

mini , atque illum tollunt.

XXII.
Hinc pro
diversis ani-
malium spe-
ciebus in-
fecta pesti-
fera sunt spe-
cie diversa.

Itaque ob insignem temperamen-
ti differentiam , quâ species anima-
lium discernuntur , necesse est Pestem , cui animalia sunt respectivè obnoxia , esse specificè diversam , aut , quod idem est , juxta nostrum Systema , consistere in insectis specie diversis. Quem in modum si sermo est de Peste quæ aufert boves , v. g. oves , & id genus animantes cæteras , quæ herbis depastis , aut aliter collectis nutriuntur , consistet hæc Pestis in insectis , sive gradientibus , sive repentibus , quorum semina in sinu terræ dispersa , per calorem quemdam immodicum vivificata , postmodum pabulis inhærescant , cum quibus excepta , excipientibus noceant. Tum istis insectis non deerit sua fœcunditas , unde paulatim accidet omnia pabula , quæ sunt in circuitu , vitari ; sicque fiet contagium. Similiter etiam poterunt infecta illa in partibus viventibus , intra quas semel admissa fuerint , ova sua deponere mox vivificanda ,

quæ accelerabunt interitum animalis. Cæterum puto , quòd hæc Pestis non fieret Pestis hominum ; sed hominibus ad necem noceret , nisi caverent vesci carnibus , quas Pestis illa tetigisset : scaterent enim talibus infectis , vel talium insectorum seminibus , quæ sine dubio sanguinis totiusque corporis humani bonam temperiem læderent atque corrumpere. Nec plura dico de Peste animalium , de qua explicanda mihi hodiè quæstio instituta non est.

OBJECTIO SEXTA ET ULTIMA.

SI quid redderet credibile Syste-
ma de infectis pestiferis , hoc
maximè , quòd per illa expeditius
totum illud , quod est Pestis , conta-
gium explicatur cum suo progressu
atque incremento ; quia enim hæc
infecta supponuntur generandi capa-
cia , clarum est , quòd possunt multi-
plicari , atque ita causare in decursu
temporis perniciem longè majorem

XXIII.

Afferunt
duos modos.
quibus ex-
plicari Pestis
contagium
facile possit.

ac longiùs dilatandam. Sed aliunde hoc Systema ita novum est atque inauditum , & à multis ita derisum , ut pro ficto reputari possit , dummodo tale contagium , de quo præcipua difficultas est , possit aliâ viâ explicari satis evidenter , aut satis probabiliter. Sic autem explicatur : vel *primò* , dum dicitur Pestem augeri per fermentationem ; quia enim consistit in salibus acidis , sive in ipsorum coagulis corrosivis , hoc ipso quòd fiet incursus ex istis salibus & coagulis in sales alkalinos , sive in eorum coagula , fermentatio fiet , & continuò quidem augenda , sicut pauculæ farinæ subactæ fermentatio sufficeret ad fermentandum quidquid farinæ in Mundo est , si subigeretur & jungeretur. Vel *secundo* , dum affertur exemplum ignis modici , qui ad comburenda omnia Mundi ligna , si jungerentur , sufficeret : quia enim prædicti sales per se , ac præsertim jam in horrendam formam coaliti , vim habent , quæ possit cum ignea comparari , non

Nihil contra præsens, &c. 155
est mirum si quò plura corpora.
erunt, in quæ incurrent, cò plura
corrodent & ulcerabunt.

Respondetur nihil ad veritatem
ipsam cujusvis Systematis interesse,
quòd sit novum aut antiquum,
quòd inauditum sit aut pervulga-
tum, quòd sit derisum aut lauda-
tum, &c. Hæc omnia extraneè ad
veritatem se habent. Hoc tantum
interest scire an proponatur in ido-
neis experimentis & ratiociniis sta-
bilitum, sive alteri antiquitùs, sive
mihi recenter in mentem venerit :
illa sunt, quæ perpendi debent
abstrahendo ab omni verustate,
aut novitate. Si tamen occasione
datâ quæritur quid de hac vel illa
cogitem, aïo posse reperiri quæ-
dam sparsa Systematis hujus initia,
ut illa sunt quæ reruli ex Philone ;
sed tum illa nemo, quem sciam, ad
parem isti conscriptionem, aut ad
parem probabilitatis formam perdu-
xit. Et hoc dolendum est : nam
illa quisvis alius longè meliùs com-
plevisset : uti generatim in rebus ple-

XXV.
Attendi ad
veritatem
Systematis
debet, &
non ad ve-
rustatem
aut novita-
tem.

risque aliis dolendum est , viros doctos sæpè advertere veritatis scintillas , quas non persequuntur. Hinc veritas jacet latetque ut antè : præstaret pauca scribere pederentim , quàm plura raptim. Melius Urbem novit qui per triduum observavit , quàm cursor Regius , qui sexcenties transit.

xxv.
Qualiter
fermentatio-
ni & conta-
gio Pestis
nihil sit
commune.

Venio jam ad *priorem* fermentationis viam , quâ , licèt frustrà , tentant aliqui explicare Pestis progressum & incrementum. Assumpto itaque modo illo communius recepto , quo creditur fermentationem fieri per id , quodd acidis sales in alkalinos subintrant , unde fit velut ebullitio quædam & elatio cum inflatione , quasi augente totum quod fermentatur , dico nihil esse posse commune contagio Pestis , & tali fermentationi : nam antecederet ad fermentationem nullum esset contagium ; & rursus nullum esset post fermentationem , quia fermentatione completâ , totum quod erat antè in fermentationis motu , quiesc.

Cit. Ecce dum sales acidi & alkalinii miscentur , statim fit & apparet motus , quem *fermentationis* vocant : sed juncti & in invicem respective insinuati , plenè quiescunt. Quare itaque idem non accideret salibus illis acidis pestiferis , sive coalitis , quando & quoties in alkalinos incurrerent ? sicque Pestis statim quiesceret. Deinde ubinam pestifera illa fermentatio fieret ? an extra corpus , in aëre , in pannis , in cibis , &c. ? an intra corpus ? Si *primum* , nihil illi supererit actionis pestiferæ , per quam noceat corpori. Si *secundum* , actio illius pestifera ab uno corpore in aliud non migrabit. Ac tandem constat portionem secundam farinæ subactæ fermentari à prima jam fermentata , si juncta est ; sed non , si disjuncta est. Quid autem hinc sequeretur , nisi quòd corpora disjuncta nihil pestiferum ab invicem paterentur : quod est contra experientiam. Mitto plurima , quibus facile probarem , si digredi vellem , nihil esse in hac via fer-

mentationis verisimile pro explican-
do Pestis contagio.

XXVI.

Nihil

etiam incen-
dio ignis &
contagio
Pestis com-
mune est.

Quod autem spectat ad *posterior-*
rem viam incendii, hæc verisimilior
non est ; quin eò magis ab omni
verisimilitudine absonat, quò minùs
nobis ignotum est, qualiter fiat
incendium ignis aucti per ligna illi
apposita : nam in omnibus lignis
jam ignis est, & eget tantùm extrica-
ri, ut sic extricatus abeat in flam-
mam. Quare si quid valeret paritas,
quæ affertur, inter incendia Pestis
& ignis, oporteret corpora viventia
Pesti obnoxia præcontinere Pestem
excitabilem, ut ligna excitabilem
ignem præcontinent. Quem in mo-
dum sicut quamvis ligna omnia in
unum rogam conjicerentur, non
esset tamen in Mundo plùs ignis
quàm antè ; licèt plùs ignis appare-
ret, ita semper esset in Mundo ea-
dem quantitas Pestis ; nempe, aut pa-
rentis, aut latentis : hoc autem
quis nisi temerè dixerit ? Non igi-
tur augetur Pestis, ut ignis. Tum
sic discurre. Si principia causantia

flammam non præcontinenter in ligno, non posset major flamma fieri sine prævia multiplicatione illorum: hinc si principia causantia Pestem non præcontinentur in corporibus Pesti obnoxiiis, ut reverà non præcontinentur, oportet illa multiplicari: multiplicari autem sine generatione non possunt, pro qua explicanda recurri necessario debet ad insecta illa pestifera, quæ sunt materia hujus Systematis.

Quodd si rursus vellent Adversarii, XXVII.
pro tuenda via ista *posteriore* incen- In rebus
dii, recurrere ad *priorem* fermenta- fermenta-
tionis, dicendo posse sine multipli- tioni obnox-
catione principiorum Pestem cau- xiis jam
santium, Pestem augeri, sicut au- præcontin-
getur fermentatio sine multipli- tur prin-
catione principiorum fermentatio- cipia fer-
nem causantium, quia modicum mentationis;
fermentum quantamcunque subactæ
farinæ massam fermentat, affirma-
rem, salvâ pace, illos errare tur-
piter: nam pariter necesse est, ut
in omni massæ hujus portione assignabili sint principia fermentandi

præcontenta excitabilia. Et hoc quidem experientia convincit : nam si farinæ subactæ massa quædam in fermentata , seorsim per aliquot dies servatur , ipsa sibi fermentum fit : ut reverà opus fuit factam sibi fermentum fuisse primam aliquam id genus farinæ subactæ massam. Tandem hîc tempero ab omni alia responsione , confidens istam junctam cum cæteris ad aliarum difficultatum solutionem adductis , sufficere ad hinc clariùs pervidendam veritatem Systematis propugnati , quod est de insectis Pestiferis.

PROPOSITIO X.

Quàm difficile vitari Pestis contagium possit : vitari tamen posse quibus præsertim mediis atque remediis videatur.

I.
Difficultas
vitandi con-
tagii probat
Systema de
insectis pesti-
feris.

NEMINI non est nimis persuasum , quàm difficile vitari Pestis contagium possit : quot enim sunt

sunt illa , quæ Peste auferuntur ,
millia hominum nullis parcentium
studiis ac diligentis , nullis Medi-
corum consiliis ac decretis , nullis
sumptibus pro vestitu , esu , potu ,
commoratu , &c. opportunioribus
tempori , & nihilominus tanguntur
tandem Peste , ut cæteri ? Neque
hæc vitandi contagii difficultas ferè
insuperabilis parum probat verita-
tem Systematis hætenus propositi
de insectis pestiferis : nam in qui-
buscunque salium grumis , sive mo-
leculis hericiacis non - viventibus
per aërem sparsis , contagium illud
consisteret , nec posset ferri contra
vim aëris agitari , nec posset in aëre
agitato sisti. Unde neque tam con-
stanter ferveret in eadem Urbe , dum
alternant venti , neque tam incons-
tanter in Ortum , in Occasum , in
Aquilonem , in Austrum serperet
ventis non alternantibus : sicque
omnis Pestis in vento esset. At ubi
de insectis volucris agitur , hæc
quò minora sunt , siquidem pro
sua parvitate plus habentia virium ,

cò minùs obsecundant vento : quare nullâ illius habitâ ratione , ut nullam aquæ fluentis rationem habent pisciculi , in omnem partem indifferenter vitali suo motu prorumpunt.

II.
Contagium
extra istud
Systema non
posset augeri.

Tum si non consisteret contagium , de quo agitur , in prædictis infectis , sed in grumis quibusdam , seu moleculis salinis inanimatorum , saltem non esset periculum , quòd fervere unquam magis alibi posset , quàm ubi cœpisset : nam ubi cœpit , ibi fuit collecta tota multitudo talium molecularum pestilentium : ibi ergo plus nocuit , quàm nocere alibi possit. Ut si sermo sit de Peste ista , quæ tota in quibusdam mercibus è Sidone Syriæ in Urbem Massiliam transvectis , & ibi explicatis continebatur , quomodò cum jam in tantum dissipata & dispersa sit , quomodò , inquam , posset non incomparabiliter minùs nocere alibi. Et nihilominus , heu nimis ! comparabilis est strages , quæ deinceps tolerata est Aquis Sextiis & Tolone , cum illa , quæ tunc primùm Massi-

lienses afflixit. Imò potius illa ipsa Massiliensis strages nihil habet comparabile cum ea, quæ in circuitu deinceps multò plura hominum millia extinxit, nec adhuc abstitit. Unde omnino necesse est, ut hæc longè major strages pendeat & procedat à majori multitudine molecularum pestilentiam, quæ primis supervenerint: hæc autem superveniendæ possibilitas facile per Systema de infectis pestiferis explicatur; sed extra illud in æternum non explicabitur.

Rem totam explico clariùs, supponendo esse Insulam, in cuius medio sit specus subterranea velut evomens continuò flatum caliginosæ cujusdam nebulæ nocentis plùs minùs in circuitu, & incolis, & arboribus, & plantis, &c. clarum est quòd nebula illa non idem inferet damnum aliis circumstantibus Insulis, ac præsertim remotioribus, quando in eas per aërem efferetur: & sic quidem discurrendum est de Peste consistente in moleculis inanimatis, quando ab una Urbe, ubi

III:
Qualitèr
spargeretur
Pestis, si
constiteret in
particulis
inanimatis.

furit, propagatur ad aliam: sic enim instar nebulæ spargeretur. Sed tum si loco hujus nebulæ supponimus in Insula illa culices & crabrones perniciem aliquam viris insularibus afferentes, clarum rursus est, quòd si talium insectorum aliqui, aut trahentibus adhærescendo, aut ventis obsequendo, ad aliam Insulam pervenerint, poterunt ibi magis multiplicari, quàm in nativa, uti ob vel Cœli, vel soli dispositionem, & ibi tandem gravius inferre habitatoribus nocumentum. Et sic rursus etiam discurrendum est de Peste in insectis volueribus consistente: atque ita non est dubium, quin alibi gravius, quàm ubi cœpit, possit Pestis tandem grassari.

IV.

Quæ sit
difficultas
adhibendi
ubi & quan-
do opus est
suffitus ido-
neor.

Sed tum ut priori parti Propositionis circa difficultatem contagii pestiferi arcendi sua evidentia non desit, culices & crabrones illos suppono tantæ exilitatis, ut visum fugiant. Quid accideret? Audierunt Insulares illi talia insecta posse suffitu arceri atque necari: quo autem suffitu,

nesciunt. Itaque modò unum , modò alium adhibent : sed quia insectis istis, aut hic , aut ille suffitus gratus est , si aliquando arcent illa & necant , advocant etiam aliquando atque vivificant. Quid etiam accidet ? Sæpè ubi non sunt insecta illa, suffitus adhibent , & ubi sunt , non adhibent : suffiunt domum unam , & ecce sunt in alia , quam sine suffitûs ope relinquent , & in illam quæ suffita fuerit avolabunt , dissipato suffitu. Atque ita tandem intelligent quantum ipsis difficile ac ferè impossibile sit propulsare mala illa insecta sparsa per Insulam. Atqui res sic omnino , imò pejùs habet circa Pestem in toties dictis insectis pestiferis consistentem ; nam dum credimus illa posse suffitibus quibusdam abigi , quibus abigi debeant , nescimus ; talibus sæpè utimur , qui grati sunt illis , & illa potiùs advocant & foveant ; neque parum sic intelligi ex infelici successu potest : illos etiam malè impendimus , ea suffientes loca , ubi Pestis non est ,

aut ubi timenda non est. Tum sæpe
iisdem suffitibus , quibus læsionem
insectis illis paramus , nos ipsos læ-
dimus ; spiramus aërem incrassatum,
unde potest lethifera sanguinis cras-
sities proficisci. Mitto evenire posse ,
ut non mala insecta , quæ vitiant
aërem , sed ex adverso bona quæ vi-
vificant illum , per suffitus adhibitos
abigantur vel absumentur ; sicque
Pestem acceleramus , non arcemus.

V.
Sæpe ma-
jus pericu-
lum immi-
net ab ovīs
pestiferis ,
quæ vestibus
adhærescunt.

Sed tum crescit difficultas pro-
pullandi contagii ex hoc , quòd
mala illa insecta invadere simul ho-
minem undequaque possint , & ex-
ternas perinde ac internas partes
exulcerare. Hinc dum nares v. g.
munimus linteolo variis liquidis , de
quibus etiam an prosint vix scitur ,
insuccato , ecce oculos subintrant ,
vel frontem , aut ipsa tempora , ut
de auribus & faucibus taceatur ,
quorum plùs periculi habent aper-
tiores meatus : insuper annon extant
toto corpore pori , quos subingredi
possunt , ut nos per domiciliorum
nostrorum januas ? atque ita nobis

Quàm difficile vitari, &c. 167
 undique ruina imminet. Terribilior
 tandem illa ruina est, & inevitabi-
 lior, quæ procedit ex ovibus talium in-
 sectorum innumeris, quæ sæpè dum
 credimur à Peste liberi, Pestem per
 vivificationes suas redintegrant. Hæ-
 rent autem ova illa omni muro,
 omni contignationi, omni supellec-
 tili domuum nostrarum: hærent
 præter alimenta & vestibus, sic-
 que forsan calor nostrorum corpo-
 rum ipse est, qui fovet illa, & vivifi-
 cat suo tempore: illa circumferimus
 ubique nescientes, & neminem
 habentes à quo magis, quàm à no-
 bis ipsis metuere debeamus. Et hæc
 sufficiant: nam ut nullus est finis
 hujus periculi, sic nullus esset finis
 dicendi.

Jam verò circa media & remedia,
 quibus præsertim vitari lues pestifera
 possit, memini me Physicum esse,
 non Medicum: quia tamen *supre-*
мум infirmi attingit ultimum su-
premi, puto quòd non reputabor
 falcem mittere in messiem alienam,
 si scripsero hæc paucula, quæ sequun-

V I.
 Maximè
 Pestem ar-
 ect vis ipsa
 vegeti tem-
 peramenti
 corporeis

168 *Propositio decima ;*

tur. Ac tum quidem generatim puto in hoc maximè , pro contagio Pestis avertendo , incumbendum esse , ut temperamentum corporis & mentis , quale habemus vegetum , servemus per easdem , & victûs , & convictûs , & vestitûs formas , ad quas illud verè possumus referre acceptum : habet enim temperamentum hoc vim suam , quâ cogitari nulla convenientior potest ad frangendam vim omnem extraneam cujusvis invasionis malignæ. Atque ut incipiam à corporis temperamento , de cujus statu vegeto novimus , à quibus vivendi , & convivendi , & vestiendi formis dependeat , aio vitam corporum nostrorum consistere in continuo motu spirituum , quos ab externo accipimus ; & ab interno rejicimus , ita quòd sublato tali quodam influxu & effluxu , omnis vitalis functio statim langueret & esset brevè extincta.

VII. *Qualiter*
Spiritus , qui Hujusmodi autem spiritus , sine quorum ope nulla fieret in humori-

bus vivificatio , accipere aliunde nos vivifi-
cant , conti-
neantur in
alimentis.
non possumus , quàm ex materiis ,
unde alimur , & inter quas aërem ,
qui spiratur , computari oportet.
Itaque in omni esu ac potu , &
in omni aëre sunt illi spiritus , ad
quos pertinet id omne , quod fue-
rit intra partes organicas , in quas
influant , agitare , modo videlicet
illo , quem organica dispositio regit
& exigit ad perseverantiam vitæ.
Tum verò illi spiritus , ut invadere
omnem dispositionem organicam
possint , ac permeare qualescunque
tenuissimos arteriarum , venarum ,
fibrarum , musculorum , tendinum-
que ramusculos & ramusculorum
poros , debent , ut nemini dubium
est , ita secerni ab omni alimento ,
& ab omni aëre alimenticio , ut in
suam primigeniam exilitatem & mo-
bilitatem restituantur : atque hinc
fit ut effluant facilius , loca sua re-
licturi venturis aliis , & similiter
effluxuris ad præbendum influxum
aliis , &c. sicque corpus manet in
suo statu vivo ac vegeto , dum spiri-

tus illud vivificantes , & influunt ;
 & effluunt juxta proportionem ,
 quæ inter illorum insufficientiam &
 exuberantiam mediet. Sic manent
 integro suo in statu maria , si ferè
 semper tantum subterraneæ aquæ
 ad fontes emittunt , quantum per
 parentes fluvios admittunt ex illis :
 sic etiam tellus ad fertilitatem pa-
 rem idonea est , si quantum pluviae
 ex alto recipit , tantum ferè per va-
 pores mox reddit.

VIII.

Ad spiri-
 tus , qui nos
 vivificant ,
 pertinet ex-
 tinctio in-
 fectorum
 pestilen-
 tium.

Hinc quia nec omnis esus , nec
 omnis potus æquè ac perinde se
 habent ad vitam hominum ; sed
 sæpè aut esus , aut potus , qui pro-
 dest uni , nocet alteri , quid ad vitæ
 tuitionem magis necesse est , quàm
 ut attendatur ad alimenta , quæ
 quisque suo temperamento esse con-
 venientiora expertus est : hæc enim
 sunt , quæ opportunè ac temperatè
 sumpta procurabunt ei sufficientem
 illam copiam spirituum influentium
 & effluentium vivificantium , de
 quibus antè aiebam. Deinde verò
 spiritus isti , quandiu post influxum

adhuc sunt in corpore, id habent proprium, quòd frangant, aut debilitent vim aliorum malignantium, seu pestilentium, qui fortè per cibum, aut per aërem Peste tactum influerent: neque enim fieri potest, quin spiritus hinc vivifici, & hinc mortiferi, contrarietates suas non habeant futuras aut victrices, aut victas. Quare dixi nihil contra virus influvii cujusvis maligni cogitari efficacius posse, quàm proprium temperamenti bene vivi ac vegeti statum; sicque reputari debet pro præcipuo Pestis antidoto.

Addo jam spiritus illos vivificos, dum effluunt post peractas functiones suas è corpore per quoscunque meatus & poros, habere similiter vim, quæ valet ad repulsionem omnis maligni circumstantis veluti vaporis, à quo corpus posset invadi & insiliri: tunc enim adsunt veluti duo vapores, quorum unus exeundo, alterius accessum prohibet; unde si potentior, uti vividior & copiosior est ille qui exit, iste qui

IX.
Qualiter
etiam perti-
neat ad illos
talem in-
sectorum re-
pulsio.

ad ingressum instat, repellitur: hoc quod in visibilibus vaporibus ita fieri certum est, quare in invisibilibus non fiet? Atque ita verificatur posse temperamentum humanum, & ab intrinseco & ab extrinseco ita vegetum esse, ut omni externæ & internæ invasioni Pestis prævaleat: quia tamen per se non prævaleret, ut plurimum, ideo etiam ut plurimum necesse est illud præmunire ac roborare contra externam illam & internam invasionem Pestis. Quibus autem viis præmuniri sic possit & roborari dicam, ut potero, in re quæ, si quæ alia, comprehensionem humanam omnem excedit: tantum præmoneo intelligere me per spiritus vivificos, de quibus jamjam loquebar, qualescunque particulas elementares primigenias, aut moleculas illarum primigenias ad functiones vitæ concurrentes, quæ ferè mobilitatem & exilitatem, ac proinde invisibilitatem spirituum assequuntur, unde vulgò vocantur *spiritus*: & rursus è moleculis illis alias quidem esse ina-

Quàm difficile vitari, &c. 173

mes puto, & alias esse animatas contendo; sicuti satis conjicitur ex prædictis; ita quòd sicut sunt insecta mortifera, ita sunt insecta vivificantia: hæc si extra & intra hominem prævalent, illa non nocent; quid ergo efficiendum, nisi ut prævaleant, ac præsertim Pestis tempore, quo illa innumerabiliter passim abundant?

Omnia igitur remedia, scilicet præservativa contra Pestem, edere debent, ut muniatur nativum temperamentum, & ab intrinseco, & ab extrinseco, ad impediendam sic invasionem omnem talium insectorum invisibilium, in quibus Pestem consistere hucusque ostensum fuit: aut si nihilominus sit invasio, invasionis malignitas temperetur pro minuenda, vel tollenda pernicie. Quia verò tota invasionis malignitas pendet ex motu & configuratione talium insectorum; quidquid poterit motum illum frangere & configurationem illam retundere, mirum erit pro homine præservando. Vidi

X.
Ad quid
præsertim
tendant re-
media præ-
servativa.

ego in variis liquidis, adhibito microscopio, varia genera insectorum aliàs omnino invisibilia, quòrum multa erant configurationis lævis & motûs placidi, alia verò configurationis supra suspicionem omnem asperæ, ut hericiacæ, aprinæ, &c. & motûs in gyrum atque in transversum concitatissimi; unde intelligebam, quòd priora cutes partium, & ipsas partes sine ulla noxa invadere possent, posteriora verò sine dilaceratione summa non possent: quamquam postmodum utraque nocerent temperamento humano, si non sunt de genere illorum, quibus præter aërem abundat quidquid ad vitam fuit à Deo nobis provisum ex omnibus esculentis ac poculentis.

X I.
Quid intelligi debeat per invasionem externam insectorum pestilentium.

Tum ut agam *primò* de invasione externa, talem intelligo, quâ insecta pestifera per aërem volitantia & penetrantia vestes, possunt omnes ac singulas partes corporis externas aggredi insinuando se per cutem, unde illis non arduum sit ire ulte;

rius : sicque successivè invasio hæc externa interna fit : distinguenda tamen visa est ab alia interna , de qua *secundò* acturus sum , & per quam talem intelligo , quâ sine necessitate similis successione , uno quasi haustu , per fauces ac nares possunt insecta illa volucra statim inire partes intimiores stomachi , pulmonis , cordis , cerebri , &c. & illas malè afficere pro quantitate , qualitate , modo & vehementia immersionis. Insuper circa cautiones contra invasionem illam externam , sollicitudines duæ requiruntur ; una pro abigendis insectis pestiferis , nè ad cutem accedant ; altera , si accesserint , pro insinuatione impedienda , atque ita pro impedienda læsione , quæ semper est exulceratio quædam sese demonstrans per unctiones maculosas , & papulas , facilis per sui multipliciter , degenerationis in carbunculos & bubones : nam merè ab extrinseco , perinde atque ab intrinseco posse in carnibus evenire talia quæcunque pathemata pestifera mihi

quidem nullum in dubium revocatur , & ex dicendis Lectori satis patere poterit.

XII.
Qualiter
possint suffi-
tus contra
prædictam
invasionem
externam.

Et nunc quidem, ut pro abigenda Peste , quidquid interim illa sit , mos est usurpari plurima suffituum genera , ita mihi omnino probatur varios adhibere suffitus pro arcendis insectis , de quibus hoc Systema institutum est. Sed illi præ cæteris adhibendi sunt , qui sint simpliciores atque ita clariores & minus fumosi : hinc enim simul sunt magis vividi & potentiores ad repellenda insecta illa , vel etiam laceranda & necanda. Nisi quòd dum spissiores sunt ac nimis repetiti suffitus , in-
crassant aërem qui spiratur , & hæc crassities transit in sanguinem , per illam utique vitiandum. Tum si quævis in suffitibus est , illa utique ab igne est , cujus particulæ , si seorsim essent ab alijs , quas secum attollunt , valdè prævalerent ad effectum intentum ; scilicet quia earum citior esset elevatio atque dispersio. Hinc aromata , quæ ad suffitum adhibentur ,

bentur, quantò magis inflammabilia sunt, tantò magis sunt ad rem idonea; & hoc intelligi de lignis omnibus aromaticis, sive vim aliquam aromaticam habentibus, debet. Hinc generatim ignes ex lignis omnibus benè siccis, ac præsertim aromaticis per vicos & plateas, & privatas, & publicas accensi manè ac serò, ad propulsanda, & exterminio ferienda illa insecta, vim habent omnibus suffitibus præferendam. Atque hoc totum arcanum est, quo Hippocrates fertur Pestem sævissimam, quæ ex Æthiopia pervenerat ad Athenas, intra tempus modicissimum extinxisse.

Sed deinde, si sermo est de cubiculis domuum, ignes magis opportuni pro purgando illorum aëre sunt ardentiores illi, qui accendi possunt ex charta papyracea benè sicca & nitida; nam ubicunque incurrerint in prædicta insecta, illa utique consumunt. Transferri de cætero possunt successivè in omnes angulos cubiculorum, ponendo scia

XIII:

Quales sint
ignes magis
opportuni ad
abigenda in-
secta pesti-
lencia.

licet chartacea folia in quodam catino : potest & in eundem usum stupa valde commodè usurpari , ac forsitan utilius , quia minùs habet fumi , & in perniciores flammam emicat. Jam verò & efficacia magna est in odoribus *bonis atque placentibus* , quos secum perferre quisque possit : nam præterquàm quòd ex illis homo vigorem accipit , concipi debet quòd illum simul cum assidua corporis expiratione ambiunt instar nubeculæ sphaericæ , cujus radii corpusculares velut à centro elongantes se , rejiciunt ea , quæ incurrere possent , infecta. Dixi in odoribus *bonis atque placentibus* ; quia odorum bonitas respectiva est ; & ideo nemo nisi placentes secum afferat. Itaque juvat deferre secum odoriferas herbas exsiccatas in sacculis , & balsami pyxides , & phialas aquæ Hungaricæ , panniculos insuccatos aceto , &c. Hæc & similia profunt ; sed in his odorum , uti suffituum , cautionibus omnibus sua moderatio desideratur ; nam omne bonum im-

Quàm difficile vitari, &c. 179
modicum in malum vertitur.

Addo aliud præservativum, quod
reperi laudatum apud Authores de
Peste scribentes. Accipiatur tubu-
lus anserinus, & impleatur Mercurio
crudo: tum claudatur cera hic
tubulus, & panniculo lineo, aut
serico aptè confuto vestitus, feratur
appensus collo. Jam sic discutro.
Cum nihil sit Mercurio gravius,
nihil etiam divisibilius, prodire ab
illo effluvium diuturnum potest abs-
que sensibili decremento: quod au-
tem valere hoc effluvium possit ad
abigenda & necanda etiam insecta,
in quæ incurreret, verisimile om-
nino est ab experimento quotidia-
no, quo deprehenditur *phlegma*, sive
morbum pedicularem valdè immi-
nui, & quandoque omnino curari
gestando supra se, aut aliquantu-
lam talis Mercurii copiam, aut
massulas, sive pilulas ex Mercurio
factas: quod utique fieri non posset,
nisi è Mercurio aliquid influeret in
corpus ad ibi pediculorum semina,
morrificanda, vel saltem fluere

XIV:
Laudatur
usus Mercu-
rii: & quare
præservare a
Peste possit.

circa cutem externam, ubi mortificarentur pediculi jam nati, aut incessanter nascituri. Cùm in plerorumque corporum, ut odoriferorum, magneticorum, electricorum, &c. mira sit vis, puto mirabiliorem, uti copiosorem, & diuturniorem esse hanc mercurialis effluvii. Aliunde autem quis nescit quanta sit vis Mercurii contra luem veneream, quam multi hodierni Medici per vermes explicant?

xv.

Quàm utile sit, & quare sit utile ad effectum intentum ungi oleo.

Mitto alia multa, quæ legi & audiavi ad effectum similem usurpata, sed in quibus nihil spei apparet. Jam verò ut insecta, quæ abigi non potuerunt, minùs aut nullatenus lædere possint cutem, quam invadunt, cogitari nihil facilius simul atque utilius potest, quàm si molliores atque teneriores corporis partes ungantur oleo olivæ, ac tum panno bene sicco atque nitido extergantur. Possunt unctiones istæ non solum impedire, quin insecta cutem penetrant, sed etiam dum penetrare tentant, enecare: nihil enim esse oleo

Quàm difficile vitari, &c. 181
efficacius ad insecta omnis generis
enecanda Naturalistis omnibus est
in summa persuasione. Cæterum
hujusmodi unctionum, quæ nullo
negotio iterari singulis diebus pos-
sunt, alia est virtus, quæ est robo-
randi hominem, dum retinent spiri-
tus vitales, qui nimis ubertim per ex-
ternæ cutis poros diffuerent. Athle-
tis in usu erant unctiones istæ; quin
etiam de multis antiquis Nationi-
bus legitur, quòd uterentur talibus
unctionibus, scilicet ad corporum
nitorem simul atque vigorem. Tan-
tùm memorabo id, quod legitur
Lib 4. Regum, c. 4. de paupercula
Vidua, quæ interrogata ab Elifæo,
quid haberet in domo sua, respon-
dit: *Non habeo, ancilla tua, quic-
quam in domo mea, nisi parum olei,
quo ungar.* Circa quem textum
affirmant Interpretes in usu criticissimo
fuisse Habitatōribus Terræ Chanaan
hujusmodi unctiones. Cæterum an
Christus discumbens in domo Pha-
risæi cujusdam, non illi exprobra-
vit, quòd oleum ipsi non obtulisset

ad capitis unctionem, his verbis :
Oleo caput meum non unxisti ? Quid
autem hæc exprobratio significat,
nisi tunc temporis morem apud
Judæos fuisse, ut ita fieret ?

XVI.
 Quid sit in-
 terna invasio
 insectorum
 pestilen-
 tium, &
 qualiter de-
 bellanda.

Jam addo nihil esse, ut Medici
agnoscunt, penetrantiùs oleo : unde
illi maximè tribuunt quidquid virtu-
tis habent unguenta, linimenta,
cataplasmata, epithemata pingua
& oleosa pro curandis morbis in-
ternis, ita quòd se insinuet in abdo-
men, in jecur, in pulmones, etiam-
que in cor, postquam penetravit
cutem, pinguedinem, membranas,
musculos, venas, &c. Unde est
quòd tales unctiones externæ non
solum possint prodesse ad extinctio-
nem insectorum, quæ externam
cutem attingerent, sed etiam eor-
um, quæ illam antè pervasissent,
aut per fauces adspirata fuissent.
Et sic quidem jam venio ad invasio-
nem internam, de qua supra loque-
bar, insectorum sese turmatim im-
mergentium intra corpus per aures
ac nares, & per fauces præsertim ;

contra quam invasionem necesse est muniri partes internas vigore, qui minùs subiaceat læsioni : ille autem vigor, qui maximè à bonis alimentis benè digestis & egestis pender, roborari non meliùs potest, quàm usu talis cujusdam esculenti, aut talis poculenti, quod quisque probaverit sibi prodesse ad alimenta cæteroqui solita digerenda, &, ut oportet, egerenda faciliùs. Sunt qui manè ad id utuntur jusculo, alii cocolatâ, alii vino theriacali, alii nucibus conditis, aut aliis dulcariis : sunt è contrâ qui non benè habent, nisi quia jejuni prandent : at nihilominùs quia tempus Pestis est tempus Belli adversùs prædicta infecta involantia, expedit uti selectis & laudatis adminiculis, quæ nativas roborent vires, aut muniant.

Nulla autem puto esse, quæ munire illas, nisi respectivè possint : & ideo varia tentanda sunt ex iis, quorum vim testes fide digni se expertos dicant ; ac tum conquiesca-

XVII.
Laudatur
præservati-
vum peti-
tum ex vul-
gari aceto.

Miv

cur in eorum uno : nam ut plurimum illa , quæ præcautionis gratiâ sumitur , Medicamentorum multiplicitas magis nocet , quàm prodest. Unum hîc commemoro ex Francisco Deleboe Sylvio , qui sibi successisse ait , ad vitandam omnem Pestis noxam per octo menses , licet assiduè visitanti ægros Peste tactos : *Vulgaris aceti vini cochlearum unum micâ panis exceptum manè ;* in Append. Praxeos Medicæ , Tract. 2. n. 489. Addit equidem paucos esse , qui ut ipse , potuerint perseverare in usu hujus Medicamenti , utique nimis acidi ; contendit tamen quæcunque sunt acida , vel cum acidis parata , esse pro præcavendo Pestis contagio efficacissima : quando autem sic meraca non possunt excipi stomacho renuente , per alkalinum aliquid temperentur. Cæterum Vir iste doctissimus rationem non attigit , propter quam abigi Pestis per acida remedia cautius possit. Ratio autem , stando in fide mei Systematis , hæc est ; quia dum

Quàm difficile vitari , &c. 185

hæc infecta volucra sese inter carnes nostras , aut mordendo , aut pungendo , aut fugendo immergunt , & eas reperiunt succo acido imprægnatas , acor iste illis non sapit , & abeunt , aut percunt. Affero paritatem , quæ ad rem est omnino. Si quis aliquam sui corporis partem vult esse intactam à morstu , aut à punctu , aut à factu quorumlibet insectorum , uti formicarum , pulicum , culicum , cimum , &c. eam obducatur & imbibatur succo citrio , aut alio consimiliter acido : certum est quod parti sic paratæ hæc infecta parant.

Alterum præservativum , quod XVIII.
commemoro , nec difficilior , nec Afferatur
inefficacius est. Sumantur manè aliud præser-
cochlearia duo , unum olei & aliud vativum pe-
vini , quæ potiuncula , si à stoma- titum ex
cho fertur , repetatur ante pran- oleo & vino
dium & ante coenam per aliquot permixtis.
dies , aut continuò quidem , si nihil
noxæ hinc temperamento solito accidit : non enim potest nimis sæpè
inculcari , quod licet aliquod Medi-

camentum plurimis proſit , ſive ad tutelam , ſive ad curam , nemini tamen inſiſtendum in illo eſt , quando aliquid detrimenti ab illo accipit : nam hinc clara eſt Medicamenti cum temperamento diſcordia. Tunc temporis aliâ viâ tentatur præcavere ſibi atque mederi. Jam verò quare optimus ſit uſus olei in hunc modum epoti , præter experientiam millies iteratam , quâ conſtat pro veneni vomitu nihil efficacius eſſe , quàm oleum immerſum ſtomacho , aïo id eſſe proprium oleo , ut maximè diffundatur & penetret quidquid ipſi opponitur : & ideo ſi partes internæ , ad quas infecta peſtifera illa pervenerint , ſunt imbibitæ oleo , non ſolum non invadent illas hæc infecta , ſed etiam ipſa plenè imbibentur , ac concrepabunt : quod etiam poteſt atque debet intelligi de illorum ovis poſtmodum intra hominem vivificatis & abeuntibus in infecta ſimilia volucris.

XIX. Jam verò nè meras meas exce-
 Proponun-
 tur quædam dam , nihil ex omnibus , quæ dixi ,

præscriptum volo: præscribere Medicorum est: quidquid aio consilium est; sed neque hîc quicquam consuluissem, nisi scirem pauca, quæ per Epistolas consului meis quibusdam amicis Aquensibus, sic illis Deo juvante profuisse, ut ab initio Pestis ibi grassantis conversati quotidie cum Peste tactis intacti hucusque manserint. Itaque consului, ut ante omnia lavarent oleo pecrus præferim, & axillas, & inguinas; nec ipsos puderet in hoc casu olere oleum: fugat, necat odor iste infecta pestifera; & hoc sufficit. Tum statim ac surgerent, ore hianti excipere haustum flatus ignei flammantis & accensæ ex ligno aromatico, aut ex quacunque materia magis inflammabili & minus fumifica: supra spiritus igneos nihil est, quod infecta pestifera longius abigat, aut mortalius feriat: & hoc quidem in praxi habere sub vesperam, adhuc salutarior est. Deinde sumere cochlear unum olei cum cochleari altero vini, vel succi citrii, vel succi gra-

alia præservativa, quæ multi experti fuerunt utilia.

natorum , vel alterius cujusvis acriduli : bonum est sic imbibere partes internas , ut minùs sint obnoxia læsioni , quæ posset per invadentia insecta fieri. Postea super carbones ignitos leviter ducere panem & quidquid frigidum paratur esui : nam possent insecta pestifera inhærere his alimentis : talis autem vividus ardor igneus illa disperderet , vel necaret.

xx.
Quæ cautiones pro vestimentis afferri debeant.

Denique circa vestes (quas sive lineas , sive fericas , sive laneas esse perinde est , nullatenus scilicet obstante quacunque texturâ , licet stric- tissimâ , perversioni talium insectorum) circa vestes , inquam , quibus insecta illa ut plurimum inhærescunt , & ova sua committunt , ita quòd per eas contingat exui Pestem & indui , consului eas , quæ lavari possunt , nunquam illotas refumi , eas verò quæ non possunt , aut quas alterâ die , deficientibus aliis opus est gestari , cautè poni omnes in hujusmodi cistis , sive arcis vimineis , quarum usus est omnino

vulgaris pro lintheaminibus siccandis
adhibetâ desubter prunâ satîs calen-
te : ac tum in illis totâ nocte con-
clusas manere. Erunt itaque illæ
cistæ benè opertæ instar furnorum ,
in quibus post extractum panem
panni ponerentur : quare sicut in-
secta pedicularia, & eorum ova, quæ
illis inhærescerent , ibi vorarentur
à calore , idem pro insectis pestiferis
accideret in cistis æqualiter calefac-
tis : sicque vestes possent die sequente
indui sine periculo. Taceo cætera
ad esum & potum temperatum
spectantia , quæ non opus est sa-
pientibus consuli , siquidem ab ipsis,
& nota , & exercita. Taceo etiam
illa , non inculcanda sapientibus ,
quæ spectant ad laborem tempera-
tum ; satîs enim advertunt corpus
labore magis , quàm quiete acqui-
rere statum vividiorum , sicque ca-
paciorum resistendi malignis inva-
sionibus. Observatum sæpius fuit ,
ut audio , venatores præ opera-
riis cæteris sese servare immunes à
Peste.

XXI.
Plures,
propter ti-
morem Pef-
tis, quàm
propter Pef-
tem ipsam
occumbere.

Superesset hic agendum de men-
tis temperamento in multa tran-
quillitate continendo ; nam hujus
tranquillitatis amissio malum est ;
unde in hoc casu, si non sequitur
Pestis, sequitur series ægritudinum ;
quæ perinde ac pestilentes vitam
eripiunt, aut etiam pestilentes
fiunt, vel certe reputantur,
propter signa multa istis atque illis
communia. Atque hoc est, quod
Medici omnes observant atque affir-
mant tempore, quo grassatur Pestis,
infinite plures per Pestis timorem,
quàm per Pestem tolli. Hic timor
origo est cogitationum atque solli-
citudinum diu noctuque sine inter-
missione cruciantium hominem,
qui ex insomnio in ciborum inap-
petentiam, in consumptionem spi-
rituum, in inflammationem pecto-
ris, in totius sanguinis commotio-
nes & incalesfactiones nimias labi-
tur. Caput dolet, cor deficit,
obstruitur pulmo, febris furit : æger
se Peste tactum esse non dubitat :
ac tum timor ad desperationem usque

Quàm difficile vitari, &c. 191

augetur, per quam virus febris in tantum potest excrefcere, ut virus pestiferum imitetur, procreando interna ulcera, quæ foras in varias cutis exasperationes erumpant, uti pustulas, papulas, omnisque generis maculas & foeda tubercula, & exanthemata, putrescentia tandem in formam carbonum atque bubonum. Mitto timores alios, qui comitantur timorem mortis pestiferæ, & vim morbi augentes; timentur tempore Pestis pro se ac suis alimentorum & remediorum defectiones, occisiones violenræ, bonorum depredationes, & iniquitates cæteræ, pro quibus evomendis dilatat infernus animam suam, ut postmodum eas cum reis earum resorbeat.

Hinc non mirum, si tot timores ac tam graves, procreant tot morbos, & tam accedentes ad pestilentiam. Sed valdè mirum est, quòd his diebus comperiantur Medici, qui sub hoc prætextu scripserint esse ipsis adhuc incertum Pestis Massiliensis contagium : unde si clarè loqui

XXII.

Quàm falsò, & ad quid plures Medici negent Pestis contagium

vellent , dicerent non Pestem , sed Pestis famam esse , quæ tot Massilienses , ac deinde Aquenses , Tolonenses , &c. hætenus delevit. Unde rursus non desunt , qui aperitissime scripserint ad omnem suspicionem contagii removendam , vel nullas , vel certè paucissimas mercium , quæ è Syria transvectæ fuerant , introductas in Urbem fuisse. Atqui paucissimæ ad Pestis luem afferendam sufficiebant : vel certè , si creditur istis Medicis , nulla unquam vera Pestis fuit , & dummodò absit timor , poterit securè deinceps è Regionibus illis Orientalibus , sive Pestis credita ibi furat , sive non furat , pervahi ad nos quidquid ibi est mercium pervahi solitarum. Volunt , ut puto , isti Doctores ludere genus humanum ; sed non sic luditur :prehendit enim eos non negare istud contagium , nisi quia ignorant in quo sit positum. Fortè ad hoc Systema de infectis pestiferis attendentes , non negabunt illud deinceps , ac tum quando semel
amplexi

amplexi fuerint, fortè invenient, quod ipsorum arti relinquitur, Medicamentum aliquod efficax contra infecta illa Pests volucris. Utinam ita! Nam alia mens Authoris non fuit, quàm explicare physicè, si posset, melius quàm antè, quid Pests sit, ut melius quàm antè curari à Medicis possit.

Quod autem spectat ad remedia pro temperamento tranquillæ mentis servando in casu ac tempore Pests, satis intelligitur illa referri ad mores, quos si quis bene componeret cum seria de culpis suis poenitentia, cum grandi apud misericordem Deum suam fiducia, cum perfectâ charitate, quâ cupe- ter dissolvi & esse cum Christo, &c. minus utique, vel nullatenus timeret calamitatem ullam pestilentem, quia utique nullam timeret. Hæc autem remedia exhortatoria præbere spec- tat ad Præsules, ad Concionato- res, ad Confessarios, & generatim ad omnes, quos urget Charitas Christi: hujus autem loci non sunt,

XXIII.

Quibus vi-
mens possit
præsertim
tranquilla
fieri, & per
hanc tran-
quillitatem
liberari.

Quare tantum addo, quod si quis nihil sibi conscius esset, quamquam in hoc justificatus non esset, aut si conscius sibi alicujus delicti, sibi deinde conscius foret animi verè contriti, illi hoc ipsum accideret, quod olim Eliæ fugienti minas pestilentissimæ Reginae Jezabel. Is cum fugisset in desertum, & ibi petiisset animæ suæ, ut moreretur, & dixisset: *Sufficit mihi, Domine: tolle animam meam; neque enim sum melior quàm Patres mei: projecit se & obdormivit.* Quid tum? *Respexit, & ecce ad caput suum subcinericius panis & vas aquæ: comedit ergo, & bibit, & rursus obdormivit, &c.* 3. Reg. 19. v. 4. & seq. Dico igitur confidentissimè, quod si potestate factâ vitæ ac mortis, fiduciam parem apud Deum deponeret, tranquillus fieret, projiceret se & obdormiret. Quis scit an non accederet tum ad illum Angelus, à quo subcinericium panem & vas aquæ acciperet; ac tum comederet, & biberet, & rursus obdormiret, rursus ab An-

Quàm difficiliùs curari, &c. 195
gelo excitandus, & per eum præfer-
vandus ab omni contactu Pestis ?
Contra terrorem Pestis panicum
nihil hac panicâ in Deum fiducia
præservantius esse arbitror.

PROPOSITIO XI.

*Quàm difficiliùs curari Pestis con-
tagium possit, & quæ remedia
generatim ad illius curationem
prævaleant.*

PLURIMOS præter Pestem
esse morbos contagiosos, qui
exinde *pestiferi* meritò vocari pos-
sint, satis constat ex tota Propositio-
ne secunda, ubi multis eorum enu-
meratis, ostensum est convenire pe-
rinde ac Pesti tale contagii genus,
quod non modò per tactum impres-
sum ægris, aut rebus quas ægri teti-
gerint, sed etiâ per præsentiam &
conversationem diuturniorem cum
illis possit plùs minùs contrahi. Sic
contrahi posse impetiginem, sca-
Nij

I.
Qualiter
contagium
Pestis omne
aliud conta-
gium vin-
cat.

196 *Propositio undecima*,
 biem, pruriginem, psoram, lepram;
 pthiriasim, tineam, luem vene-
 ream, variolas, dysenteriam, mor-
 billos rubros & nigros, ac genera-
 tim febres omnes malignantis na-
 turæ nimis constat: atque ita ægri-
 tudines istæ, quæ vim & indolem
 habent pestiferam, meritò vocabun-
 tur *pestifera*. Sed tum quando in
 gradu contagii comparantur cum
 ægritudine epidemica, quam abso-
 lutè vocamus *Pestem*, vix pro con-
 tagiosis ac pestiferis reputantur:
 adeò virus hujus mali unius cætero-
 rum omnium malorum virus, &
 seorsim, & conjunctim excedit.

I I.
 Insectis
 pestiferis
 proprium est
 summè nocere
 ac multi-
 plicari.

Deinde cum contagium nullum
 explicari verè sine recursum ad insecta
 multiplicabilia possit, ex antedictis
 Prop. 4. & sequentibus, consequens
 est majus hoc, & incredibiliter qui-
 dem majus, contagium *Pestis* non
 posse, ut par est, explicari, nisi re-
 curratur ad insecta nocentissimi &
 multiplicabilissimi generis. Genus
 autem illud nocentissimum utcun-
 que intelligemus, si consideramus

Quòd sicut in specifica multitudine
insectorum visibilium una est ra-
tium, quæ per suam agendi vim &
per configurationem ac contextu-
ram organicam possunt magis no-
cere homini, sive pungendo, sive
sugendo, sive mordendo, sive lace-
rando, &c. ita est sentiendum de
insectis invisibilibus, quorum uti-
que sit aliqua species, ad quam per-
tineat, ex sua dispositione ac vi or-
ganica sæviùs sive pun gere, sive
sugere, sive mordere, sive lace-
rare, &c. & hæc erit quæ magis
propriè ac dignè Pestis est. Sed tum
quia Pestis proprium est non tan-
tummodò sic intensissimè nocere,
sed etiam extensissimè; nec potest
extensissima ista insectorum sævitia
sine summa multiplicatione intel-
ligi, eapropter dixi recurrendum
esse, pro explicando *Pestis* absolutè
dictæ contagio, ad insecta nocentissi-
mi simul ac multiplicissimi generis.
Deinde verò quia generatim ani-
malia omnia, quò minora sunt, eò
mobilia sunt, & rursus fœcundiora,

præsumi potest infecta pestilentia esse præ aliis parvitatibus eximie : cæterum efficiet etiam hæc parvitas, ut eorum aculei sint, & breviores, & rigidiore, atque ita faciliore & intimiore subingressus in omnes & singulas partes corporis, qualitercunque, seu fibrosas, seu musculosas, seu nervosas, seu osseas, &c.

III.
Unde maxime probetur hæc multiplicitas insectorum pestilentium.

Ad hæc nihil invictius probat penetrantissimam hanc parvitatē, simul atque stupendam multitudinem insectorum Pestem constituentium, quàm quòd in cadaverum Peste tactorum dissectionibus observatur partes intimiores perinde ac cæteras esse innumeris maculis, sive cicatricibus, sive pustulis, aut nigris, aut purpuratis, aut flavis, &c. tabificatas, quas utique necesse est à punctiōibus pestiferis, seu à multiplicatis insectorum pestilentium punctiunculis prodisse. Quid autem sunt maculæ illæ, cicatrices, pustulæ, &c. nisi tot carbonum initia, & uno verbo tot ulcera, de

quibus certum est, quòd quantò minora, & multipliciora, & intimiora sunt, tantò difficilius sunt curabilia: tantò magis sunt inhærentia & incapacia eruptionis, sine qua non sanantur? Postmodum nè in dubium revocetur, quod dixi generatim partes qualitercunque intimas corporis esse cæterarum instar obnoxias prædictis maculis, cicatricibus, &c. nempe propter insecta pestifera, quibus nihil est imperivium, nihil quod non lacerare & exulcerare non possint, volo hîc referre solemnem dissectionem, quæ facta est novissimè Aquis Sextiis, cada-veris muliebris Peste tacti, coram Medicis oculatissimis, dignis maximè, quòd Pestis non tangat, postquam tot Peste tactos, & illic, & antea Massiliæ feliciter sanaverunt. Legitur inter Observationes & Animadversiones DD. Chicoyneau, Verny & Soulier, p. 151.

Itaque *primò* observatum est quòd in tota area pericranii apparebant satîs multæ subrossi, lividi

N iv

IV.
Quam variè & intimè partes vitales per insecta pestifera vitentur.

& subnigricantis coloris maculæ ,
quæ totidem nascentes carbunculi
videbantur. *Secundò* , ipsa etiam
tota superficies cerebri apparuit
disseminata maculis pariter multis
purpureis , parvitate suâ imitantibus
punctiunculas pulicum : quin &
ipsa illius tota intima , corticalis ,
& medullaris substantia dignosceba-
tur paribus expuncta notulis. *Tertiò* ,
neque in stomacho deerant quàm
plures maculæ carbunculares iis si-
miles , quæ in pericranio fuerant
observatæ : sed neque pericardium
illis carebat , quin & ipsa propria
cordis membrana illis abundabat.
Quartò , in plerisque intestinorum
& renum membranis talium macu-
larum carbuncularium & gangræ-
nam repræsentantium erat dissemi-
natio multa. Nec dubitandum quin
si patientius fieri partium omnium
Observationes Anatomicæ potuif-
sent , innumerabiles apparuissent
in eis interpunctiones maculosæ
minores atque minores factæ ab in-
sectis pestiferis : præsertim verò

adhibitâ microscopii ope ad observationum perfectionem desideratâ. Et hæc quidem pauca circa pestiferam læsionem factam in quibuscunque intimis partibus ad rem meam sufficiunt.

Sufficiunt, inquam, ad rem meam in hoc consistentem, ut ostendam quàm difficile ac ferè impossibile sit Pestem curari, quando sic intimè invasit hominem. Quia enim quot sunt prædictæ id genus maculæ toto corpore intus sparsæ, & partibus quidem magis vitalibus impressæ altius, tot sunt vulnera, & exinde tot ulcera, degenerare solita in gangrænam, quale Medicamentum sufficiens afferri poterit, quando nulum afferri ex illis potest, quæ sufficerent ad medelam ulcerum exteriorum? Istis applicari possunt multa, & caustica, & suppuratoria, & redintegratoria carnis remedia; illis autem nulla. Unde pro miraculo est, si aliquando sanus evadit homo Peste tactus tam intimè; vel præsertim quia omnia illa ulcera interna

V.
Hinc Pestis, quando est tam varia & tam intima, curari vix potest.

partes vitales primarias inficientia ; sunt veluti tot ora obstructa impediencia motum solitum vitalem sanguinis ; unde accidit omnia sanguinis vasa turgescere : sicque vel non contentus solvitur & exundat , vel retentus incrassatur & figitur. Ex hoc autem extremo utroque , si verè extremum est , interitum sequi necesse est.

V I.

Quibus modis fieri possit illa tam intima invasio insectorum pestilentium.

Tum aïo dupliciter posse accidere , ut partes omnes corporis qualitercunque intimæ , sive molles , sive solidæ , etiamque ossa ipsa medullis prædictis maculis pestilentibus expungantur. *Primò* , si supponitur insecta pestifera simul cum aëre adspirata venire in consortium sanguinis , cujus fluxum sequentia , perniciem omnibus atque singulis partibus afferre quare non poterunt , ad modum , quo sanguis vitam & vigorem affert , nempe quando sine vitio fluit, nihilque invenit, quod suæ solitæ circulari diffusioni resistat ? *Secundò* , si aliter supponitur insecta illa , cuicunque parti externæ cor-

poris sese applicuerint, vim facere ut ulteriùs eant, quid tam intimum, quod esse possit inaccessum illis? Teredines sese insinuant in corda quercuum, & illa erodunt: quomodò insecta millies minora non se insinuabunt in totum humanum corpus, cui nihil est quoad duritiem comparabile quercui. Quia tamen ut ejusdem duritiei non sunt quercus omnes, & ideo magis aut minùs sunt teredinibus perviæ; sic quia nostra corpora sunt magis aut minùs dura, magis aut minùs mollia, cui differentiae subsunt ad invicem partes cujusque corporis, ideo compertum atque observatum fuit externae cutis & internae compaginis mollitiem esse in occasione facilioris invasionis pestiferæ: hinc communis opinio est juniorum magis quàm senum, & mulierum magis quàm virorum carnes esse Pesti obnoxias: & ex carnibus omnibus generatim eas, quæ sunt magis glandulosæ ac teneræ.

Addo maculas, sive papulas illas

VII.
Exponitur

qualiter ma-
cula pestife-
ra advenire
in partes ex-
ternas potue-
rint.

pestiferas carbunculares & gangræ-
nicas, quæ apparent in quibuscun-
que partibus externis, posse in eas
carnes advenisse duobus modis.

Uno, si supponitur infecta pestifera
spirata putrefecisse partes aliquas in-
ternas, quarum putredinem absor-
buerit sanguinis, & eam deposuerit
in brachiis, in axillis, in lateribus,
in inguinibus, &c. Et hæ quidem
eruptiones, à centro, ut aiunt, factæ
ad circumferentiam, inter bona cu-
rabilitatis signa computantur. *Alte-
ro*, si supponitur infecta pestifera
multa primo appulsu externam par-
tem aliquam ex prædictis attingere,
suisque punctiõibus constanter in-
ficere, scilicet lacerare, vorare, &c.
unde fiat illas paulatim excrescere in
tumorem, qui sit abiturus in putre-
dinem pestilentem: hæc autem si
provehitur, si à circumferentia in
centrum pergit, non est certius
signum ullum interitus secuturi. Ne-
que postmodum mihi suscipitur de-
terminandus modus verisimilior, quo
eveniat nunc partes internas, nunc

externas, nunc simul utrasque papulis pestilentibus notari, mihi ad rem satùs erit, si dixerò papulas illas, quæ internis partibus imprimuntur, curari difficiliùs, quàm quæ imprimuntur externis: & rursus eas, quæ suas respectivè partes tabefaciunt, faciliùs aut difficiliùs curari, prout partes illæ sunt temperamenti mollioris, ac delicatioris texturæ. Ut si de partibus internis sermo est, incurabiliore puto papulas carbunculares, quæ propiùs inficiunt substantias cordis aut cerebri; si verò de externis, eas quæ interdum ardent sub palpebris oculorum, & in processibus mamillaribus narium: atque ita generatim de partibus cæteris cum proportione adhibita.

Cæterùm id, quod Pestem incurabiliorem reddit, est haud dubiè multitudo maxima talium volucrum insectorum, & summa multiplicabilitas eorum intra corpus, quod invaserint: quia enim singula in partibus, quas invadunt, suum vulnus, & simul suum ulcus efficiunt,

VIII.
Quid illud
sit, per quod
Pestis incurabilior red-
ditur.

ex tot illis vulneribus atque ulceribus vulnus ; sive ulcus grande ac lethale prodibit : maximè verò si priori multitudini insectorum , quæ partem aliquam vulnerando exulceraverint , succedat posterior quædam virtus novum pariter impressura. Nisi quòd infecta illa pestifera , semel intra partem corporis aliquam admissa , possunt ibi ponere ova sua ; quæ vivificata , partem illam magis vorabunt ; & ad vicinas proserpent : quare plaga , si subitò non curatur , nunquam curabitur. Extra casum Pestis visus est homo (hoc à testibus oculatis audi) qui sic scatebat vermiculis ferè inconspicuis ; ut eos redderet per aures , per oculos , per nares , per pudenda & per anum simul ; quin & planè vermicularis erat illius sudor ; haud dubiè contigerat hominem illum per cibum aut potum , aut per aërem excepisse vermicularia semina , quæ intra ipsum vivificata , sese in hunc modum multiplicaverant. Præterea casus solitos infirmitatis vermicula-

ris, quæ sæpè parvulos, & aliquando adultos aufert, ut concludam posse intra corpus Peste tactum talem culicum pestilentium fieri multiplicationem, quæ sit immedicabilis.

Ad incurabilitatem Pestis etiam valdè confert, quòd, sive id ex varia dispositione partium, sive aliter ex variis speciebus & viribus talium insectorum proveniat, ægritudines diversissimæ simul ac multiplicissimæ statim occupent corpus Peste tactum. Hinc autem quid accidit, nisi quòd dum curari simul omnes non possunt, nulla curetur? Præterquam quòd remedia, quæ uni parti afflictae prodesse, nocerent alteri afflictae aliter. Nisi quòd licèt essent remedia, quæ partibus, licèt inæqualiter afflictis, prodesse tamen æqualiter possent, quominus nè vel uni prodesse, impediret mentis afflictio, quæ in pari calamitate impatientissima est, & esse solet desperationis mater, vel filia: comperitum quippe est quantam spes & lætitia vim remediis afferant, quàm

I X.

Afferuntur
aliæ causæ,
ob quas Pestis
reputari
pro incurabili
possit.

208 *Propositio undecima ;*

nullam habeant ; vel saltem exerceant , donec æger affligitur & desperat. Ob hæc & similia plurima quæ mitto , jam satis constat , quòd si difficile est , ut in Propositione præcedente aiebam , vitari Pestis contagium , longè difficilius est illud curari , ut in ista mihi probandum erat.

x.
Quare difficilior sit Pestem curari , quàm vitari.

Neque forsàn *à vero aberraret* ; qui ad id abundanter probandum , diceret Deum voluisse multos à Peste non tangi , paucos qui tangerentur ; curari ; atque in hunc finem , ad illam præcavendam , quàm ad curandam plura remedia inspirasse. Non , inquam , *à vero aberraret* ; nam certè de lepra , quæ olim apud Hæbræos accedebat ad contagium Pestis , de qua jam sermo est , hoc apertissimè verificatur in Sacris Pagineis. Deuteronomii , c. 24. 8. legitur : *Ob-serva diligenter nè incurras in plagam lepræ.* Ecce Moyses non solum permittebat , sed etiam præcipiebat unicuique , ut sibi præcaveret à lepra : & in hunc finem , Deo inspirante ;

Quàm difficilius curari, &c. 209
rante, communicaverat Sacerdoti-
bus Levitis remedia, quæ si quis
non sperneret, præservabant illum:
sequitur enim: *Sed facies quacun-*
que docuerint te Sacerdotes Levitici
generis, juxta id, quod præcepi eis,
& imple sollicitè. Tum ut hanc
sollicitudinem impetraret, admo-
nebat omnes meminisse lepræ can-
dientis, quæ Mariam perfuderat, ut le-
gitur Num. 12. & medium carnis ejus
devoraverat, antequàm ipse pro illa
oraret: *Mementote, aiebat, quæ*
fecerit Dominus Deus vester Mariæ,
cùm egredere mini de Ægypto. Hinc
autem satis patet Sacerdotes, ad
quos pertinebat judicare de lepra,
item dijudicare inter lepram & le-
pram, & de leprosis ad tempus de-
terminatum ejiciendis decernere,
cognovisse quid pro vitanda plaga
lepræ agendum esset; sed tum non
legitur eos pariter cognovisse quid
pro curanda plaga illa fieri oportere-
ret. Unde concludo fuisse tunc tem-
poris facilius vitare, quàm curare le-
præ contagium: hoc ipsum autem

210 *Propositio undecima;*

quare non concludam de contagio Pestis, tum propter rationes adductas, tum propter experientiam, quâ deprehenditur Pestem, quæ in Urbibus medietatem unam hominum intactam relinquit, vix decimæ parti hominum, quos tetigerit, parcere?

XI:

Quare remedia, quæ sunt simplicia, in casu Pestis magis conveniant.

Neque jam superest ad præsentis propositionis notitiam adæquatam, nisi ut generatim dicam aliquid de remediis, quæ possint ad curationem Pestis prodesse magis, siue spectatâ hominum Peste tactorum multitudine, siue spectatâ naturâ Pestis illos tangentis. Ac primò quidem spectatâ multitudine, remedia simplicia, minimèque composita, illa sunt, quæ in casu Pestis conveniunt: tum quia sine labore reperiuntur, tum quia minoris pretii sunt, tum quia doceri & memoriâ retineri faciliùs possunt, & privatim sumi, aut apponi absque ope aliena hominum artem curatoriam profitemium, quorum in casu simili copia rara est, vel carò emitur; unde fit

Quàm difficilius curari, &c. 211
 illam nulli subsidio esse pauperibus ;
 tum denique , quia sæpè remedio-
 rum simplicium virtus non est mi-
 nor , quàm compositorum , licèt in
 istis sit major ostentatio. Hinc cele-
 berrimus Medicus Deleboe , in
 Tractatu quodam de Peste , p. 497.
 commendat præsertim remedia *sim-*
plicia , vel minimè composita ; tum
 ad eos reprehendendos , qui per
 adhibita valdè composita quærunt
 sibi famam apud vulgus , addit :
Quotquot enim simplicium farragi-
nem in unum congerunt , ut ceteris
doctiores aut peritiores videantur ,
certè apud rerum gnaros pro maximè
imperitis & agendorum incertis ac
dubiis habentur. Et reverà si quis
 sciret , quæ sit virtus in plantis v. g.
 singulis , reperiret in earum una
 vel altera virtutem , quâ indigeret :
 sed quia nescit , eas multiplicat &
 componit , ut in aliqua omnium
 temperatura inveniat , vel quo me-
 deatur , vel saltem quo mereatur re-
 putari peritus.

Tum spectatâ Pestis naturâ , vi-

O ij

X I I.
 Ac præter.

tim magis
conveniunt ,
spectata ip-
sa naturâ
Pestis.

dentur etiam *secundò* remedia simp-
plicia , vel minùs composita , esse
opportuniore iis , quorum composi-
tio nimia est : aut nimis elaborata.
Quia enim Pestis consistit in insectis
volucris , de quibus toties dictum
est , quare non de illis reputabitur ,
quod in cæteris multis experimur ,
nempe abigi , vel necari per suffitum
aliquem simplicem , aut odorem
contrarium ? Certè non est probabile
vigere tantummodò contra illa com-
positissimum aliquid : hinc quantò
aliquid compositius est , tantò minùs
idoneum illud arbitror ad extinctio-
nem illorum. Quid ergo agendum ,
quando nescitur , quale sit reme-
dium simplex efficax pro illorum ex-
tinctione desiderata ? Plura simplicia
tentanda sunt , quæ ex hoc ipso ,
quòd simplicia sint , permutari fa-
ciliùs possunt , donec tale obtinea-
tur , cujus vis efficacior sit ad effec-
tum intentum. Neque idem non
expediret pro varietate multiplici
morborum , qui à talium insectorum
invasione , ac tum à qualicunque

Quàm difficiliùs curari, &c. 213
punctione, aut erosione, aut laceratione plùs minùsve interna proveniunt.

Sed tandem quando simplicia, XIII.
Sæpè curantur morbi pestilentes ad instar morborum similium extra casum Pestis,
quæ magis essent specifica, ut opinor, remedia nesciuntur pro morbis istis pestiferis, utique considerandi sunt, ut fieri solet, analogicè ad morbos similes, qui aliunde oriuntur extra casum Pestis: nam extra casum istum non desunt febres adedò malignantis, quin etiam contagiosæ naturæ, ut similia omnino pariant deliriorum, deliquiorum dyspnœarum, dysenteriarum dysuriarum, hæmmorrhagiarum pathemata, quin etiam intùs & foris tumores pestiferis nulla ferè in re dissimiles, nec dissimiliter lethales. Cùm itaque circa istos morbos extra casum Pestis curandos, Magistri omnes artis jatricæ suas speculativas & practicas notitias & consuetudines habeant, quas fuisse salubriores cognoverint, eas *exerceant & teneant* in casu Pestis propter morborum similitudinem, licèt à dissimili principio proficiscen-

214 *Propositio undecima* ;
 tem : eas , inquam , *exerceant & teneant* , nisi ob principium longè malignius morborum pestilentium , aliquid in eis mutandum & modificandum appareat. Atque hoc quidem sic considerare ad Physicos etiam spectat , & indicare quid sentiant de illa majori malignitate non irritanda , sed mollienda , ut auferatur à partibus , sive fluidis , sive solidis , quas invasisse supponitur.

XIV.
 Procuranda Peste summa est vis sudorum ; & quare.

Itaque aïo , quòd quando aliquem Pestis invasisse deprehenditur ex certis signis repentinis , sive internis , sive externis , quæ illum Peste taciturnum demonstrant , uti sunt ariditas linguæ , sitis fervens , flatus suspiriosus , halitus foetens , tremor cordis , dolor renum , gravedo capitis , lapsus memoriæ , aspectus terreus , somnus perturbatus , deliratio , nausea , caro livida , febris incerta , præter nescio quid olens cadaver , ac præ se ferens cutem variegatam atque tumentem , &c. statim necessaria est , si dyspnœa urget , venæ incisio ; si plethora id postulet , pur-

Quàm difficilius curari, &c. 215
 gatio ; si alvus pigrescit , clysteris
 injectio , &c. sed his , quando dif-
 ferri non potuerunt , præhabitis ,
 omnino debet ægro provideri sudor,
 lentus scilicet ac temperatus : nam
 si fuerit præceps , aut nimius , jam
 æger perit. Sudor autem provo-
 cendus consulitur ob id , quòd si
 quid tabis , saniei , & gangrænæ
 pestiferæ comperitur jam in corpore
 procreatum per punctiones insecto-
 rum pestilentium , id per sanguinem
 solito magis agitatum potest abster-
 gi , circumferri , ac tum in sudores
 abire ; in quos abire pariter possunt ,
 & erumpere foràs quæcunque illa
 sunt , sive infecta , sive insectorum
 ova intra corpus immersa.

Pro faciliori autem ac simul citra
 excessum copiosiori sudore provo-
 cando , præter auxilia externa ,
 quibusdam etiam internis ac præ-
 fertim cardiacis oportet muniti
 vires ægroti , uti aliquâ portione vini
 conditi erasionibus garyophilli ,
 cinnamomi , moschari , &c. vel
 distemperati cum idonea dosi the-

x v.
 Referuntur
 interna quæ-
 dam & ex-
 terna reme-
 dia provoca-
 toria sudoris
 utilis.

riacæ , aut confectionis hyacinthi ,
aut orvietani , aut extractionis juniperi , &c. Mitto cæteras potiones ,
quæ sunt peritioris præxeos medicæ
paratas , & ex variis mineralibus ,
& ex variis vegetabilibus , & ex variis
foliis , & ex variis lignis , & ex
variis baccis , &c. Tum si de auxiliis
externis sermo est , adjuvari ægrotus
ad beneficium sudoris potest , aut per
lateres candentes vino inextinctos ,
aut per spongas insuccatas vino calente ,
aut per intritas ex ovis & herbis
aromaticis factas & statim à sartagine
linteis obvolutas. Hæc autem qualiscunque
talis apparatus applicatio iteratur ad
redintegrandum calorem , quoties
expedit , & ubi expedit fieri , uti sub
axillis , ad pectus , circa juncturas
inguinum , ad plantas pedum , &c.
Atque hîc rursus mitto deseroque
Magistris alia propemodum infinita
sudorifica , epithemata , cataplasmata
& emplastra , quæ sunt haud dubiè
magis energica , contentus referre ,
si quid per experientiam novi utile

Quàm difficiliùs curari, &c. 217
ad effectum salutaris sudoris.

Alterum, quod præter sudorem
ægro provideri debet, est vomitus,
scilicet neque molestus, neque im-
modicus: ac provideri præsertim
debet, ubi vel levissima nausea pro
indicio est. Hic autem cum mei ne-
gotii non sit præscribere Medica-
menta vomitoria, defero illa Facul-
tati, & dico tantum vomitus necessi-
tatem in hoc esse positam, quod
merito præsumi debeat stomachum
præ cæteris partibus esse Peste af-
fectum: sicque minuetur morbus,
quando accider affectiones istas eva-
cuari: ac minuetur quidem magis,
si dum purgatur stomachus urgente
vomitu, natura uno conatu purgat
intestina, liberatque à similibus affec-
tionibus pestiferis per secessum,
prout sæpè hoc evenire compertum
est. Nisi etiam quod evenire simul
potest, ut elateria quæ in membra-
nis, in glandibus atque in omnibus
compaginibus sinuosis hebescebant
atque languebant relaxata, resti-
tuantur per fortius stomachi elate-

XVI.

Habet

etiam vomitus opportu-

nus vim

egregiam ac

singularem

pro curanda

Peste.

rium ; sicque valeant ad ejicienda vitia pestifera suarum partium respectivè. Habet Natura , ut aiunt Medici , ex occasione vomitûs perinde ac ex occasione sudoris , vim mirabilem : at in utroque nocet excessus : prodest res ipsa , perinde ac ipsa febris , quæ ut multos occidit , æquè plures sanat , si non est nimia.

XVII.
Refertur
vomitorium
familiare
per quod ver-
mis horrendus
ejectus
est.

Cæterum quamquam hîc non ago Medicum , narrabo cum bona venia , Medicamentum familiare vomitorium , *quod prodesse posset in casu Pestis* , ut mihi profuit in casu febris admodum malignantis , ob quam deliria & deliquia intolerabilia patiebar , jam anni sunt viginti & ultrà. Vomitorium hoc fuit : scyphum æstivum implebat aquæ fontanæ pars tertia , aquæ rosaceæ pars tertia , & aquæ vitæ pars tertia. Vix hausi , & ecce ad vomitum provocatus , emisi vermem longitudinis ferè palmaris , nigrum , pilosum , horrendum. Ubi apud me natus esset , ubi crevisset nescio : fortè

jam natum exceperam intra cibum, aut potum aliquem: fortè intra neutrum exceperam, nisi semen illius: & hoc semen, inventâ matrice idoneâ, vivificatum est, enutritum est; quandiu rursus, & ubi, nescio: hoc scio quòd vermis iste pessimus erat, hospiti suo necem illaturus celerrimam, quando, Deo volente, per opem præmissi vomitorii, ex hospitio suo, imò potiùs non suo, ejectus est. Exinde autem sæpè mecum ipso de hoc eventu philosophatus, reputavi, quòd si tot rerum semina, quæ per esum, aut potum, aut etiam per aërem spiratum excipimus, matricem idoneam invenirent, similiter vivificarentur, fierentque in nobis, & pisces, & plantæ perinde ac vermes.

Quando autem dixi de præmissis familiari vomitorio, quòd *prodesse* XVIIII. Quæ sit vis naturæ, si, ut opus est, adjuverur, pro curanda Peste. *posset in casu Pæstis*, hoc ex occasione vermis, quem evomueram, retuli ad illam vermium, vel aliorum vermiformium insectorum multitu-

dinem genitam, quæ corporis Peste tacti exinde partes plurimas occupat, exedit, rodit, lacerat, adurit, unde gangræna & pus oriuntur. Hæc autem vitia, si externa sunt, curare dexter & peritus Chirurgus potest: si verò interna sunt, quis potest? Sola Natura, Deo volente, id potest; sed adjuvanda est: si deficit, roboranda est; si fervet, temperanda est; si friger, fovenda est: si juvabitur in hunc modum per alimenta & medicamenta idonea, illa per se ipsam pestifera illa vitia curabit, ut advertitur in multis, qui licet Peste tacti, etiamque gravissimè, in pristinam valetudinem redeunt. Et sic quidem satis egi Physicum in re hîc ultimò proposita.

PROPOSITIO XII.

ET ULTIMA,

Præservari plures à morte per Pestem , & à morte citra Pestem , scilicet in casu Pestis grassantis , per jussa Optimatum & Magistratum , quàm per quæcunque cogitabilia Medicinæ auxilia posse.

RES fati certa & ferè indubitata est , quòd dum Pestis in aliqua Urbe grassatur , multò pauciores sunt , qui Peste tacti moriuntur , quàm qui ex occasione Pestis , Peste intacti , pereunt. Conturbat cives omnes illicò timor mortis , & illius quæ per Pestem ipsam potest contingere , & omnis alterius , cui potest in occasione Pestis esse , uti mortis secururæ pariter ex calamitatibus , quæ solent Pestem grassantem comitari , aut consequi : videlicet , aut ex caritate annonæ , aut ex

I:
Qualiter
Peste grassante plures intacti , quàm tacti moriuntur : & affertur causa.

222 *Propositio duodecima & ult.*

fame, aut ex defectu soliti alimenti ;
aut ex carentia omnis boni officii
per Parentes , per Amicos , per Fa-
mulos , ut moris est , commodati ,
sine quo sanitas labitur in ægritudi-
nem, & ægritudo in mortem. Mitto
tristitiam , quæ somnum eripit ,
quæ appetentiam cibi & potûs mi-
nuit , quæ spiritus exhaurit , quæ
maciem inducit , quæ ducit tandem
ad deliria & ad deliquia vitam tol-
lentia. Si homo extra casum Pestis
in parem tristitiæ aliunde venientis
gradum incideret , pariter interiret :
& hanc conjecturam nimis firmat
experientia tot hominum , qui præ
tristitia miserè pereunt.

II. Tum sæpissimè falsò præsumitur
Pestis sit
in occasione
calamita-
tum, per quas
plurimi, etsi
Peste intac-
ti, moriun-
tur.
qualemcunque levem umbram fe-
bris ; levem dolorem capitis , aut
pectoris , aut lateris ; levem de-
monstrationem satietatis & fasti-
dii , &c. Pestem esse : hæc autem
præsumptio dat locum derelictioni :
domus occluditur , æger sibi uni de-
seritur : sine jure , sine luce , sine
teste obit ; & quem fama fert Peste

Præservari plures à morte ; &c. 223
absumptum , una consumpsit alimen-
torum & medicamentorum pen-
nuria. Aut si æger ille non sic in
domo sua relinquitur solus , ejicitur
ex ea , & rapitur vehendus in loemo-
dochium , ubi statim Peste minùs ,
quàm horrore Pestis extinguitur.
Neque hîc memorabo latronum &
inimicorum tunc temporis impunè
sævientium immanitatem , quâ sub
specie charitatis ad ægros veniunt
nullâ Pestilentîâ tactos , & eos , aut
veneno , aut laqueo , aut gladio è
vivis auferunt. Sed præsertim tace-
bo scelus idem horrendum , quod
furor habendi non rarò suggerit , &
consanguineis , & amicis , & conju-
gatis : illud , inquam , tacebo ;
quia præter istud immane facinus ,
quod nullo cœli fulmine satîs feriri ,
nullo telluris hiatu satîs absorberi
aliquando possit , abundè constat
quàm incomparabiliter sunt plures ,
qui Peste intacti , quàm qui Peste
tacti occumbunt toto pendente Pestis
grassantis tempore.

Quamquam adhuc animadver-

III.
Omnes fe.

re, quos Pestis invadit, jam habent temperamentum antè vitiatum.

sione seriâ dignus est modicissimus numerus eorum, quos in statu sano ac vegeto compertos invadit & tollit Pestis, si conferatur cum numero cæterorum, quos nec invaderet Pestis, nec tolleretur, nisi jam antè à statu sano illo & vegeto cecidissent per terrores, per insomnia, per ærumnas penuriæ, egestatis, inedia, &c. contabescunt omnes in conspectu tot malorum, quæ per Pestem minùs, quàm per Pesti occasionem undique imminet. Hinc fit ut nec levissimam Pesti invasionem ferant: jam enim suprà dictum est nihil magis Pesti resistere, quàm temperamentum benè actuosum & vividè spirans: atque in hunc modum corpus, cujus temperamentum jam antè vitiatum est, & languet omni spirituosissimo effluvio destitutum, sine repulsione ulla Pestem invadentem admittit, id est, recipit intra se, sine ullo in contrarium nisu, infecta pestifera, quæ in ipsum involant & ipsum pervadunt, ut necem inferant. Quare saltem conjici potest plurimos

Præservari plures à morte, &c. 225
 plurimos esse, quos non tangeret
 Pectus, si non antea illos tetigisset
 aliqua ex prædictis calamitas, ob
 quam vim pristinae valetudinis ami-
 serunt: ac præsertim si præventi non
 fuissent horrendo illo mortis timore,
 qui sufficit ad possessæ valetudinis
 ruinam, & aliàs tantò inevitabilior
 est, quantò minùs confiditur in ad-
 ministratione publica, veluti non
 satis sollicita pro avertendis illis ca-
 lamitatibus, quas equidem averti
 arduum est, sed non impossibile
 est.

Quibus autem viis id impossibile
 non sit, aut minùs impossibile fiat,
 quantum Physico licet politicè loqui,
 dicam breviter deinceps, nempe ut
 verificetur quod proposui, *Præser-*
vari plures à morte per Pestem, & à
morte citra Pestem per jussa
Optimatum & Magistratum, quàm
per quaecunque cogitabilia Medicinæ
auxilia posse. Ad hujus autem veri-
 tatis intelligentiam attendi præser-
 tim debet ad id omne, quod permit-
 tentibus vel præcipientibus Recto-

IV.
 Quàm val-
 de pendeat
 ab adminis-
 tratione pu-
 blica salus
 plurimorum.

ribus Provinciarum & Urbium in praxi est , quando jam vel incipit Pestis , vel imminet : ac tum considerandum est seriò , an hæc praxis salutaris sit ; & an salubrior esset praxis opposita : cùm autem hæc praxis , scilicèt communior ac mihi notior , multa contineat capita observabilia , satis ad rem meam erit , si tria tantùm vel quatuor observaverim , de quibus aperiàm judicia mea , sed salvo altiori judicio eorum , ad quos magis , quàm ad me attinet decernere quid in his calamitatibus præcipi , aut prohiberi oporteat.

V.

Quanta mala prove-
niant ex fuga , quæ per-
mitteitur , imò suade-
tur diviti-
bus.

Itaque introductâ Peste in Urbem , vel etiam nondum introductâ , licèt vicinâ , unicuique ad sua ire rura permittitur , & eò deferre quidquid etiam ipsis abundaret venale , frumenti , vini , olei , &c. Ad ea insuper cognati cognatos , amici amicos pertrahunt , intereà dum cæteri , qui rura in circuitu non habent , sed confidunt in curribus , & in equis , & in pecuniis , ulteriorem fugam arripiunt. Et sic quidem Urbs

Præservari plures à morte, &c. 227

vix adhuc Peste occupata, jam ferè deferta & desolata est, ob dilapsum id genus Civium, in quorum opulentia & autoritate posset ac deberet spes plenior collocari. Jam verò experienciâ constat cujus confusio-
nis statim, ac deinceps internecio-
nis in occasione sit prædicta deser-
tio, quando qui potentes sunt ac
divites vulgari & pauperi multitu-
dini Urbem inhabitandam, aut
potiùs deprædandam relinquunt.
Desertio imago utique illius est,
quæ fieret in exercitu, cujus Du-
cibus, Tribunis ac Centurionibus
permitteretur à Principe ire, quò
vellent, quando insilire paratus est
hostis, aut jam insiliit: in acie
manerent soli milites, & perirent;
sed neque forsan ruinam vitarent,
qui fugissent, insequente victore.
Sic sæpè qui ad sua rura fugerunt,
miseriùs pereunt insequente Peste,
cujus vim in Urbe cautiùs evadere
potuissent.

Non sic Israëlitis permittebatur
huc atque illuc diffugere, quando

V I,
Attendi de-
beret ad id,

quod ab Is-
raëlitis fie-
bat in casu
lepræ.

lepra, quæ non minùs contagiosa ;
quàm Pests fuit, castra invaserat :
si quæ erat suspiciò lepræ in aliqua
domo, advocabatur Sacerdos, ut
probaret, an ita esset. Tum si lepra
erat, considerabat illam Sacerdos,
& dijudicabat an qui leprosus erat,
manere ad tempus posset reclusus in
domo sua, vel an ejiciendus è castris
esset, sive deducendus ad taberna-
cula separata, quæ extra castrorum
aream ad id parata erant, & in qui-
bus nihil ad curam deerat : sicque
fiebat deinceps de alia & alia domo,
ad quam lepra involasset, aut irrep-
sisset ; quâ viâ sine ullo tumultu,
vel metu vitam securam suis in cas-
tris agebat Populus : sed nec vicina
loca timore ullo commovebantur :
solita exercebant commercia : ea-
dem, ut antè, cibaria deferebant :
noverant si quid in castris esset le-
prosum, id esse clausum, aut ejec-
tum. Quare itaque simile quid
nostris in Urbibus, subingressâ Peste,
non fiet ? Quare statim ac murmur
est Pestem coepisse furere in aliqua

domo, si res ita habet ex testimonio Medicorum; quare, aïo, domus illa non clauditur & notatur, ut nemini, nisi ad quos interest ex justitia vel charitate, accessus pateat? Si tum in simili suspitione ac deprehensione idem de alia & alia domo fieret diligenter & cautè, hoc in securitatem Populi habitantis & circumhabitantis omnino fieret: sicquæ non fieret illa tam subita societatis Incolarum cum Exteris & Exterorum cum Incolis intermissio, quæ fons est omnis egestatis, & famis calamitates, & mortes innumeras procreantis.

Novi equidem esse hanc, aut non
valdè ablimilem praxim in Urbibus
rectè administratis, sed simul audio
hanc praxim in eis esse nimis seram:
unde accidit jam invaluisse Pestem
& susque deque ivisse ferè omnia,
quando in ulum veniunt cautiones,
quæ in decursu mali sunt tam parum
utiles, quàm valdè utiles fuissent
ab ipso mali principio. Jam domus
plenæ sunt hominibus Peste tactis:

VII.

Quantum
interfit cau-
tiones ne-
cessarias
adhibere sta-
tim ab ini-
tio.

isti unde curentur non habent ; & deficiunt qui curent : deficiunt etiam qui probè ac tutè judicent inter Pestem & non Pestem : lepram à lepra , morbum à morbo non discernunt : quidquid morbus est , Pestis est. Hinc pereunt infiniti ægri , qui vel in domibus suis de Pestilentia falsò notatis, sine auxilio sunt , vel è domibus suis efferuntur in Infirmarias Pestilentes , ubi quis æger potest non Peste infici , quando è sanis in eas ingressis tam paucissimi sunt , quos Pestilentia statim non vitiet , aut extinguat ? Clarum est Infirmarias illas , nihil nisi Pestem olentes atque spirantes , esse similiter nihil , nisi sepulchra viventium à mortuis horâ unâ , rarò die unâ distantium , si non optimi temperamenti adest miraculum : quare si pauperibus etiam Peste tactis , inesset peræquè ac divitibus facultas alimentorum & medicaminum , crudeliter parentur ædes illæ Infirmariae , quas ædificat charitas & alit , ut forsan Peste non pereant ,

Præservari plures à morte , &c. 231
 qui per famem haud dubiè periissent.
 Ad divites autem quod spectat ,
 minùs eos terret Pestis , quàm lo-
 cus : Hoc scio ; quamquam non
 audeo improbare praxim , quæ in
 eum locum perinde divites transfert
 ac pauperes ; non probo tamen ,
 quoties locus ille , aut parum , aut
 nihil similitudinis habet cum illis
 tabernaculis , in quibus nihil non
 abundabat ad alendos & mundan-
 dos leprosos , quos è castris ejici
 Lex jubebat. Charitas suavissimi
 Moysis non censenda est fuisse mi-
 nor erga istos , ut mundarentur à
 plaga lepræ , quàm erga cæteros ,
 nè per plagam lepræ immundi
 fierent.

Cæterùm novi etiam non deesse
 Provinciis & Urbibus , pro malo
 Pestis avertendo & minuendo , suas
 leges & consuetudines scriptas in ta-
 bulis publicis , & optimas , & ad
 quas in casu paris calamitatis recur-
 ritur : sed parum prodest eas esse
 optimas & notas , si ad quos spectat
 eas servare ac providere servandas ,

VIII.
 Parum est
 habere leges
 & consuetu-
 dines in casu
 simili, si non
 servantur.

232 *Propositio duodecima & ult.*

ii officio suo defuerint : si primi sunt qui metuerint , quomodò metum Populi continebunt ? Metum , aïo , unde desertiones , unde confusiones , unde contagii effusiones , unde violentæ occisiones sequuntur conjunctæ ad depopulationem *Provinciarum & Urbium*. Novi denique obstare ut plurimum , & hisce præsertim diebus , nè qui *Provincias & Urbes* regunt , possint *leges prædictas & consuetudines* tueri , quantò magis nè possint illas ad tutiorem formam redigere ; obstare , inquam , exhausta *æraria publica & privata* , è quibus , si non essent magis , quàm unquam aliquando , inania , haustum fuisset grande præsidium contra vim ac metum *Pestis*. Quare absit , ut quæcunque *Pestis*, aut in civitatibus , aut in agris parit funera nimia , velim esse ulli Magistratuum incuriæ imputata : tantum volui ostendere , & satis ad rem meam arbitror ostendisse , quòd licèt per auxilia *Medicinæ* multi à *Peste*, tum præserventur , tum curentur , multò tamen

Præservari plures à morte, &c. 233
plures forent, qui præservarentur,
aut non præservati curarentur, si
Optimates & Magistratus in hoc
casu juberent quidquid oportet, &
authoritate, quâ valent, compelle-
rent ad faciendum quod jubent: ubi
utique supponitur voluntas & non
impar voluntati potestas.

Neque jam addo plura; neque
nisi Lectorem moneo, si quid toto
hoc Opere vel medicum, vel politi-
cum est, non esse rem negotii aut
otii mei; & ideo raptim dictum est;
negotii aut otii mei res est, quid-
quid physicum est. Pro curiositate,
quâ jamdiu urgeor ad pervidenda
ipsa meditullia, si possem, rerum
omnium physicarum, disquirere
apud memetipsum tentavi quid rei
physicæ posset Pestis illa esse, de
cujus ortu & progressu audiebam
tot funera, quæ contingebant, nec
adhuc omnino contingere destite-
runt Massiliæ, Aquis Sextiis, To-
lone, Arelate, &c. Ac tum nè in
memetipso nimis considerem, cœpi
legere quidquid novissimè de Peste

IX.
Quid in
hoc Opere
scriptum ex
professo fue-
rit, & quid
obiter.

234 *Propositio duodecima & ult.*

Massiliensi & Aquensi relatum & tractatum est à doctissimis Medicis ibi charitatem Christianam & Artem suam cum plausu & fructu exercentibus : neque neglexi legere ex aliis Authoribus Medicis nonnullos , qui utramque pariter non ita pridem exercuerant in Germania & aliis locis. Cæterum apud istos & illos Authores præsertim , quod instituti mei erat , quæsiui quid videretur ipsis de physico Pestis constitutivo ; quid mihi successerit dicam. Apud aliquos de illo constitutivo nè verbum quidem inveni : apud alios pauca omnino , & obiter scripta : nullus illud constitutivum ex professo disquirat : omnes magis supponunt , quàm probant Pestis naturam totam consistere in salibus acribus & volatilibus , aut in quibusdam aliis sublimibus corrosivis , aut aliis quibuscunque moleculis ex mercurio , vitriolo , nitro , &c. velut in hericis conformatis , &c. sicut refertur Prop. 4.

^{x.}
Quæ fuerit

Quia verò ibidem apertè demonst-

tratur per nullas hujusmodi particu-
las , sive moleculas inanimatas ,
cujuscunque activitatis & confi-
gurationis asperæ supponantur , ex-
plicari posse contagium Pestis, hinc
mihi complanatus fuit locus cogi-
tandi forsitan melius explicatum iri
contagium , de quo sermo est , per
insecta volucra pestifera , vel eorum
ova , quæ intra merces è Sidone Sy-
riæ Massiliam transvecta fuerint , &
ibi vivificata fuerint , & multiplica-
ta sufficienter ad stragem totius Ur-
bis : unde adhuc vel ipsa , vel ipso-
rum ova transvolare , aut transferri
potuerint ad Aquas Sextias , &c.
Exinde autem meam hanc cogi-
tationem attentius consideranti , tot
ratiocinia & experimenta in con-
firmationem illius sese mihi obtu-
lerunt , ut hoc opus compleve-
rint , quod inscripsi *Systema Pestis
physicum*. Illud autem dum sub-
mitto typis , submitto simul judi-
ciis Ecclesiæ , suffragiis Sapientum ,
& eorum maximè , qui rerum phy-
sicarum studiis meditatè incumbunt.

mens Autho-
ris , & quæ
sit ejus sub-
missio.



APPENDIX

AD SYSTE MA de Insectis volucris pestiferis.

I.
Quæ fuerit
occafio conf-
cribendæ
hujus Ap-
pendicis-

IN occasione conscribendi hanc Appendicem fuerunt mihi duæ vel tres Lectiones, quas excipientibus Discipulis dictabat *nuper* Clarissimus Vir Dominus Perpeffac, Doctor Medicus, Regiusque Professor Tolofanus. Añ *nuper*, ac tunc temporis quidem, quando meum Opus absolvebam, & in promptu erat, ut typis traderem: quare si amovere volui à nomine meo sententiam, quæ à mea tam distat, quàm inter se differunt *serpere* & *volare*, extra ordinem mei Systematis agendum mihi hoc fuit. Induxi ergo animum ad laborem Appendicis hujus, in qua ex præ-

Ad Systema de Insectis, &c. 237
dictis Lectionibus referam quidquid
vel hoc meum Systema Pestis Phy-
sicum deformat, vel utcunque im-
pugnat, licet sub forma omnino
alia.

Itaque Doctissimus Professor in
suo, quem novissimè legebat, ^{I I. Quantum}
Tractatu de Peste, antequàm statue- ^{ab opinione}
ret quid sit & in quo consistat Pestis, ^{mea distet}
& cujus naturæ sint ejus miasmata, ^{illa, quæ im-}
confutandam suscepit opinionem, ^{putatur.}
quæ fuerit, aut deinceps foret de ver-
mibus Pestem constituentibus: &
circa quam ait: *Ferunt R. P.*
Saguens (laudes; quas non me-
reor, taceo) *nonnullis Amicis suam*
mentem aperuisse, videlicet aërem
contagiosum & pestilentem innu-
meris vermiculis scatere, quibus
inpiratione attractis, homines infi-
ciuntur. Famam finxerunt Poëtæ
aligeram; & hæc ideo forsan præ
invidia culicibus meis alas abstulit,
ut vermiculos faceret, de quibus
pro casu explicandæ præsentis hu-
manæ Pëstis Massiliensis nè verbum
quidem protuli, aut etiam cogitavi:

vel si protulissem, hoc certè non fuisset aperire Amicis mentem meam, sed tegere. Imò contra mentem meam hoc fuisset ire; nam quamquam arbitror plures morbos, qui videlicèt sunt contagiosi, atque in hoc *pestiferi*, prodire à vermibus, & in illis consistere, istum, de quo agitur, nunquam credidi explicari per illos posse. Et nunc quidem hæc impossibilitas, ut mihi magis patet, sic omnino patebit Lectoribus meis, si attendere seriò voluerint ad rationes sequentes.

111.
Qualiter
vermibus
convenient
sua quædam
pedum ini-
tia.

Per vermes commune est intelligi animal reptile quoddam, atque hujusmodi quod Græci *ἄνθρωπος* vocant, quia nempe *ut plurimum* graditur absque ullo usu & ministerio pedum. Dico *ut plurimum*; quia non desunt vermes, quibus insunt initia quædam & imitamenta pedum ad satès notabilem incedendi celeritatem sufficientia. Valdè observabiles illi sunt, qui ex talium pedum multitudine magna vocantur *millepedes*. De his loquitur S. Augusti-

Ad Systema de Insectis, &c. 239
 nus, in Libro de Quantitate Ani-
 mæ, c. 31. ubi describit sui & So-
 ciorum quorundam suorum admira-
 tionem super hoc, quòd factâ cu-
 jusdam id genus vermis sectione,
 partes satîs multæ rescissæ in con-
 traria, veluti si diversa quædam ani-
 malia fuissent, aliquandiu move-
 bantur. At quia incedere cum his
 assimilatis pedibus, perinde ac ince-
 dere sine pedibus, *repere* est, hinc
 dico facîle concipi, qualiter omnia
 vermium genera possint, & intra
 profunditatem, & super planitiem
 terræ incedere, quin etiam ad sum-
 mitates plantarum arborumque as-
 surgere per successivam excursionem
 adhæisionis ad earum truncos, ra-
 mos, virgulta, folia: sic etiam in-
 cedendo ad domorum tecta, per mu-
 ros conscendunt. Sed quòd simi-
 liter incedere adrependo per aërem
 possint, hoc est, quod pernego.

Hinc autem, nemine contradicen-
 te, sequitur non posse fieri, ut aër
 iste quem spiramus, scateat genimi-
 nibus ullis vermium visibilium;

IV.
 Quare ver-
 mes visibi-
 les repere
 per aërem
 non possint.

quantò magis ut per narium fauciumque meatus unà cum illo ututlibet inspirentur. Jamque ab istis vermibus quibuscunque visibilibus, ad alios qualescumque invisibiles transeo, & aio, quòd cùm pro utrisque notio *rependi* communis sit, scatere aër æquè parum potest istis, ac illis. Atque ut hoc totum clarius fiat, quid est *reperere*? hoc ipsum est, quod dicitur de animalibus, quæ ventre gradiuntur, ob id, quòd pedibus careant; aut si utique non omnino carent, habent ita breves, ita parum notabiles, ut perinde ac si non haberent, ventre progredi videantur, & perinde *reptilia* vocitentur. Sic autem ventre, aut veluti ventre progredi, est non aliter progredi, quàm adhærescendo successivè partibus corporis, supra quod fieri talem motum progressivum supponitur. Hinc, ut aiebam, facile concipimus vermes visibiles posse sic profunditatem aliquam & planitiem terræ percurrere, quin & ad summitates plantarum, arborum, domorum

domorum surgere , uti generatim conscendere ad altitudinem omnium corporum super terram extantium ; sed sic progredi vermes illos visibiles posse per aërem , quis , nisi temerè , affirmaret ? Ac proinde quis , nisi temerè , affirmaret posse aërem scatere ad qualemcunque altitudinem vermibus illis visibilibus.

Jam verò ad rem meam sic argumentor. Ratio quæ probat aërem scatere non posse vermibus visibilibus , æquè probat illum scatere non posse invisibilibus : quare enim aër scatere non potest illis , nisi quia reptare illa per aërem non possunt ? Sed invisibilia non potius reptare per illum possunt : nam notio reptandi est pariter pro utrisque notio adhærescendi successivè partibus corporis , quod motum animalis reptantis progressivum sustineat. Ad hunc autem motum sustinendum , si quid solidum est , aptum est ; si quid autem fluidum est , ineptum est : cùmque nihil sit fluidius aëre , clarum est nullos cujuscunque parvi-

V.
Tum id ipsum affirmandum est de vermibus invisibilibus.

tatis atque invisibilitatis vermes reptare per illum posse. Hoc ipsum postea redditur clarius, quando consideratur partes aëris, ut ejusdem invisibilitatis sunt cum vermibus, de quibus sermo est, ita parvis parvitas esse, & aliunde continuitatem nullam habere: quâ continuitate, subjecti, videlicet in quo repitur, nihil reptili omni magis necesse est, ut possit repere. Hoc pacto non posset vermis ullus plura separata virgulta unius arboris rependo percurrere, nisi è summitate unius redeundo ad truncum, unde postea in aliud conscenderet; & sic de cæteris.

V I.

Quanta foret pernicietas Pestis, si aer scateret vermibus.

Accedit ad hoc ipsum cum omni claritate suadendum hæc alia consideratio, nempe quòd reptili & corpori, cujus in superficie repitur, convenit, si transfertur corpus, eodem motu transfertur reptile. Hinc si vermiculi pestiferi, de quibus sermo est, dato & non concessio, serperent per aërem, quid accideret, nisi quòd simul cum aëre in omnem partem

Ad Systema de Insectis, &c. 243
necessariò transferrentur, & ad
æqualem distantiam unà pervenirent.
Itaque Pestis, propter frequentes &
alternantes ventos, proveheretur in-
tra paucissimos dies ad Regiones
multas, quantumvis diffitas: quod
contra experientiam est; atque ita
probat Pestem consistere non posse
in rebus ullis, quarum motus unus
sit cum motu aëris. Neque ratio
hæc omissa est, ubi mihi proban-
dum fuit consistere Pestem non posse
in moleculis ullis qualitercunque
intus venenatis & extus asperis; vel
certè ob id unum, quòd commu-
nem cum aëre motum haberent, &
sic velocissimè cum aëre irent, &
ad quamcunque distantiam Pestem
in circuitu deferrent: quod planè
falsum est. Cæterùm illi omnes
Authores, quotquot illi fuerint,
qui crediderint grassante Peste ver-
miculis, scilicèt pestiferis, scatere
aërem, illos moveri motu aëris
supposuerunt: alias enim asserere
non potuissent illos inspirari
cum aëre.

VII.
Aperitur
magnitudo
fictionis, quæ
in illa hypo-
thesi reperitur.

Ex quibus omnibus seriò attentis, apparet nihil excogitari fabulosius potuisse opinione istâ de vermiculis pestiferis implentibus aërem, & insufficientibus illum, & cum illo inspiratis ad perniciem hominis. Cur non potius excogitare pulices pestiferos, qui ad altitudinem convenientem saltantes incessanter per aërem, invaderent simul cum isto pulmones hominis? Condonabilior fuisset hæc fictio: iri siquidem per aërem saluatim potest, sed reptatim non potest. Hinc inducere vermes per aërem reptantes, pro explicanda hominum pestilentia, est æquè ridendum, ac si quis pro pestilentia quadam talparum explicanda, recurreret ad pisces pestiferos natantes per earum cavernas; vel pro explicanda pestilentia piscium, contenderet volucres aliquas pestiferas invisibiles esse, quæ volarent per aquam. Hinc adhuc tandem notum esse omnibus velim me nunquam ad intentum explicandæ physicæ in modum Pestis humanæ Massiliensis,

quæ occasionem dedit conscriptioni præsentis Systematis, fuisse in opinione, in qua me fuisse ferunt de talibus vermibus pestiferis, quibus aër scateat, & spiretur cum illis ad stragem & necem nostram.

Pergit Clarissimus Doctor, & ait: *Si ita est, jam pridem natam hypothese[m] suâ solitâ solertiâ renovat Vir doctissimus, & haud dubiè novis argumentis & novâ doctrinâ illustrat: hanc enim hypothese[m] proponit ut veram, aut saltem ut verosimilem R. P. Kircherus.* VIII. Hinc mirum est Viros doctos in illam hypothese[m] inclinasse.
Eadem sententia tribuitur Petro à Castro. Ac tum afferuntur ibidem alii quidam Doctores Medici satis in hanc hypothese[m] incli-
nantes. Sed si ita non est, ut reverà non est, testante id totâ Systematis mei serie, ubi nè verbum quidem legitur de prædictis vermiculis, quid illud est, quod circa jam pridem natam hypothese[m] illam voluerim renovare, aut illustrare? Fateor ingenuè, quòd incognita mihi hactenus fuerat illa hypothesi[s], quam

Authoribus suis, etsi aliàs in honore summo apud me hàbitis, non inuidebo, sed mirabor, dum vixero, potuisse viros tam altæ eruditionis credere ac docere vermes esse, quibus per aërem repentibus tribuenda sit causa physica Pestis, de qua jam agitur. Fateor etiam, quòd de humano judicio meliùs sentiebam, quàm ut suspicarer posse aliter, quàm fingendo, aut jocando, tale aliquid, siue proponi, siue admitti.

IX.
Afferuntur
experimen-
ta, propter
quæ fuerit
excogitata
illa hypothe-
sis.

Tum si attenditur ad rationes, propter quas Authores relati præmissam hypothesim vel adinven-
runt, vel adinveptam sectati sunt, comperiuntur esse nullius omnino momenti ad illam vel levissimè suadendam. Rationes autem hujusmodi sunt, scilicèt quòd in quodam ægro Chirurgus quis è vena secta *sanguinem verminantem* extraxerit: quòd per microscopium deprehensum sit *sanguinem malignè febricitantium minutissimis scatere ver-
mibus*: & præsertim quòd per eandem microscopii opem visa fuerint

à Medicis Viennensibus , quo tempore ibi grassabatur ultima Pestis , in ventriculis pestiferâ lue correptorum, vermium agmina : & ideo illius Pestis præsentissimum remedium ex vermifugorum familia depromptum fuit : ut refert ibidem Clarissimus Doctor , quem nihilominus , & meritò quidem , hæc experimenta non movent : sed , ut opinor , ob alias causas ab iis , ob quas reputo ego nihil esse in experimentis illis , quod justam occasionem dare potuerit hypothese de vermiculis pestiferis inficientibus aërem. Quidquid autem sit de causis aliis alios moventibus ad non admittendam hanc hypothese , eas brevissimè tangam , quæ ad id ipsum me movent.

Prima hæc sit , quòd extra Pestem , in casu solo februm malignantium , non desint in sanguine extracto , ac præsertim postquam paululum resedit , multi vermes per microscopium observabiles ; quin etiam non desunt pariter observabiles in papulis, pustulis, tuberculis, carbunculis

X.
Qualiter
extra casum
Pestis non
desint ver-
mes in tu-
moribus &
in sanguine.

& bubonibus, aliisque tumoribus; quos extra casum Pestis solæ febres malignantes interdum generant. Addo quòd etiam secluso febrium malignantium casu, non desunt morbi multi vermiculares, etiamque lethiferi, nec in parvulis tantum, sed etiam in adultis. Neque puto ad istos morbos explicandos velle Authores prædictæ vermicularis hypoteses recurrere ad vermes per aërem repentes & inspiratos cum illo: nam si ita esset, contagiosi omnino, atque ita pestiferi essent omnes isti morbi vermiculares: quod est contra experientiam. Itaque nec in casu Pestis, pro explicandis qualibuscunque phænomenis vermium in sanguine, aut in omni pestilente tumore spectabilium, convenit refugere ad vermes aërem inficientes, & cum illo spirabiles: vel ad eos refugiendum esset pro casu omnis vermicularis ægritudinis, quæ proinde contra experientiam esset pestifera.

XI.
Quomodo

Secunda est, quia extra casum

Pestis, ad exponenda phænomena vermium in corporibus ægris existentium, & rodentium partes quascunque internas, aut externas rumen-tes, satîs est, si stabilitur esse in omnibus solidis & liquidis, quibus solent homines vesci, multa vermium semina, sive ova, quæ intra ægrum corpus vivificantur, ac præsertim intra illius partes molliores atque spongiosiores. Quare autem in corpore ægro potius, quàm in sano ita vivificentur, ratio esse potest: aut quia humores nimis sunt incalesciti: & hic nimius caloris gradus ad talium vermium ex suis ovis exclusionem requiritur: aut quia fluxus humorum non est æquè celer, sed est impeditus, & lentus, & quasi stagnans: & hoc etiam requiritur ut detur locus exclusioni prædictæ: aut simul propter duos istos eventus, qui rarò separantur in morbis chronicis. Unde accidit, ut taliter mortuorum cadavera statim appareant scatentia & fluentia verminibus: quod indicio est illos in ægro

possit vera
mum copia
explicari ex
trâ casum
Pestis.

tante corpore prævixisse , dum adhuc essent vermiculi , & vix , aut nequaquam visibiles.

XII.

Unde procedant vermes extra casum Pestis in corporibus ægris recepti.

Quare jam concludo illa *vermium agmina* , quæprehenduntur *in ventriculis pestiferâ lue correptorum* , & generatim alia , quæ videre est in omnibus pustulis , carbunculis , bubonibus , cæterisque tumoribus pestiferis , nunquam in occasione iusta fuisse conjicendi Pestem physicè constitutam esse in vermibus per aërem sparsis & cum illo inspiratis. Vel certè conjiciendum similiter esset non deesse sparsim per aërem hujusmodi vermes , extra casum Pestis ; quatenus extra illum advertitur in variis tumoribus corporeis , quos febris maligna , aut etiam non-maligna parit , quædam vermium multitudo. An putabit quis istos vermes simul cum aëre inspiratos fuisse ; & non potius cum alimentis suscepta fuisse illorum semina , quæ deinceps fuerint in corpore vivificata : unde factum sit ut tum nati vermes in hanc vel illam partem ipsis

commodiorem irreperirent, & ibi
coeperint carnem vorare? Nam cer-
tè si vermes isti fuissent antea per
aërem sparsi, ac deinceps ab homine
uno inspirati cum aëre, non defuif-
sent alii homines, qui eundem
aërem spirantes, attraxissent cum
illo talia vermium genimina inter-
spersa; & sic morbus ille vermicula-
ris fuisset contagiosus & verè pesti-
lens: vel maximè quia vermes illi
per aërem sparsi, quare intra illum
non coirent & sese multiplicarent
pro multiplicatione contagii, ac
talis tandem contagii, quod simpli-
citer ac solemmniter Pestis vocatur?

Cæterum non nego plures esse
morbos vermiculares, ac valdè
contagiosos; imò plerosque mor-
bos contagiosos, cujusmodi sunt
impetigo, scabies, tinea, variolæ,
venerea lues, &c. puto esse vermi-
culares, ut generatim in omnibus
morbosis papulis, & tuberculis, &
ulceribus, & gangrænis corporeis
puto id omne, quod purulentum
est, scatere vermibus: talibus scilicet,

XIII.
Qualiter
plures mor-
bi contagio-
si alii à ver-
mibus pro-
deant.

qui rependo possint ab uno corpore pervenire ad aliud; & sese in illud insinuare, ac tum cutem externam rodere, imò carnes internas pervadere. Hinc pro vitandis prædictis & consimilibus morbis, qui sapiunt, omnino cavent sibi, prout licet, ab omni convictu, & præsertim ab omni contactu taliter ægrotantium, quin etiam rerum, qui utcunque in usum omnem illorum venerint: adeò periculosus est talis contactus, ac deinde plùs minùs, conformiter ad majorem, vel magis malignantem copiam vermicularis hujus geniminis. Sed deinde quàm parum timeri hoc contagium deberet, quando comparabitur cum illo, cujus periculum incurreretur, si prædicti vermes totum aërem occuparent, atque ita simul cum aëre corpus invaderent, & illi undique inhærendo, simul undique roderent? Quare jam satis constat contagium, quod est summè pestilens, si debet insectis tribui, non utique reptilibus, sed volucris debere tribui:

atque ita donec deprehendantur vermes, qui tumores pestiferos implent, vel quæcunque intestina hominum, quos Pestis abstulit, contendam non esse vermes pestilentes, sed potius natos ex Pestilentia, id est, ob Pestilentiam inductam per insecta volucra pestifera, de quibus in toto Systemate passim locutus sum ad exponendum, in quo causa Pestis physica constituta esse putanda sit.

Accedit *ad firmandum* quod dixi, XIV.
Qualiter videlicet vermes, quos deprehendere est in quocunque interno, aut vermes, qui
sunt in tu-
moribus pes-
tiferis, non
sunt vera
Pestis. externo tumore corporis Peste affecti, non esse ipsam Pestem; quia non illi sunt, qui corpus ad perniciem invaserint; sed postquam Pestis corpus invasit, in eo nati sunt, & exinde ad exulcerandum & vorandum illud concurrunt, ac tandem enecant, nisi enecentur ipsi à præsentissimis remediis vermifugis, imò vermivoris. *Ad id*, inquam, *firmandum accedit*, quod si vermes illi Pestis ipsa essent, nulli ferè Chi-

rurgi essent , qui à Peste immunes fierent : nam Pestem ipsam tangerent , dum tumoribus illis apponunt toties emplastra & linimenta , quibus eos emolliant & perducant ad suppurationem , quâ peractâ opus adhuc est carnes tergi , mundificari , reparari , atque , ut ita dicam , iterum vivificari. Quibus in omnibus ministeriis minùs periculi certè incurrunt , quàm si præsentibus adstarent explicationi vel unius sudarii Pestem continentis , id est , secum intus habentis agmen aliquod talium insectorum volucrum , quæ sunt vera Pestis. Hinc potissimum periculum Pestis incurrendæ ab iis , qui ægros Peste tactos invisunt , & juvant , & curant , imminet illis ex hoc , quòd è cathedris ubi ægri sedent , & è cubilibus ubi jacent , & è vestibis quibus operii sunt , & ex sudoribus quos reddunt , exilire in adstantes possunt insecta illa volucra , quorum activitas vocatur & est verè *pestifera*.

XV:
Quare oportet.

An Adhuc fama feret esse me in

opinione de vermibus constituentibus Pestem? An adhuc imputabitur mihi voluisse restaurare opinionem illam? Si res ita habet, oh quam novum sum ego genus Scriptorum restaurantium aliquam opinionem! Atque ita quid jam superest, nisi ut satisfaciam quatuor Argumentis ab Ornatissimo Viro Domino Perpeffac propositis contra vermes, de quibus dictum est. Sed ad quid mihi satisfaciendum est illis Argumentis, si meum Systema non feriunt? si tam bellè jam inter nos convenitur quæcunque illa sunt vermiculosa genimina, quæ in Peste correptisprehenduntur, esse potius *pestilentiae effectum*, quàm *causam*, ut ipse sub finem loquitur? Satisfaciendum tamen est illis: quia sentio per illa meum Systema, saltem ex obliquo, feriri: & hæc, licèt obliqua, vulnera non placent. Ac deinde licèt inter nos conveniatur de prædictis geniminibus, quòd sint potius *effectus*, quàm *causa* Pestilentiae, abire in hanc sententiam maximè

teat satisfacere argumentis deinde proponendis.

videtur, ut verba ipsius suo loco referenda fidem facient, ob parum fiducia, quam ponit in arte microscopica, veluti decepta & deceptoria: & hæc sunt contra Systema meum *directa vulnera*, quæ adhuc magis mihi visa sunt oportere amoveri ab illo: ut præstabo, Deo volente, post responsiones sequentes ad Argumenta mox referenda.

AD ARGUMENTUM PRIMUM

XVI:
Opponit
non posse
acrimoniam
aceti prove-
nire ab ullis
vermibus.

ARGUMENTI primi substantia hæc est, quòd si in corporibus Peste correptis acrimonia pestilens humorum repeti deberet à vermibus, repeti quoque deberet acrimonix illius exaltatio ab eorum majori mole, vel numero: quod falsum esse probatur ab exemplo aceti, vermibus scatentis, quod si torquente igne patiatur iteratas distillationes, acrius evadit: at multum abest quin sic multiplicentur, vel augeantur vermes; imò sic omnes pereunt, ut in aceto distillato jam non

non appareant. Unde ad mentem Argumentantis, *directè* sequitur, quòd si acrimonia vini, & exinde aceti, repeti non debet à vermibus, etiam non debet ab illis pestilens illa humorum, ac præsertim sanguinis, repeti acrimonia, quæ vitam aufert. Dixi *directè* sequitur, ut *indirectè* sequeretur nullam cujusvis humoris pestilentem acrimoniam referri ad ulla insecta volucra pestifera posse: atque ita Systema meum hoc Argumento, & sequentibus cæteris, offenditur *ex obliquo*, ut antè aiebam; & hoc sufficit, quia meum est, ad omni offensione defensionem parandam, qualis hîc incipit.

Iraque puto neminem esse, qui XVII. adhibitâ microscopii ope, acetum Certè in inspexerit, ac tum dixerit animal- aceto nulli cula, quæ in eo videret, vermes per microscopium videntur vermes, sed angues. esse: nam nullum rependi motum habent, sed è contrâ natandi velocissimum impetum, quo se in omnem partem ferunt & agitant, sinuando sese, prolongando & intorquendo, & convolvendo miris modis,

ac mirè variis ; cæterum corporis formam & proportionem hujusmodi habent , quin etiam superficiem ita maculatam & coloratam , ut esse posse nihil aquatilibus serpentibus , vel murænis similis videatur. Cæterum in omnibus aliis liquidis , in quibus varia herbarum , florum , lignorum , aromatum , &c. genera infusa fuerint , & in quibus diversissimus ac multiplicissimus Populus animalculorum per microscopicas lentes natans conspicitur , nihil unquam vidi , quod reperet & accipi posset pro foetu vermiculari. Quare aïo fuisse me semper valdè distantem ab illis Authoribus , de quibus Clarissimus Doctor loquitur , & de quibus ibi affirmat , quòd *in illorum sententia acetum est vermiculis refertum* : tum addit , *quibus illius aciditatem* referunt acceptam. Quia verò , ut clarè conjicitur , ipse hanc aciditatem illis acceptam non refert , expedit , at addam aliquid , quo dijudicandum Lectoribus meis deferam , an sic , non jam per vermes ,

sed loco vermium per angues, qui in aceto sunt, explicari necnè meritò aciditas illius possit.

Addo igitur nemini eorum, qui ^{XVIII.} Angues, qui in aceto sunt, non possunt non facere aliquas punctiunculas, talium in aceto anguium figuram & vehementiam viderint, venire in dubium posse, quin applicati super cuspidem linguæ, punctiunculas suas contra illam exerceant, ac deinceps contra palatum, contra guttur, contra stomachum, & generatim contra omnes partes, ad quas se applicuerint: & ratio est; quia utique de anguibus, qui consimiles, sed majores & visibiles essent, id conjicitur eventurum: ac proinde quia parvitas & invisibilitas non obstant tali effectui, nisi quòd illum modificant; quare negabitur angues, de quibus dictum est, activitatem suam exercere ubicunque fuerint, donec extincti sint? & hæc quidem est talis activitatis perceptio, quam *aciditatis* nomine designamus. Tum ut hanc sensationem à prædictis anguibus pendere clariùs pateat, experiri potest unusquisque in aceto, quod

acidius sentiet , esse. plures id genus angues : hinc quando vinum acescere incipit , vix in eo pauculi deprehenduntur , uti deprehenduntur notabiliter multiplicari , quando notabiliter fit acidius. Quapropter nihil æquius est , quàm ut inferatur totum id , quod in figura & motu anguium illorum est , ad efficiendam in nobis sensationem illam , quæ est aciditatis , concurrere : *quamvis aliunde possit esse in vino , aut in aliis liquidis acor , qui à præmissis anguium geniminibus non dependeat.*

XIX.

Potest tamen aliunde , quàm ab anguibz aceti , procedere aciditas illius.

Dixi , *quamvis aliunde possit esse in vino , &c.* Dixi autem ; quia pro bona fide , quâ , Deo volente , in rebus physicis perinde ac in ethicis & politicis valeo , fateor explorasse me acerum , in quo , licet esset valdè acre ac mordax , microscopium , quo passim utor , mihi nullos id genus angues repræsentabat. In eo casu pro causa hujus phænomeni recurrere me oportuit ad Philosophiam meam corpuscularem Platoniam ,

juxta quam particulæ, licet inanimæ, idoneam figuram habentes, possunt per motum primordiale, quem perpetuò servant, non solum parem, sed insuper vividiorē efficere sensationem eā, quæ per particulas animatas efficeretur. Atque hinc intellexi plures esse graduales species aciditatis; unde fiat, ut una quædam sit sensibilis sine ope talium insectorum, alia verò ad sui sensationem illis indigeat. Ut autem postmodum veniam ad acetum distillatum, in quo subtilissimè ponit Argumenti sui vim Doctor Clarissimus, admitto talem tandem evadere aceti hujus acorem, ut non pendeat ab insectis, quæ utique per vim ignis periisse non dubito; sed tunc pendet à particulis spirituosioribus, quæ animabant insecta illa, & quæ sic solutæ liberæque ab organis, intra quæ continebantur, vim habent magis acrem atque mordacem: imò potius habent vim igneam, & ustivam potius, quàm ullatenus acetosam: quare deinceps vocari *aceto-*

sa, nisi abusivè, non potest.

XX.
Qualiter
à particulis
solutis possit
procedere in
aceto major
aciditas.

Hoc tamen non intelliget, nisi qui attendere voluerit ad hoc, quòd intra omne animal venenosum sunt particulæ aliquæ magis venenosæ, quàm totum animal: neque enim totum animal in se venenum est. Hinc in serpentibus & viperis, si capitis & caudæ fiat rescissio, quod superest corporis, in usum salutarem sæpè destinatur: & ita clarum est posse in anguibus acetosis esse particulas, quæ majorem, quàm angues ipsi acrimoniam habeant. Cæterùm quod obiter dixi explorasse me acetum valdè acre ac mordax, in quo anguem hujusmodi nullum deprehendebam, hac modificatione attemperandum est; nempe quòd post dies quindecim in illo ipso aceto visi sunt angues id genus multi; unde saltem patet quòd in illo præerant eorum semina; vel jam fortè vivificata erant, sed præ exilitate non poterant deprehendi: nec enim, ut sæpiùs dixi, per quodcunque microscopium, quidquid est; de-

Ad Systema de Insectis, &c. 263
prehenditur ; scilicet aut propter
lentem non perfecte elaboratam ,
aut propter oculum non satis acu-
tum & perspicacem.

AD ARGUMENTUM SECUNDUM.

AR G U M E N T I secundi vim
positam in hoc video , quod
sicut arsenici & mercurii vene-
num , seu cujuscunque sublimati al-
terius corrosivi , ore sensibilibiter
assumptum , necat hominem , licet
in talibus venenis nulla sit suspicio
vermium , ac praesertim in mercurio ,
quo nihil est contra vermes magis
specificum , ita potest venenum pes-
tiferum , quod insensibiliter ore in-
spiratur , necare pariter hominem
absque eo quod ad talem effectum
opus sit suspicari vermes in illo esse ,
quibus strages pestilens tribuatur.
Hinc ad mentem doctissimi Ar-
guentis satis exponitur , quid sit ve-
nenum pestilens , si concipiatur
illud , ut venena caetera , constare
omnino ex salibus quibusdam valde
acribus , & hac acrimonia sua la-

XXI.
Proponitur
esse venena .
quae necant
hominem si-
ne vermium
ope.

dentibus graviter temperiem atque
texturam partium, quas invaserint.
Quæ hæcenus fuit omnium anti-
quorum Medicorum opinio, & non-
dum derelicta, sed, ut confido, de-
relinquenda.

XXII.

Alditur
elevari quan-
doque Pestem
de mine-
ralibus &
fossilibus.

Cæterum *omitto* quod addit in
confirmationem suæ hujus senten-
tiæ, dicens in confesso esse *Pestem*
non rarò produci ab exhalationibus è
dictis fossilibus, & mineralibus in
aëra elevatis. *Omitto*, inquam;
quia hinc nescio apud quos id sit in
confesso: & aliunde scio id in con-
fesso esse non posse, nisi apud eos,
qui veram Pestis naturam ignorant;
apud eos videlicet, qui Pestem esse
non putant, nisi quid valdè acutum,
valdè rigidum, acre, mordax, hir-
sutum, asperum, &c. & de quo
postmodum non attendunt, qualiter
activitatem suam exerceat, ac tum
quomodo sese multiplicet. Qua in
re de Peste tractant, quasi nullum
esset Pestis contagium, in quo ex-
plicando fuit & erit semper potissi-
ma difficultas, cujus nodum se sol-

visse putant, si taceant. At apud sedulos rerum naturalium exploratores, res aliter habet: isti non quiescunt, donec earum, si fieri poterit, medirullia viderint, ita ut nihil quoad earum constitutionem internam perinde atque externam inobservatum & inexplicatum relinquunt: & ego quidem, absit verbo jactantia, ita me gessi toto hoc Opere, ut illorum unus, licet inter illos novissimus.

Itaque pro solutione Argumenti XXIII.
huius, opus est *primò* attendere Qualiter
quòd salvâ simili parvitate, potest in venenum
moleculis animatis & inanimatis esse pestiferum
par veneni copia, ita quòd ab utrisque sit longè pe-
possit corpus vivens contrahere ta- riculosius
bem æquè lethalem: vel præsertim omni alio
quia tota vis veneni ad compositionem internam, aut ad externam configurationem cum vehemente aliqua invasione conjunctam reducitur. Hoc autem supposito, si necari homo potest per inanimas moleculas arsenicales, mercuriales, &c. quare non per animatas, quibus eadem vis corrosiva veneno.

ineffet arsenici , mercurii , &c. Ergo licèt illas moleculas arsenicales , mercuriales , &c. nemo suspicetur esse infecta , inde non sequitur , quòd per aërem esse infecta non possint , quæ ad necandum hominem vim parem habeant. Opus est etiam *secundo* attendere quòd moleculæ animatæ sese multiplicare possunt , inanimatæ autem non possunt : unde quamvis per istas taliter agitatae , taliter configuratae inferri faciliè uni homini , aut uni hominum multitudini mors possit , non sic indifferenter per eas periret quæcunque hominum multitudo. At quæ tandem illa hominum multitudo est , quæ perire per animatas non possit , quando mortiferæ supponuntur , & generandi sine termino vim habent ? Unde sequitur venenum pestiferum esse ab omni alio distinctissimum , & longè superius , aïo perniciosius : in isto contagium est , in cæteris non est : cæterorum phænonena omnia sine infectis possunt explicari , & ex adverso nulla istius.

Congregent, si possunt, Doctores

XXIV.

Medici, vel certè congregatum intelligant quidquid ubique veneni est in arsenico, in mercurio, in aconito, in elleboro, in cicuta, in araneis, in scorpionibus, in viperis, in aspidibus & basiliscis: quid eveniret? Quisquis hujus vel illius veneni nimium quid intra se admitteret, periret; sed non periret qui morientem juvaret, aut mortuum sepeliret: non periret qui mortui domum deinceps inhabitaret, qui vestes illius ferret, qui vel etiam in ejus lecto, & sub iisdem pannis decumberet: ad parem obitum parem hujus, vel illius veneni copiam edere, aut bibere oporteret. Cæterùm & venena illa omnia, dato quòd aliquandiu per aërem volitarent, brevì subsiderent, aut si vento abriperentur longè latèque, sic abrepta, sic sparsa, jam amplius non nocerent. Comparant deinde totum illud venenum valdè multum cum veneno Pestis pauculo, quod vel unam tantummodò panni alicujus ulnam inficeret,

In quo consistat perniciosior veneni pestiferi super venena omnia.

an attendendo posse pauculum istius veneni ruinam inferre multis millibus hominum ; an , inquam , non aliquando cessabunt per sales volatiles corrosivos explicare Pestem , & non potius incipient illam constituere in insectis volucris , per quorum generationes Pestis suum initium acceperit , & incrementum acceptura sit , donec desierint generari & generare.

AD ARGUMENTUM TERTIUM.

XXV.
Opponitur
venena esse,
in quibus ne-
mo suspica-
tur vermes.

ARGUMENTUM hoc tertium , quia verbis paucissimis concinnatur , ad longum exscribo. Sic itaque arguit Clarissimus Doctor : *Dum quis à vipera mordetur , aut à scorpionis spiculo pungitur , quis credat subtilissimum venenum , quo repentinè lethaliter afficimur , nihil esse aliud , quàm terribile vermiculorum agmen in massa sanguinea omnia vastantium ?* Hominem scio , qui hoc non credit : qui credat , neminem : ad hoc enim crede-

re oporteret rem ab omni humana fide sejunctissimam, scilicet omne venenum vermes esse. Ipsos etiam, qui venenum pestilens in verimibus posuerunt, omnino ab illa fide sejunctos fuisse meritò reputatur; quia benè noverant non omne venenum contagiosum esse: unde reputandi sunt non confugisse ad vermes, nisi pro explicando veneni pestilentis contagio. Sic haud dubiè illi responderent: sed tum quia intelligo id ipsum, quod hîc contra opinionem de verimibus constituentibus Pestem objicitur, *posse pariter objici* contra opinionem de insectis voluctibus, per quæ Pestis naturam explico, expedit, ut paulò fusiùs loquar de discrimine, quod inter venena cætera & venenum pestilens reperitur; ac simul de vi malignantissima, quæ illis & isti communis est.

Dixi *posse pariter objici*: & reverà quid in Argumento prædicto mutare arguens debuisset, si meam opinionem novisset, quam voluisset

XXVI.

Qua in re

præsertim

consistat cu-

juscunque

veneni acti-

vitas.

quid tranquillius, dum quasi sopitæ in ligno sunt; sed si excitantur, quid est perniciosius? *Sic tutò serpens etiam pestifera tractatur, cum riget frigore: nec desunt illi venena, sed torpent:* ut à Seneca scriptum est. Epist. 42. Cæterum dum activitatem, quæ generatim veneni est, conféro cum ista, quæ ignis est, illam ad effectus suos respectivè majorem suspicor: nam sunt venena ita præsentia, ut in pari copia homini antè ademissent vitam, quàm ignis cutem cremasset.

Neque jam difficilè intelligetur non esse nobis opus ullis insectis ad explicanda prompta etiamque subitanea funera, quæ sæpè hominibus accidunt ex veneno, aut viperæ, aut scorpionis, aut arsenici, &c. nam quot sunt effluentes id genus molculæ, quæ invadunt, aut cor, aut cerebrum, &c. tot sunt in corde, aut in cerebro vulnera totius continuitatem lædentia cum dolore intolerabili, qui vel obitum subitum procreat, vel deinceps non

XXVII.
Nullis opus
est insectis
ad explican-
dam vim ve-
neni. Quod
non est con-
tagiosum.

finis vitam agere, nisi miseram, ob irreparabiliter offensam integritatem organicam, sine qua nulla vitalis actio salubriter exercetur. Annon sufficeret ad vitam homini adimendam vulnus factum acui sutoriâ, quæ transfigeret illius, aut cor, aut cerebrum? Atqui vulnera mille, quæ per prædictarum molecularum chiliadem scorsim fierent, æquivalerent uni vulneri per acum sutoriam facto. Igitur perinde homini vitam adimerent. Hinc patet de omni veneno, quòd, dummodò contagiosum non sit, nulla sunt illius phænomena, plùs minùsve lethalia, quæ non possint sine recurso ad ulla insecta multiplicabilia explicari.

XXVIIII.

At venenum pestiferum explicari sine illis non potest.

Sed postmodum ubi sunt explicanda phænomena veneni contagiosi, cujusmodi est pestiferum, quod dum nocere incipit quibusdam individuis viventibus alicujus speciei, festinanter dilatatur ad nocendum aliis, ac tandem omnibus, si non sistitur; tunc necesse est confugere ad alicujus generis insecta, sive natantia,

Ad Systema de Insectis, &c. 273
natantia, sive repentia, sive gradien-
tia, sive volantia, sese multiplican-
tia. Quod autem dico *sive natantia,*
sive repentia, &c. id volo intelligi
dictum respectivè ad illas viventium
species, quas jam Pestis invaserit :
siquidem ab uno & eodem genere
insectorum non posset indifferenter
intra omnem viventium speciem lues
pestifera æqualiter dilatari. Unde si
pro pestifera lue brutorum, imò si
pro particulari aliqua pestifera lue
hominum sufficit pestiferis insectis
gradi, aut repere, hoc non sufficeret
illis, ad inferendam & propagan-
dam luem pestiferam ei similem, de
qua mihi fuit sermo toto Systemate,
id est, Massiliensi, quæ, heu nimis !
longè latèque dilatatur & sævit hor-
rendum in modum. Hinc eam non
in ullis vermiculis, prout falsò de
me relatum fuit, sed in insectis vo-
lucris, utique malignissimis & ideo
pestiferis, consistere affirmavi : quin
& affirmabo, donec Magistri mei,
Domini Doctores Medici esse ali-
quid malignius & multiplicabilius

in suis illis salibus volatilibus corrosivis probaverint.

AD ARGUMENTUM QUARTUM.

XXIX.
Opponitur,
quòd Pells
vermiculosa
non grassa-
retur ubi-
que indiffe-
rer & toto
anno.

IN afferenda solutione Argu-
menti hujus quarti non mora-
bor ; quia nihil difficultatis inducit
contra vermes pestiferos , *quod non*
possit valdè invictius retorqueri con-
tra sales volatiles corrosivos , per
quos Arguens præsumit posse , imò
non posse aliter exponi omnia
Pestis phænomena. Sensus est Pes-
tem sæpè grassari simul in Regioni-
bus calidissimis & frigidissimis , ac
sine ullo habito discrimine hyemis
& æstatis , veris & autumnis : at hoc ,
inquit , non eveniret : quatenus
eloquentissimo Fernelio Teste , *Nul-*
la putrida (addit ipse , *nulla ver-*
minosa) *nulla intemperantior aëris*
constitutio potest in valdè multas
Regiones vagari , in illisque vigere.
Atque hîc quidem mihi luce opus
est ; an enim Pestis non erit *intem-*
perantior quadam aëris constitutio ,

undecumque interim constitutio hæc suboritur ? Tum authoritati addit experientiam , quâ constat vermiculos ex suis ovulis non excludi , nisi certis anni tempestatibus ; aut encari , si fortè casu , arte , aut aliter extra illa excluderentur. Hinc quia Pestis toto anno viger , & ubique indifferenter , concludit eam non consistere in vermiculis : perinde conclusisset eam non consistere in insectis ullis volucris , si verè illi relatum fuisset non vermiculos esse , sed culiculos , de quibus esset institutum Systema , quod disponebam ad typos.

Atque ut jam pateat quod dixi , videlicèt nihil esse in hac difficultate proposita , *quod non possit valdè invictius retorqueri contra sales volatiles corrosivos* , eos intelligo qui *pestiferi* vocarentur , contendo fieri non posse ut omnes Regiones jacentes hinc & inde inter Æquatorem & Polos illis iisdem salibus volatilibus corrosivis abundent. Ratio est ; quia si alicubi sales illi abun-

XXX.
Id potius
non accide-
ret, si Pestis
consisteret in
salibus cor-
rosivis.

dant , ibi tantum , ubi sub halituum forma exspirant è certis quibusdam fossilium , mineralium atque metallorum subterraneis specubus , seu fodinis. At id genus fodinæ , sicut alicubi multæ sunt , sic alibi nullæ omnino comperiuntur ; siquidem ad ubertatem sui exigentes certum quoddam Cœlestis ac Terrestris caloris temperamentum , quod ubique non reperitur : & nihilominus ubi non sunt fodinæ illæ , ibi Pestem vigere perinde accidit. Sed tum supponatur esse ubique id genus fodinas , unde in halitum abeant sales illi volatiles corrosivi , quid eveniet ? *Primò* , quòd ubique præsentissimum immineret Pestis periculum. *Secundò* , quòd si sales illi satís volatilitatis ad effectum pestiferum retinerent per aërem in Regionibus calidis & in certis anni temporibus , satís utique non retinerent in Regionibus frigidis , ac præsertim in frigidioribus earum diebus , ac proinde nunquam ibi esset Pestis timenda : quæ omnia

pugnant contra experientiam.

Hinc nisi supponatur sales illos primitivos pestiferos , qui è certis fodinis , aut specubus , aut cloacis , &c. prodierint , & sparsi per aërem fuerint , vel intra merces excepti fuerint , iterum per aërem spargendi , sese in decursu multiplicare , nunquam intelligetur ulla Pestis diffusio ; nam pro unoquoque effectu pestilente sua pestilens causa requiritur ; atque ita requireretur certus quidam molecularum ex salibus illis coalescentium numerus , qui si non fiat major , quomodo effectuum numerus evadere major poterit ? Sales autem illos multiplicari tam impossibile est , quàm multiplicari fodinas , specus , aut cloacas , unde prodiisse primò supponuntur. Nec plura contra hanc multiplicabilitatem , de qua fusè dictum est totâ Prop. 4. Ad quos spectat , ii videant , an per hanc retorsionem satîs soluta fuerit difficultas.

Sed jam ad abundantiam solu-

S iij

XXXI.

Per id ge-

rustales nul-

la fieret Pest-

is diffusio.

XXXII.

Et è contrâ

facile omni-
no explica-
tur per infec-
ta volueria
pestifera.

tionis dico è contrà , quòd si ad-
mittitur consistere Pestem , de qua
sermo est , in infectis iis volucris ,
pro quibus hucusque à me certatum
est , nihil facilius est , quàm expli-
care Pestis diffusionem usque ad
longinquissimas Regiones: quia perin-
de ad longinquissimas ac propin-
quissimas immediatè , aut mediatè
perferri possunt merces , quæ Pestem
reddent , quando expandentur.
Aio deinde ad calidissimas & frigi-
dissimas indifferenter: & eadem ratio
valet , nisi fortè apud eos , qui crede-
rent infecta illa esse ita delicatuli tem-
peramenti , ut nihil nimium ferre
possint, frigoris, aut caloris. Tale ali-
quid *Zonæ hujus Temperatæ Incolis*
credebatur olim , dum aiebant ne-
mini sub *Torrida* , aut sub utraque
hinc & inde frigida esse licitum ha-
bitare. At nihilominus sub *Æquatore*
ipso vivunt frequentes *Populi* ; nec
desunt *Nautæ* , qui è parte *Boreali* ,
ultra novam *Zemblam* , & *Groën-*
landiam , & *Novolandiam* suprà
octuagesimum tertium altitudinis

Poli gradum commercia sua potulerint : unde forsā sub utroque Polo, ut in climatibus cæteris, habitatur. Quare itaque ad utrumque transferri Pestis non posset ? tantum si quidem abest mollem, ut creditur, & fragilem esse talium insectorum temperaturam, ut potius vix illam absument ignis & glacies.

Ad id autem, quod postmodum ^{xxxiii.} doctè observat Regius Professor, ^{Redditur ratio cur hæc insecta possint ubique nasci, & omni tempore.} vermes (idem potuit de insectis plurimis volucris observare) è suis ovulis non excludi, nisi *certis anni tempestatibus, certisque locis, &c.* dico Naturam, imò Naturæ Authorem, qui dat simul esse & consequentia ad esse, sic providisse plerisque insectis, ut non nascantur, nisi quando adest, unde pascantur : sic vermes serici ova sua non perforant, nisi quando gemmare incipiunt Mori. At malo nostro evenit, ut à Deo vindice nostræ ipsa caro in pastum insectis pestilentibus provisa fuerit : unde omni tempore ac ubique habent cum vitæ nostræ dispen-

dio , unde suam excipiant. Sed turn de vermibus illis sericis nimis obiter dixissem , nisi adderem pullulationem illorum ex ovis suis ferè arbitrariam esse Domino , cujus fuerint : nam si hæc ova reconduntur in loco calido , illi ante tempus nascuntur , ut è contrà longè post tempus , vel fortè nunquam nascerentur in loco frigido. Rem expertus sum hoc anno : fuit mulier , una è vicinis , quæ talium ovorum uncias duas posuerat in armariolo propè caminum ; & ecce nihil suspicans de eventu , aperiens sub initium Martii , vidit bestiolas natas & nascentes , nempe quando adhuc nulla in Moris foliorum initia comparebant. Quid egit ? è Rosariis recentia quædam foliola dabat , pauculis profutura.

xxxiv.

Qualiter hæc insecta possint citius, aut tardius nasci pro varia temperatura locorum.

Neque hanc digressionculam inanem quis putet : ex ea colligo posse insecta ex suis ovis citius , aut tardius nasci pro varia temperatura locorum , in quibus ova illa servantur , & rerum intra quas soventur , siquidem plus minúsve idonearum ad

repulsionem omnis contrarii , quod
exclusionem ad ultiores moras pro-
traheret. Quod autem sic aïo gene-
ratim , mox refero ad insecta pesti-
lencia , quorum nativitas citior eva-
dit , aut tardior , prout eorum ova
sentiunt , aut citiùs , aut tardiùs gra-
dum illum caloris , sine cujus acces-
su non fit exclusio. Hinc per æsta-
tem puto illa citissimè excludi , &
extra , & intra domos : unde tunc
temporis intùs & foris par ferè oc-
currit Pestis incurrendæ periculum :
sed per hyemem ova pestifera magis
foventur in domibus , scilicèt præ-
sertim dum hærent tapetibus , co-
nopæis , indumentis , &c. atque
hinc accidit major per hyemem
Pestis sæviriã , nempe ob insecta ,
quæ ab externo frigore propellun-
tur ad calorem domesticum , magis
utique faventem , & ipsis , & ipso-
rum foetibus.

Ac tandem , quod præcipuum est ,
ex hac meã digressiuncula colligo ,
quàm parum credibile sit , quod
vulgò creditur de quadragenario

xxxv.
Non suffi-
ciunt quadra-
ginta dies ad
tentandam
Pestis præ-
sentiam.

dierum spatium, quasi sufficiente ad tentandam Pestis præsentiam in pannis, in vestimentis, & similibus rebus, quibus jam adhæsisserent, aut infecta ipsa pestilentia quædam, aut ipsorum ova. Nam si vermium sericorum cæterorumque insectorum visibilium potest nativitas retardari, uti continendo illorum ova in locis, sive frigidis, sive humidis, aut aliter involvendo illa nimis, aut recondendo sub terra, &c. quare similiter retardari non poterit per aliquam hujusmodi causam nativitas insectorum invisibilium pestilentium, propter eorum ova inhærentia subjectis, in quibus ob locum, aut involucrum non habent fomentum idoneum exclusioni. Et hæc est ratio, cur in mercibus de Peste suspectis nulla esse possit securitas, licet post quadraginta dies & ultra, nihil pestilentiae comparuerit: ac præsertim si merces illæ detentæ fuerint in apothecis obscuris, humidis, frigidis, &c. Neque nisi nimis hoc verum est, si verum est,

ut audio , redintegratam nuper fuisse Pestem Massiliensem ob facta commercia quædam mercium , quæ ab initio Pestis Urbem invadentis in secretis apothecis latuerant. Jam verò si quid deest solutioni Argumentorum , quæ ex Clarissimo Professore Regio exscripsi , directè quidem ferientia vermes , indirectè autem culices pestilentes , id à Lectoribus meis , ut confido , supplebitur.

Sed neque adhuc calamum continebo , nam mihi superest nonnihil observandum ad duo Corollaria , quæ sibi credidit sufficere ad omnem suæ opinionis securitatem contra vermes pestiferos. *His addere sufficiat , inquit , primò vermiculos , tum in sanguine , quando adsunt , tum in cavitatibus corporum Peste correptorum repertos , magis esse putredinis & Pestilentie effectum , quàm causam.* Atque hoc est Corollarium *primum* , in quo unanimes sumus , licèt non iisdem , ut conjicio , rationibus moveamur ad id affirman-

XXXVI.
Qualiter
vermes non
sint causa
pestilentie ,
sed effectus.

dum. Et ego quidem ad id affirmandum moveor, quia extra omnem casum Pestis sæpissimè accidit, ut qui febre malignâ corripuntur, sanguinem habeant vermiculosum, ac degenerantem in miasmata carbuncularia & similia varias corporis partes inficientia, quæ scatere vermibus nemo jam dubitat. Quin etiam extra casum febris malignantis rarò accidit non generari vermes in cavitate aliqua corporis per morbos chronicos; hinc solertiores Medici rarò ægris adhibent medicinas, in quibus vermifugum aliquid, aut vermivorum permisceri non jubeant. Aliunde autem sunt corpora Peste correpta, in quibus nihil verminosumprehenditur: nullus carbo, nullus bubo apparet: nulla in eis sese demonstrat pustula, ubi vermes suspicari quis possit. Quare omnino alius est morbus pestilens, & alius morbus verminosus, licèt iste sequi ex illo soleat, nempe quando ille chronicus est: nam de cætero, quando præsertim acutissimus est, &

Ad Systema de Insectis, &c. 285
ægrum subitanè aufert, credo
quòd in cadavere hominis per Pestem
è vivis in hunc modum ablati,
non plures esset comperire vermes,
quàm in corpore alterius, qui dere-
pentè obiret, aut capite minutus,
aut transfixus corde.

Atque hîc vellem, ut mecum
attenderet Lector, qualiter cadave-
rum intestina non multos post dies
scateant vermibus, & iis quidem
adultæ longitudinis: unde meritò
colligi potest eos jam antè fuisse
natos, ex quo corpus per morbum
in cadaver degenerabat: nam mor-
bus, lethiferum aîo, quid est nisi
mors quædam incœpta, sive cada-
verica quædam temperies, unde
mors sequitur? Et evidens quidem
causa est, ob quam necesse sit, ut
mortem preveniant natalitia ver-
mium: nam sicut aquæ claræ ac ni-
tidæ, quandiu per alveos suos per-
niciter fluunt, nullum otium relin-
quunt nativitati quorumlibet in-
sectorum, licèt secum abripiant
multorum semina; sed si aut hinc,

XXXVII.
Unde pro-
veniat nasci
vermes in
corporibus
longâ ægri-
tudine tac-
tis.

aut inde , in aliquam cavitatem illabuntur , ubi stagent atque subsistant aliquandiu , ibi foras quiete semina reddent insecta varii generis. Idem humoribus corporis accidit : donec eunt pro celeritate , & quâ viâ oporteat , non permittunt è seminibus quæ ferunt , ulla vitam accipere , imò illa in viventis substantiam atque adipem commutant ; sed si facti fuerint segniores , aut per exundantiam illapsi fuerint in sinus non suos , ubi retineantur , quæcunque tulerint semina , aut repperint , ibi hæc & illa vitam accipiant.

XXXVIII.
Qualiter
in plerisque
alimentis
sint multa
semina ver-
mium.

Dixi , *aut repperint* : & ratio dicendi fuit ; quia corporis viventis partes , paucis , vel nullis exceptis , certissima quædam seminaria sunt vermicularis generationis. Nam nunquid omnes peræquè vivunt ex alimentis , in quorum plerisque abundare vermium semina nemo verè Physicus dubitat : experimentaliter enim constat pleraque id genus alimenta , sive panem , sive carnes ,

Ad Systema de Insectis, &c. 287
 sive pisces, sive fructus, &c. si
 reponantur seorsim, suo postmo-
 dum tempore putrescere, id est,
 vermificari: quod utique nunquam
 accideret absque præexistente in eis
 aliquo vermiculari seminio. Sed
 tum quia corporum nostrorum tem-
 peramenta sunt varietatis propemo-
 dum infinitæ, satis capitur nihil de
 hisce rebus hîc à me affirmari, velu-
 ti accipiendum aliter, quàm accom-
 modatitè ad illam varietatem: sicut
 etiam satis capitur qualiter consen-
 tiam in hoc, quod doctissimus Pro-
 fessor affirmat; scilicet, *vermiculos,*
tum in sanguine, quando adsunt,
tum in cavitatibus corporum Peste
correptorum repertos, magis esse pu-
tredinis & pestilentiae effectum,
quàm causam.

Sufficere sibi etiam putat, si ad-
 dit: *Secundò diligenter notandum*
esse, quòd Ars Microscopica, cui fere
tota nititur confutata sententia, ut
decipiat & decipiat, est admodum
prona. Atque hoc est Corollarium
secundum, in quo nunquam concor-

XXXIX:

Qualiter
 Ars nulla
 possit sive
 decipere, si.
 ve decipi un-
 quam.

des erimus. Illud , *ut decipiatur* ; prætermitto , quia decipi Artifices omnes posse , sed Artem , neque vel unam , decipi aliquando posse , aut etiam potuisse intelligo. An decepit , an decipere potuit Euclides Mathematicam , aut Hippocrates Medicinam ? Attendo ad istud , & *decipiat* : quamvis rursus Ars nulla , si verè Ars est , aliquem aliquando per se deceperit , aut decipere potuerit. Artifex est , qui peccat , si Artem nescit , aut non exequitur. At in causa peccandi Ars nunquam erit. Potest quis , normâ utens rectissimâ , lineam obliquè ducere : an hæc obliquitas normæ tribuetur , & non potius manui , quæ à norma deflexit ? Et hîc quidem de Arte Microscopica sermo est , quæ certè multos deciperet , si , ut affirmat , procrearet in visu hallucinationes , quas enumerat ; scilicet , *quibus non rarò evenit , ut in sanguine aliisque liquoribus , loco minutissimarum fibrillarum liquori innatantium , vermes , serpentes , similesque reptantes bestie*

Ad Systema de Insectis, &c. 289
bestia oculo microscopio munito cum
stupore appareant.

Oh ! quàm spatiosus esset mihi
jam campus scribendi adversùs hal-
lucinationum vitia falsò Arti Mi-
croscopicæ imputata ! Sed quia
mihi non parceretur , si Mathemati-
cum agendo , fusiùs hac in parte di-
grederer , efficiam ut ex dicendis in-
gratiam Artis offensæ , nihil super-
fluum afferatur. Mathematicæ pars
Perspectiva est , & pars quidem antè
cæteras utilis ac jucunda. Hæc divi-
di trifariàm solet in Opticam , Ca-
toptricam & Dioptricam , divisione
acceptâ ex radiis luminosis , quibus
proprium est esse aut directos, aut re-
flexos, aut refractos. Isti ad Dioptri-
cam pertinent : & hæc est quæ sub se
præsertim continet Artes duas , Te-
lescopicam & Microscopicam. Ad
illam spectat lentes disponere , qua-
rum ope videantur objecta, quæ licet
spectandæ magnitudinis sint , nihilo-
minus ita distant , ut vel nullatenus
viderentur , vel non viderentur , nisi
modo quodam confuso & falso. Ad

XL:
Quid sit
Ars Micros-
copica , &
quomoddò
pertinet ad
Dioptricam

istam verò spectat lentes aliter formare , per quas videantur objecta , quæ tantæ sunt parvitaris , ut inermibus oculis , quantumlibet è propinquo & attentè obtinentibus , aut non aliter quàm confusissimè , aut nullatenus pateant.

XLI.

Quot &
quales utilitates ex usu
Telescopii
hactenus
provenerint.

Hinc dum eminèns conspicio montem , ibi nihil præter saxa & prærupta præcipitia video : usu autem Telescopii video , & sylvas , & præta , & pecudes , &c. Sæpè quid è longè video sese movens , de quo crederem esse ovem , aut canem , &c. & arrepto Telescopio , ecce homo est , qui suo in horto ambulat. Mihi etiam è longinquo in prospectu est turris , cujus superficiem nigram & figuram rotundam esse pronuncio : mutabo judicium statim atque , ope Telescopii , advertam rubere illius muros , & esse in quadro positos. Facto postmodum à Terris ad Cœlos transitu , an ante tubos Galilæi Telescopicos noverat aliquis Satellitium Jovis Planetarii ? Exinde compertum fuit Jovem illum suos

habere Satellites, ex quorum emersionibus & immersionibus observatis, plurimæ in Astronomicæ comprehensionis bonum utilitates redundaverunt, uti maximiè ad computationem Eclipsium, quin & fortè redundabunt, ut aliqui confidunt, ad longitudinum deprehensionem summè ac meritò desideratam. An utilitates istas & similes vocabit aliquis *hallucinationes Artis Telescopicæ*, & non potius dicet hanc *Artem* favere plurimùm imbecillitati visionis humanæ, & emendationi judiciorum ex imbecillitate illa sequentium?

Atqui visionis nostræ imbecillitatem magis adjuvat *Ars Microscopica*, & emendat securiùs falsa judicia, quæ à multis nescientibus, aut nescire volentibus illam, de invisibili rerum physicarum parvitate feruntur. Quia enim ut plurimùm negantur ea omnia, quæ his oculis inermibus non videntur, inde fit ut effectus physici permulti ad causas extraneas, & verè nullas, referantur,

XLII.
Neque pauciores utilitates affert Microscopii usu.

quandiu non videntur illæ , ad quas
refèrri merito possint & debeant.
Sic ante usum Microscopii cogita-
bat nemo angues esse , qui possent
aceri punctiunculas facere : nemo
ullos in aceto suspicabatur : hinc
causam hujus acoris afferebant om-
nino aliam , ac reverà nullam. Vi-
dentur jam angues illi & activitatem
habentes , quam in cuspide linguæ ,
& in area palati , & in parietibus
stomachi exercere quare non pote-
runt ? Et hæc quidem erit sensatio
aciditatis , quæ licet procedere
posset in aceto ab inanimatis mole-
culis parem activitatem , parem fi-
guram habentibus , quantò facilius
ab animatis potest procedere ? Sed
forsan nihil nisi fibræ quædam mi-
nutissimæ sunt angues illi , qui ea-
propter angues apparent , licet non
sint : hoc saltem Professor Clarissi-
mus suspicatur : benè est ; sed rei
decisio stet ad pœnam oculi : inspi-
ciat per accuratum Microscopium
fibrillas illas præsumptas , & adver-
ter qualiter nihil eis desit , quod per-

tineat ad corpoream vitalem structuram anguium. Advertet etiam qualiter, si quis culiculum in acetum injecerit, tales fibrillæ in eum undique insilient & vorabunt.

Postmodum autem quid esse similitudinis potest inter fibrillas illas inanimes, & species istas insectorum plurimas, quæ in omnibus liquidis advertuntur post infusionem in eis factam florum, foliorum, fructuum, lignorum, aromatum, &c. Certè si nulla in animalculis istis anima est, nulla erit in Elephantibus & Camelis, in quibus nihil tam vitale visum est unquam. Credere autem postmodum posse per lentem Microscopicam representari vitale id quod non vivit, perinde esset ac credere quod sine ulla rei veritate possint per eam representari, v. g. in pulice proboscis, auriculæ, squammæ, juncturæ tiliarum, furcillæ pedum, ipsa etiam sexus distinctio, ipsa etiam intra ejus viscera circulatio sanguinis, & cætera id genus, quæ visus inermis, licet acerrimus,

X L I I.

Quantum
repugnet in-
secta in li-
quidis visa
esse fibrillas.

deprehendere non valet. Ac tandem credi perinde posset non esse veros characteres, quos senex per sua perspicilia discernit, quia nempe sine istis illos confundit. Tum, Deo volente, jam transit tempus illud, quo si quid curiosum per inventa Dioptrica, vel Catoptrica, vel ut cunque Optica fieret, id Arti magicæ tribuebatur: tantum adhuc superest lampas, quæ scilicet ad deridendam rerum istarum ignorantiam, adhuc *magica* vocatur.

XLIV.
Quæ sit
Authores in
Aggressorem
suum grati
animi volun-
tas.

Et hæc quidem ex abrupto meta sit scribendi, aliàs serò ponenda, si calamum præberem ardori me impellenti ad propugnanda & illustranda practica hæc & theorica studia, quibus fui à puero innutritus. Neque tamen hæc meta erit sine comite clausula gratiarum immortalium, quas Domino meo Perpetuam, Sapientissimo Artis Iatricæ Professori, hodiè refero de mei suis in Scriptis publicis mentione facta, & quæ in occasione mihi fuit Appendicis, quâ implevi multa, quæ

Ad Systema de Insectis , &c. 295
deerant pro convictione mei Systematis. Utinam multi parvis eruditionis hostes in me incurrerent , experimenta sua vel theoremata opposcentes ! Hinc , ut confido , pariter fieret introire me penitus in veritatem , & eam persuasibilius stabilire : vel præsertim , quia ut *ferrum ferro acuitur* , quod est vetus apud Hæbræos proverbium , *bartzel bebartzel jachad* , sic ingeniis acuuntur ingenia , & ad longè ulteriorem rerum in dissertationem venientium intelligentiam promoventur.

F I N I S.



I N D E X

R E R U M P R Æ C I P U A R U M ;
quæ in hoc Pests Systemate Physico
continentur,

*Littera P. indicat paginam , & littera N,
numerum.*

Alimenta. Vide, Vermes.

QU A L I T E R spiritus, qui corpus vivificant,
contineantur in alimentis , p. 168. n. 7.
Quare necesse sit esse in plerisque alimentis nostris
semina vermium , p. 248. n. II. & seq.
Sunt in corpore vivente varia seminaria vermicu-
laris generationis , p. 286. n. 38.

Contagium. Vide , Pests.

Contagia Pests & Lepræ comparantur ad invi-
cem , p. 20. n. 7.
Quid sit discriminis inter contagium pestiferum
& venenum , p. 39. n. I. & seq.
Contagium Pests non potest explicari sine nova
multiplicatione , p. 52. n. I. & seq.
Tale contagium per viam fermentationis & in-
cendii explicari non potest, p. 156. n. 25. & seq.

Index Rerum præcipuarum , &c.

Nullatenus potest explicari extra hoc Systema de
infectis , p. 162. n. 2.
Cur plures Medici negent contagium Pestis ,
p. 191. n. 22.
Contagium Pestis vim omnis veneni superat ,
p. 195. n. 1.

Culices. Vide , Infecta.

Culices aërei sunt intra radium solarem visi , &
extra non visi , p. 86. n. 6.
Ut in aëre sunt culices salutiferi , ita possunt esse
pestiferi , p. 87. n. 7. & seq.

Effluvia. Vide , Spiritus.

Quid sint bona & mala corporum nostrorum efflu-
via , p. 13. n. 2.
Nullum effluviū inanimatum esse contagiosum
potest , p. 104. n. 6.
Lucretius non agnovit , nisi effluvia corporum
inanimata , p. 137. n. 11.

Etymologia,

Quæ sit etymologia Hebraïca Pestis , p. 9. n. 6.
Hinc inferitur Pestem non esse morbum , ut unum
è cæteris , p. 10. n. 7. & seq.

Fames. Vide , Pestis.

Fames non potest veram generare Pestem ; &

Index

quare , p. 30. n. 4.
In quo consistat verum *Famis* flagellum, p. 33. n. 5.

Insecta. Vide , *Pestis*.

Absque insectis pestiferis explicari natura *Pestis*
non potest , p. 55. n. 3. & seq.
Insecta, quò minora sunt , eò possunt esse magis
nociva , p. 57. n. 5. & seq.
Pestis melius explicatur per *insecta*, quàm per
moleculas inanimes , p. 62. n. 1. & seq.
Insecta, quò minora sunt , eò facundius multi-
plicantur , p. 74. n. 11. & seq.
Unde oriatur intra aërem invisibilitas plurimo-
rum insectorum , p. 94. n. 12. & seq.
Insecta pestilentia non nascuntur ex omni putri
materia , p. 130. n. 3.
Invisibilia perinde ac visibilia possunt se invicem
destruere , p. 132. n. 5.
Potest accidere , ut *insecta* sint , quæ non respi-
rent , p. 146. n. 17.
Quæ sit invasio externa insectorum pestilentium ,
p. 174. n. 11.
Qualiter intelligi debeat eorum invasio interna ,
p. 182. n. 16.
Unde maximè probeatur talium insectorum mul-
tiplicitas , p. 198. n. 3. & seq.
Insecta pestifera possunt nunc tardius , nunc ci-
tius nasci , p. 280. n. 34. & seq.

Rerum præcipuarum, &c.

Lepra. Vide, Contagium.

Quæ & quot cautiones adhiberentur olim ad non
incurrendum in plagam lepræ, p. 22. n. 8.

Quâ occasione lepra in Europam ex Asia translata
fuerit, p. 23. n. 19.

Lepra Regionum Asiæ videtur versa fuisse in Pestem,
p. 25. n. 10.

Faciendum esset in casu Pestis id, quod olim fiebat
in casu lepræ, p. 227. n. 6. & seq.

Mens. Vide, Remedia.

Mentis temperamentum remedium est, quo maximè
Pestis avertitur, p. 167. n. 6.

Qualiter in primis tranquillitatem suam retinere
Mens possit, p. 193. n. 23.

Quæ fuerit Mens Authoris in hoc Systemate
conseribendo, p. 233. n. 9 & seq.

Quantum distet Mens Authoris ab opinione de
vermibus pestiferis, p. 237. n. 2.

Microscopium. Vide, Oculi.

Multa nobis invisibilia sunt visibilia per Microscopium
p. 68. n. 6. & seq.

Vim habent microscopii speculum concavum ad
reddenda multa visibilia, p. 71. n. 8.

Quare microscopia nulli deceptioni activæ, aut
passivæ subiaceant, p. 287. n. 39. & seq.

Index

Quomodo Ars microscopica pertineat ad Diop-
tricam , p. 289. n. 40.
Ars microscopica & telescopica comparantur ,
p. 290. n. 41. & seq.

Molecula. Vide , Infecta.

Moleculæ multæ , licet organicæ , possunt invisi-
biles esse , p. 83. n. 3. & seq.
Nulla earum configuratio sine motu sufficeret ad
nocendum , p. 116. n. 13. & seq.
Nullæ , quantumlibet , corrosivæ possunt constitui
re naturam Pestis , p. 123. n. 18.

Morbus.

Quid sit morbus contagiosus , & qualiter possit
contrahi , p. 12. n. 1.
Omnis morbus contagiosus nominari potest ac
debet *pestilens* , p. 15. n. 3.
Quid sit morbus qui absolute ac simpliciter *pesti-*
lens vocatur , p. 19. n. 6.
Morbus pestilens dijudicari , nisi ex contagio ,
non potest , p. 101. n. 4. & seq.
Morbi pestilentes curari possunt per analogiam ad
alios morbos , p. 213. n. 13.
Morbi plures contagiosi procedere à verminibus
possunt , p. 247. n. 13.
Sed tales morbi verminosi non sunt illa Pestis ,
de qua jam agitur , p. 253. n. 14.

Rerum præcipuarum , &c.

Natura.

Quàm sollicitè inquire oporteret veram naturam
Pestis , p. 34. n. 7. & seq.

Quæ sit vis naturæ pro Peste curanda : tantùm de-
bet juvari , & qualiter , p. 219. n. 18.

Oculi.

Oculi minores vident objecta proportionaliter
minora , p. 81. n. 2.

Quantùm oculos adjuvet telescopii usus , p. 290.
n. 41.

Neque minùs illos adjuvat usus accurati microscopii , p. 291. n. 42.

Opinio.

Opinio de hericiis corrosivis pro explicanda
Peste impugnatur , p. 37. n. 9. & seq.

Opinio de moleculis mercurialibus , salinis , &c.
pariter refutatur , p. 112. n. 11. & seq.

Plures in opinionibus istis fictiones esse ostenditur , p. 237. n. 2.

Ostendit Author sibi falsò imputari opinionem
de vermibus pestiferis , p. 113. n. 2. & seq.

Ova. Vide , Insecta.

Quàm facilè Pests per ova insectorum pestilentiæ

Index

- tium transferri possit, p. 60. n. 7.
Quantum sit periculum propter ova pestilentia
inhærentia vestibus, p. 166. n. 5.
Quare insecta excludi possint ex suis ovis semper
& ubique, p. 279. n. 33.
Non est tempus limitatum pro tali exclusionem ex
ovis pestilentibus, p. 181. n. 35.

Pediculi.

- Afferitur experimentum de pediculis invisibili-
bus, p. 88. n. 8.
Unde morbus pedicularis originem suam habeat,
p. 89. n. 9.

Pestis.

- Quæ sit ea Pestis, cujus natura hæc inquititur,
p. 1. n. 1.
Qualiter Pestis ad Dei vindictam referri debeat,
p. 4. n. 3. & seq.
Quibus coloribus variæ Pestis species distinguan-
tur, p. 17. n. 5.
Quæ fuerit sollicitudo Romanorum in inquiren-
da natura Pestis, p. 34. n. 7. & seq.
Paucissimi Teriò inquirunt causam verè physicam
Pestis, p. 99. n. 2. & seq.
Quid sit sentiendum de modo, quo transfertur
Pestis, p. 106. n. 7. & seq.
Quæ sit vis spirituum vitalium contra Pestis ac-
cessum, p. 121. n. 17.

Rerum præcipuarum, &c.

Unde possit Pestis suum finem accipere, ut grassari
desinat, p. 141. n. 13. & seq.

Quid discriminis esse debeat inter Pestem homi-
num & jumentorum, &c. p. 151. n. 21. & seq.

Ob quas causas Pestis incurabilius reddatur,
p. 207. n. 9.

Difficilius curari potest, quàm vitari morbus
pestilens; & quare, p. 208. n. 10.

Qualiter per occasionem Pestis moriuntur plu-
res, quàm per Pestem, p. 121. n. 1. & seq.

Si Pestis non consisteret in infectis, non posset si-
mul tot in locis grassari, p. 275. n. 30.

Pulvis. Vide, Molecula.

Sacra Scriptura meminit pulveris versi in cyni-
phes ad causandam Pestem, p. 6. n. 4.

Pulveres, *impalpabiles* dicti, forent sufficientis
molis ad organa vitæ, p. 91. n. 10.

Remedia. Vide, Pestis.

Ad quid dirigi maximè debeant remedia præser-
vati, p. 173. n. 10.

Laudatur Mercurius inter remedia præservati-
va; & quare, p. 179. n. 14.

Ostenditur quæ sit generatim vis olei contra omne
venenum, p. 180. n. 15.

Proponitur singulare remedium petiitum ex vulga-
ri aceto, p. 183. n. 17.

Alia remedia præservatiua obiter proponuntur,
p. 186. n. 19. & seq.

Index

Remedia simplicia compositis prævalent ; &
quare, p. 210. n. 11.
Varia remedia curativa proponuntur generatim ,
p. 214. n. 14. & seq.

Sales. Vide, *Insecta.*

Qualiter nulli sales quocunque pacto corrosivi
efficiant Pestem, p. 37. n. 9. & seq.
Ostenditur nihil esse commune Pesti & salibus
corrosivis, p. 124. n. 19.
Si sales corrosivi efficerent Pestem, hæc non dif-
funderetur ut diffunditur, p. 277. n. 31. & seq.

Spiritus. Vide, *Alimenta.*

Qualiter spiritus, qui corpus vivificant, præcon-
tineantur in alimentis, p. 168. n. 7.
Tales spiritus possunt repellere, imò extinguere
insecta pestilentia, p. 170. n. 8. & seq.

Sudor. Vide, *Remedia.*

Quæ & quanta sit vis sudorum pro curanda Peste,
p. 214. n. 14.
Afferuntur remedia quædam generalia provoca-
toria sudoris, p. 215. n. 15.

Suffitus.

In sententia communi de Peste, suffitus omnes
illam

Rerum precipuarum , &c.

- illam augerent , p. 119. n. 19.
Unde proveniat difficultas adhibendi suffitus idoneos , p. 164. n. 4.
Quid possint suffitus contra externam invasionem Pestilentiaë , p. 176. n. 12.

Systema.

- P**robatur hoc Systema ex Peste Ægyptiaca inducta per cyniphes , p. 6. n. 4. & seq.
Qualiter insinuaturn appareat in variis S. Scripturae locis , p. 56. n. 4.
Quæ sit Literatorum consuetudo circa nova Systemata , p. 127. n. 1.
Nihil interest hoc Systema de Insectis pestiferis esse novum , aut antiquum , p. 155. n. 24.
Quanta sit fictio in Systemate de vermibus pro explicanda Peste . p. 244. n. 7. & seq.

Venenum. Vide , Contagium.

- Q**uare non omne venenum sit pestilens , p. 39. n. 1.
Quid rei physicae sit venenum , p. 41. n. 3.
Non sunt venena , nisi respectivè , mortifera , p. 43. n. 4. & seq.
Venenum Pestis explicari non potest ad instar odoris sparsi , p. 48. n. 8. & seq.
Venenum pestilens periculosius est omni alio veneno , p. 265. n. 23. & seq.
In quo consistat omnis veneni activitas , p. 269. n. 26.

Index

Solum venenum contagiosum non potest explicari sine infectis , p. 272. n. 28.

Vermes. Vide, Infecta.

Qualiter corpus humanum sit obnoxium vermibus , uti pediculis , p. 145. n. 16.

Nulli vermes , seu visibiles , seu invisibiles , possunt repere per aërem , p. 239. n. 4. & seq.

Quanta inde sequeretur perniciēs Pestis , p. 242. n. 6.

Extra casum Pestis sunt vermes in plerisque tumoribus , p. 247. n. 10. & seq.

In aceto non deprehenduntur vermes , sed angues , p. 257. n. 17.

Vermes in tumoribus visi , non sunt causa Pestis , sed effectus , p. 283. n. 36. & seq.

Vinum acetosum. Vide, Microscopium.

In vino acetoso deprehenduntur, ope microscopii, angues multi , p. 257. n. 17.

Possit summus acor vini aliunde quàm ab anguibz istis procedere , p. 260. n. 19.

Vini acetosi distillati quis sit novus acor ille , & unde prodeat , p. 262. n. 20.

Vomitus. Vide, Remedia.

Quæ sit vis moderati vomitus pro curanda



Rerum precipuarum, &c.

Peste, p. 217. n. 18.
Affertur experientia singularis cujusdam vomitori,
torii, p. 218. n. 17.

FINIS INDICIS,





